


# ვისტრუქაღ

ქართული  
პრესის  
ბიურო



## ზ ი ნ ა ა რ ს ი

ბ ე ე ზ ი ა:

ს. აბაშელი } 1. მშვიდობით  
2. ღამის სარკეში

ბაბილინა — დიანა

გელა — დღის მგოსანი

იასამანი — პალიასტომთან

კ. რატიშვილი — დილა ტყეში

ვარლ. რუხაძე — დღეს ბათომი ვარდებში ზ. ს.

ქეთო ფირუზი — \* \*

ნოე ჩხიკვაძე — თფილიძე

სიმონ წეველი — დახუჭული თვალები

დ. ჯავახიშვილი — ღრუბლები

ბ ე ლ ე ტ რ ი ს ტ ი კ ა:

ი. მჭედლიშვილი — მეოცნებე გოგი

ნ. ლორთქიფანიძე — ჟამთა სიავე

ა. უსტიაშვილი — „ღამშვიდლი .. ღამშვიდლი“ !!


899.909.102  
3-67  
ქართული  
ბიბლიოთეკა

# ს ი ს ნ რ ტ ყ ე ლ ა

ყოველ-თვიური ჟურნალი

9085-7

კომუნა ☆☆☆☆  
ბელეტრისტიკა  
დრამა ☆☆☆☆  
კრიტიკა ☆☆☆  
ბიბლიოგრაფია



№ 8  
ივლისი  
1920

კ მ ე ზ ი ა


## ს. აბაშელი

## მ უ ვ ი ღ მ ბ ი თ

მე ამდენ ხანს ვითმენდი. სანამ შენ მოგისმენდი,  
 ჩემი გული შენს გულთან მქონდა გადახიდული.  
 ჩემთვის ჩუმად ვტიროდი და ცრემლს ჩუმად ვიწმენდდი.  
 გულში ცეცხლი ღვიოდა ციდან ჩამოზიდული.

ახლა, ვხედავ, შენი გზა მთიდან დაღმა დაეშვა  
 და მე ღრუბლის სფეროში დავრჩი განმარტოვებით.  
 აქ სხვა ცეცხლი დაენთო და ფიქრებიც სხვა იშვა:  
 სიყვარული—ელვია, სცოცხლობს წუთით, დროებით...

შენმა მოკლე წერილმა, ჩემთვის განაბოძებმა,  
 დამითალხა გონება და მითხრა სამძიმარი.  
 მაგრამ ჩემმა ოცნებამ მზე ახალი მოძებნა,  
 და სულიც გამიბრწყინდა, როგორც ტყე ნაწვიმარი.



## ს. აბაშელი

## ღამის სარკეში

ჩაჰქრა სანთელი და უნებურად  
 ჩამქრალ სინათლეს მეც თან გავეყევი.  
 სივრცე დახშული ჩრდილს დაებურა.  
 სადღაც ელავდა შუქის ნახევი.  
 არ იყო ღამე, არც გათენება.  
 აღარც ხმაური და არც სურნელი.  
 იყო სიჩუმე და მოსვენება,  
 ყოფნა უმიზნო და უზრუნველი.  
 დღეთა განვლილთა ქირი და ღვინი  
 ორივე ბურუსით იყო მოცული.  
 იყო ქვეყანა ვით ბალდახინი  
 ჩუმ სასაფლაოს კართან მოსული.  
 და თვით სიჩუმე ჩამქრალ სივრცისა  
 იყო გოდება და გლოვის მარში.  
 აქ უწინდელი სახე მიწისა  
 მაგონდებოდა როგორც სიზმარში.  
 თითქოს ბურუსში მოსჩანდა შორით  
 წამების ჯვარი და აზარფეში.  
 ტანჯვის და ღვინის სიმბოლო ორი  
 მოსჩანდა მხოლოდ ღამის სარკეში.



## ბაბილინა

## დ ი ა ნ ა

როგორ არ შემოგხედო! — პირის-პირა ვზივარ და  
აი, ეხლა ისარი შენსკენ გადმომივარდა...  
წიკითხავ წარწერას: „სიყვარული ძლიერი“,  
ამაოდ არა გვყავხარ მწიგნობარ-მეცნიერი!  
რა უნდა მომხდარიყო? შეიგრიხე უღვაში  
და .. მე აღარ მომიწევს ზღვაოსნობა ურვაში.  
რა უნდა მომხდარიყო? საგულე გაიკეთე  
და... მგონია გესტუმრა სიამე და სიკეთე.  
თუ უღვაშს შეიგრეხავ, ადვილად მიგიხედები —  
გულუხვ მასპინძელივით ხელგაშლილი მიხედები;  
თუ საგულეს იფარავ, მე ამასაც გავიგებ —  
ისარი შეინახე, უკან ვეღარ წავიღებ.  
როგორ არ შემოგხედო, პირის-პირა ვზივარ და  
აი, ეხლაც ისარი შენსკენ გადმომივარდა.



## გ ე ლ ა

## ღღუს მგოსანი

\*  
\* \*

ღღეს უმღერის განთიადის მგოსანი  
 ფრთებს ისწორებს კლდეზე გადასაფრენათ,  
 ველად დაჰქრის, ვით უძლევი მოვლენა,  
 ღღეს უმღერის განთიადის მგოსანი!..

• ელავს, დელავს დიად გრძნობის ფრთოსანი  
 და მოუხმობს ცეცხლში გავლით სალხენათ,  
 ღღეს უმღერის განთიადის მგოსანი,  
 ფრთებს ისწორებს კლდეზე გადასაფრენათ!..

მზეს თაიგულს გამოსტაცებს ტრფიალი,  
 ნადავლ ოქროს დაურიგებს ქვეყანას,  
 მძლე სხივები დაფრქვევა ყველგანა,  
 მზეს თაიგულს გამოსტაცებს ტრფიალი!..

სიტყვას იტყვის კრძალვით მიწის ტრიალი,  
 სხივთ მეჯლისი შეაჩვენებს სატანას,  
 მზეს თაიგულს გამოსტაცებს ტრფიალი  
 ნადავლ ოქროს დაურიგებს ქვეყანას!..





## იასამანი

### პ ა ლ ი ა ს ტ ო მ თ ა ნ

სალამობით გულჩავარდნილ ოღრო-ჩოღროებს,  
ატალახებულთ და ეკლებით ამობარდნილებს,  
ჩამავალი მზე თავს დაასვეს ურიცხვ კოლოებს,  
ფრთაამართულებს, გესლიანებს, პირწავარდნილებს.

ქვემძრომთა ჯარი გულუბრყვილო სავსე თვალებით  
აეგლისება უნუგეშო ნამორს, ფუტუროს.  
დამფრთხალი იხვი დაეშვება დაფართხალებით,  
რომ თავის საფრთხეს გამალებით შორით უყუროს.

სულს დაღევს მწუხრი მკრთალ სხივების გაციალებით.  
ჩაჰქრება კოშკი, უსურვაზი გაედინება.  
გააპობს ნავი ტბის ზედაპირს გასრიალებით,  
და კაპარკინას ბადეებში ჩაეძინება.

გამონელდება შემდეგ სიცხე, და ქარის ტაში  
წინ დაუდგება ამაყი ტბის ტალღათ მოდენას.  
ამოვა მთვარე ნახევარი ცაზე და ტბაში—  
და გააგრძელებს მზით დაწყებულ დღის წარმოდგენას.



## კ. რატიშვილი

### დილა ტყეში

- ვარსკვლავთ აკიდო ჩაიძარცვლა, ცაში ჩანელდა.  
 იქ განთიადმა შეამსხვრია სარკმელი ღამის.  
 თეთრი სიმღერით ცელქი სიო ყურთან ანელდა.  
 ბრილიანტებად ჩამოვარდა ცვარები ნამის.

ტყეში შეირხა კუნელი და მაგარო რცხილა.  
 ტოროლამ ზევით შეუსტენა, ცა გააოცა.  
 გულ-წმინდა წყაროც აჩანჩქერდა, ხმა მოიცხრილა.  
 მზემ თვალი უყო კიპაროსებს, შუბლზე აკოცა.

მეცხვარემ ცხვარი ქოფაკებით მთაზე შეშალა  
 და სალამური ააკენესა, ქლექი ქალივით.  
 ნეტარებასთან ტკბილი სევდაც თან ამეშალა  
 და ამიმღერდა სული ჩემი მზესთან, მთვრალივით...



## პარლამ რუსაძე

### დღეს ბათომი ვარდებში მის

(სახელდახელოთ)

დღეს ბათომი ვარდებში ზის  
 დღეს ბათომში ზღვაც კი ცეკვავს;  
 შევების ღმერთი გადმოსულა  
 და აღდგომის ზარსა რეკავს!

საქართველოს დროშა მოდის,  
 მოთამაშობს თეთრი რაში;  
 ზეიმია, ხარობს ერი,  
 ისმის „ვაშა“, ისმის ტაში!

ღმერთო ჩემო! ამას რას ვსჭვრეტ,  
 ცხადია თუ სიზმარია?—  
 ჭეშმარიტათ ეს დღე ჩვენთვის  
 განახლების ცისკარია!!

7 ივლისი, ბათომი



## ქეთო ზირუხი

\*  
\* \*

სახლში რომ ვბრუნდებოდი მინდვრით საღამო-ჟამს, მზეს ფერი უკრთებოდა, კვდებოდა და ჩრდილთა წყნარი გალობა მოისმოდა კიდევ.

ჩემს გულში კი უცხო ცელქი ჩიტი ფართხალებდა და გალობდა, რადგან იქ, ტყეში, მოუსვენარ რუის პირად მშვენიერი ქაბუკი ვნახე, ქერა თმიანი და ლურჯ-თვალა.

ყრუ იყო ის ქაბუკი და მოწყენით იჯდა წყლის პირად, — არ ვიცი, რაღა? მაგრამ ქერა თმა ჰქონდა და ლურჯი, ბავშური თვალები და მოღლილ ქუთუთოებს რომ ასწევდა ნელა რუის ტალღების შესახედავით, მძიმე ღრუბელი გაირღვევოდა ხოლმე და ზეცა იცინოდა ცისფერის, ნათელი სიცილით.

არ ვიცი, შეატყო თუ არა, რომ მის დანახვისთანავე ჩემი თვალები ცუდლუტისა და ცელქი ნაპერწკლებით აინთენ, ხოლო ურჩი ჩიტი ჩემის გულისა მოუსვენრათ ატოკდა და შორეულ ცისფერ სივრცისკენ გაიწია.

დაღლილი ვბრუნდებოდი მინდვრით სახლში და ქარი ნალვლიანათ გალობდა, მაგრამ სიხარული თავს დამფარფატებდა ნაზის ფრთითა, რადგან ქაბუკი ვიხილე ქერა თმიანი და დიდრონ ლურჯ-თვალებიანი.

\*  
\* \*

დღეს ჩემი სული შემოდგომის ლეგა ღრუბლებს მოუბურავს და არ ვიცი, იქნება-ლა როდისმე მზე და სიხარული? იქნება-ლა ცა ლაჟვარდოვანი, ნაზი, ალერსიანი?

დღეს მე არავინ მიყვარს... და ჩემს გულს რაღაც სუსხიანი გრძნობები ჩხვლეტენ, როგორც შემოდგომის წვიმის წვეთები. სამარის დუმილს შეუკრავს ბაგენი ჩემნი, თვალებს ძილი სწყურია, საუკუნო, გაუღვიძარი.

დღეს მე არავინ მიყვარს... მაგრამ, მგონი, ჩემს სულს არასოდეს უნატრია ასე ძლიერ სიყვარული და ალერსი, ალერსი თბილი, ცხოველყოფელი.

დღეს მე არავინ მიყვარს... და განუსაზღვრელი შიშის ზარი მიპყრობს მარტო იმ აზრის გამო, რომ, იქნება, მეც არავის ვუყვარდე, — ჩემი გული ობლად ჰფეთქავდეს.

თვალებს ვხუჭავ და ვფიქრობ: თუ ქვეყნად არ არის მეორე გული, რომელიც ჩემთვის ჰფეთქავდეს და არ არის ერთი წყვილი თვალი, მე რომ მეძებდეს — შესდევ, გულო, საუკუნოთ დაიხუკეთ, თვალებო!

\*  
\* \*

კ. ს—ს

დღეს დილით, რაწამს მზის ღიმილი შეეხო ზეცას, ჩემს ოთახში ჩიტი შემოჭვრინდა, თავს შემომეველო, დაიფურტულა და გაჭვრინდა ისევ.

ოჰ, იმ ჩიტმა პაწაწინა საიდუმლო ჩამჩურჩულა, პაწაწა და თან ისე სასიხარულო, რომ ყოველი კუნთი ჩემის სხეულისა ათამაშდა და ატოკდა გიჟურისა და თავშეუკავებელის ცეკვითა.

ჯავრიც არა მაქვს იმისი, რომ წუხელის გაბორცებული ქარი მრისხანეთღმუოდ და მეზობლის ბაღში კოტი გაბმით და გულშემზარავათ ჰკიოდა, უბედურებას უქადდა ვიღაცას.

მე ხომ პაწაწა საიდუმლო ვიცი, პაწაწა, მაგრამ სასიხარულო საიდუმლო, რომელიც თუმცა ჰაერშიაც თრთის, ბაღშიაც გაფურჩქნულა, მინდორსაც მოსდებია და ტყესაც, მაგრამ ჩემს გარდა ვერაფერს ჰხედავს, მარტო ჩემია სულმთლად!

და არაფერს იცის, რად არის დღეს ჩემი ოთახი საფეხე სიხარულითა და ხმაურობით, რად არის, რომ მე დილის რიჟრაჟიდან ვიდრე შუალამემდე სულ ვმღერო და ქვეშ-ქვეშ ვიციანი ეშმაკურად.

ოჰ, დღეს ჩიტი შემოჭვრინდა ჩემს ოთახში, თავს შემომეველო, შემომეველო და გაჭვრინდა ისევ!

\*  
\* \*

მთელ ღამეს ვერ დავხუჭე თვალები.

რბაც უცნაური შრიალი არ მაძინებდა, წყნარი, მკურავი, და კიდევ სიცილი, თავშეკავებული და თან მალხაზი.

და ეს ხმაური—მხიარული, მაგრამ იღუმალი, სულს მიღვლევებდა და მოიცავდა რბილის, დოღბანდივით გამჭვირვალე სევდითა.

თვალებით ბნელსა და ფიქრით აღსავსე სიშორეს მიეჩერებოდი და ვხედავდი, როგორ კოხტათ უგზავნიდენ ვიღაცას ათრთოლებულ კოცნას კეკლუცი ვარსკვლავები.

მე ნაღველი მაწვა და თან შიშისა... იქნებ ღამის უცნაურ შრიალის გამო? ან კიდევ მარტოობისაგან?

არ ვიცი!

მთელ ღამეს ვერ დავხუჭე თვალები!

მაგრამ დღეს დილით რიჟრაჟმა გამიღიმა ბავშურის, მხიარულის ღიმილით და მე აღარ მეშინიან ღამისა, არც მარტოობის.

ღია სარკმელში გავიხედე და დავინახე მთელი ზღვა იისა, გაუბედავით და მორცხვით რომ ამოეყოთ თავი ბაღასში.

აი, თურმე რა მირღვევდა ღამის სიმწვიდეს!

## 6. ჩხიკვაძე

## თ ფ ი ლ ი ს ს

ტინის გულ-მკერდით, აღსასრულის ჯვარზე გაკრული,  
 სისხლით მორწყული, გასრესილი, ცრემლით დაზრული,  
 დედა-თფილისო! რაოდენჯერ იყავ დამწვარი,  
 მაგრამ მხნედ იღვა შენი რწმენა — შენი ტაძარი!


შენ ძლევით სდუმდი კლდეთა შორის, კლდეთ გარდაქმნილი,  
 ვერ გაშინებდა მტერი უნდო, მტერი გახრწნილი,  
 და წარღვნის ზვირთი თუმც უპოვრად თავს გაწყდებოდა,  
 შენი მიზანი, შენი გული არა ტყდებოდა.

შენ აიტანე ზიზღი, მტრობა ურიცხვ ტომისა,  
 შენ შეინახე წინსვლის ყინი, სული ომისა,  
 შენ ცრემლით ზარდე სასოება და სიყვარული, —  
 ქართვლის დიდება, მისი მცნება და სიხარული!

და ააფრინე ულოდნელათ შენ არწივები,  
 და ააფეთქე განახლების შმაგი სხივები,  
 ზეცას ასმინე ბრძოლის ჭეჭა, ცეცხლის ყივილი  
 და მით განკურნე შენი სევდა, შენი ტკივილი!

მაგრამ შენს ცისკარს ბოროტება თვალს ვერ უსწორებს,  
 სისხლის ნადიმზე მოუწოდებს ისევ ყრუ ჭორებს:  
 უნდა დასძიგნოს შოთას წმინდა საკურთხეველი,  
 სისხლით მოსვაროს საქართველოს ტურფა ტყე-ველი

შენ-კი მხნედ დგებარ, ჩემო ბურჯო, ჩემო თფილისო,  
 და, შავ ყორნების შავ კლანჭებით თუნდ გაისრისო, —  
 მაინც იმეფებ! შენი სახე არ გაიხრწნება,  
 სანამ: სიმაართლე, სიყვარული, რწმენა იქნება!



## სიმონ ჯგერელი

## დასუქული თვალები


მაგონდება მე კუბო  
 გუშინ წასვენებული,  
 თვალს ცრემლებით ვიბუგავ  
 კაეზანით ვნებული.  
 ო, რა რიგათ შვენოდა  
 მკერდი ნაფიქალები,  
 ოდნავ გამოსჩენოდა  
 დახუჭული თვალები.  
 ო, თვალები! თვალები!..  
 რა მიყვარდა გულითა!  
 ოდნავ განამკრთალები  
 სხივით დასუდრულითა.  
 სიზმარივით მახსოვს დღეს  
 კუბოში შავ-კაფება—  
 გუშინ სადღაც წაიღეს  
 ჩემი ტურფა ღვთაება.  
 საით?—ვერ გამიგია;  
 სევდის მახრჩობს რკალები  
 და თვალის წინ მიდგია  
 დახუჭული თვალები.



## დ. ჯავახიშვილი

### ღ რ უ ბ ლ მ ბ ი


თეთრი ვით მთის თოვლი, ნათოვი თეთრ ვარდზე,  
 თეთრი ვით ქალწულის ქალწული ზმანება—  
 მიდიან ღრუბლები, მიჰქრიან ლაჟვარდზე,  
 იქ, სადაც არ კვდება სურვილი და ნება.  
 მიდიან, დნებიან, ჰქრებიან ლანდებად.  
 ღხენით მიჰყვებიან სრბოლას გიჟმაჟურსა.  
 ხან ლურჯს ეხვევიან უცხო თეთრ ვარდებად,  
 ხან მზის შუქს იქერენ ცით გამონაჟურსა.  
 მიდიან საითკენ? რისთვის, ან რა მხარეს?  
 მიდიან, მიჰქრიან სივრცეში, გრილოში.  
 ეძებენ ნავთსადგურს, თუ მყუდრო სამარეს  
 იქ, განგის ტალღებთან, თუ მღვრიე ნილოსში?  
 ამაყ კავკასიონს ვნებით ეხვევიან  
 არ ბრწყინავს მყინვარი თეთრად ვით სხვევია...  
 საღამოს ანთებულ კოცონზე იწვიან,  
 და მღუმარ მიწისკენ ჟინჯღიღებს ისვრიან.  
 მიწას წაუკიდეს ცეცხლისა ალები  
 და მასთან იწვიან, ალისფრად დნებიან...  
 და სისხლში ჯვარცმულნი და სისხლით მთვრალეები  
 ბინდის სიწყნარეში ჰქრებიან, კვდებიან.





# გაკულის ღორბეი

## ბელესტრისტიკა



დავ. კლდიაშვილი

## ბაკულას ღორები \*)

ხ უ რ ა თ ი

ის იყო შარავზით მომავალმა ზენათიმ გზის შესამოკლებლად ღობეზედ გადა-  
რება დააპირა და ზედ შესდგა ფეხი, რომ გამწარებით წამოიძახა:

— ღმერთო მომკალი!.. ღმერთო მომკალი! ჩახტა ეზოში და ქაქანით გაენ-  
თო ეზოს ყურეში ყოფილ პატარა ბოსტნისაკენ.

— უიმე, უიმე!.. ღმერთო მომკალი!.. პიტია!.. სასიკვდილე პიტია... კიკი-  
ლო! კიკილო!.. თქვენ მოუკვდით თქვენ დედას, თქვენ!.. პიტია, კიკილო! კი-კი-  
ლო-ო! უცნაური ხმით გაჰკიოდა და თან მირბოდა ზენათი.

ამ ყვირილზედ დაბალ-ბალკონიან სახლიდან გამოვარდა თუთხმეტ-თექვსმეტი  
წლის ქალიშვილი, რომელს უკან გამოსდია თმა გაბურძგენილმა, ფეხშიშველა პე-  
რანგის ამარა პატარა ბიჭმა.

— რა ამბავია, დედა, რა? იკითხა ქალიშვილმა.

— რა და თქვენი სიკვდილი!.. თქვენი არ გადარჩენა, შვილო, თქვენი არ გა-  
დარჩენა! . თქვენ გოუწყადით თქვენს პატრონს, თქვენ!.. ვეღარ ხედავთ თქვე გა-  
საწყვეტლებო, რომ ამოგვაგდეს. . რომ ერთიანათ ამოგვაგდეს!?. თქვენ გაგიწყდათ  
მიწა... მოისპო თქვენი სახელი!.. დაგიდგათ თვალები!.. მიწა დაგეყარათ გასა-  
წყვეტლებს, მიწა!—და ამ წყევლის წარმოთქმაზედ შეჩერებული ზენათი ისევ ბო-  
სტნისაკენ გაიქცა; უკან დედევენა პიტიაც.

— ჰა ტრუბია! ჰა ტრუბია! აყვირდა პატარა ბიჭიც და ამ ძახილზედ სახლის  
ყურიდან გამოვარდა შავი, ბანჯგვლიანი ნაგაზი და ესეც ყფით გავარდა ბოსტნი-  
საკენ.

— ჰა ტრუბია, ჰა, ჰა! ყვიროდა ბავში და თან მისდევდა ძალს.

ბოსტანში მყოფმა ორმა, ძაღვზედ გამხდარმა, ღორმა და ცხვარმა აღბათ

\*) ეს სურათი ქვეყნდება შენთხვევით. განახლებულ ხანას ეპატირება ახალი სურათები, ეს  
კარგათ იცის ავტორმა, მაგრამ უთმოზს ძხონას და აქვეყნებს თვის ამ მ რჩენილ ნ-შ რ-ომა-ც.


კარგათ იცოდნენ რა დღესაც დააყენებდა მათ ტრუბია, გაფაციცებით რებდნენ პირს პრას, ქლავს, ნიახურს, ოხრახურს — რაც კი პირს მოხვდებოდა, — შემდეგ ეცნენ ბოსტანის დაბალ რაგვს, ტრუბიას შიშით გაღონიერებულებმა შეამტვრიეს რაგვის ხმელი წკნელი და გასაქცევით გამზადებულები სამივე შეუდგა შეღმართს ტრუბია ყეფით დაედევნა უკან, დაეწია ერთს, სწვდა გამხმარ კანქში; ღორი აქყვირდა, წაიქცა და კოტრიალ-კოტრიალით ჩამოგორდა ქვევით; ნაგაზი ახლა გაეკიდა მეორეს, დაეწია; ამასაც ჩაასო თავისი ბასრი კბილები კანქში და ესეც აქყვირებული წაიქცია და კოტრიალით გადმოუშვა ქვევით; დამთხალი ცხვარი კი საცოდავით ხან იქით მირბოდა, ხან აქეთ, შეშინებული, რომ ძაღლს არ ჩავარდნოდა საკბილავად ტრუბია კი ღორების წვალეებით კმაყოფილდებოდა. დაბოლოს ამასაც მოსწყინდა მათი წვალეობა, გაანება თავი, შესდგა და თავაწეული მისჩერებოდა კანქებ დასისხლიანებულ პირუტყვებს აღმართს რომ შეუდგინ.

ზენათი კი ბოსტანში ჩამდგარი დაუცხრომლად ქაქანობდა და გაჰკიოდა რაც ხმა ქონდა გულგახეთქილი, რომ ხედავდა ასე შეუბრალებლად მოსრესილს თავის ნამუშევარს.

— ასე კაცის ამოგდება გაგონილა ქვეყანაზედ?!.. თქვენ ამოგივარდათ თქვენი პატრონი... თქვენ ამოგივარდათ თქვენი პატრონი ძირიან ფესვიანად რავარც თქვენ ეს ჩემი ბოსტანი ამომიგდეთ!.. აოხრდა თქვენი პატრონი რავარც თქვენ აქაურობა ააოხრეთ!.. მოისპო თქვენი პატრონი ისე რავარც ეს ჩემი ნაშრომი მოსპეთ და გააქრეთ!.. ისე გაქრა თქვენი პატრონი .. გაქრა ქვეყნის პირიდან!.. თქვენი პატრონი დასწყევლა ჩემმა გამჩენმა.. დასწყევლა და მოსპო მამა ზეციერმა! ყვიროდა ზენათი რაც ძალა და ღონე ქონდა, რომ შეღმართის წვერზედ წამოსკუპებულ ქოხში გაეგონათ მისი გულისწყრომა. რასაკვირველია იქ ესმოდათ მისი ქაქანი, მისი ლანძღვა, წყევლა, მაგრამ პასუხს არავინ აძლევდა და არც არავინ ჩნდებოდა. ეს კიდევ უფრო აბრაზებდა ბრაზმორეულ ადამიანს და მის ლანძღვაგინებას დასარჯული არ ეძლეოდა.

— ასე არ შეიძლება, გალატტიონ, არ შეიძლება, მითქვამს შენტვის! გააღმასებულო დაუხვდა ზენათი სამუშევრიდან საღამოს შინ დაბრუნებულ ქმარს.

— არ შეიძლება გეუბნები! რაცხა უნდა იღონო, თვარა ამოგვაგდეს და ეს არის!.. ამოგვაგდეს ერთიანათ!.. ხმა უნდა ამოიღო!.. თუ არა და მითხარი და აღარ შევაკლავ თავს არც ყანასა და არც ბოსტანს... ყველაფერს მივატოვებ!.. იმისათვის ვეწვალო, რომ ოხერ ბაკულას ღორებს შევაქამო ჩემი ნაცოდვილარი?!.. ბაკულას ღორების გამოძღომისათვის ვიკლა თავი?! მითხარი, ბატონო, თუ არაფერი გვეშველება, მითხარი და აღარ ვიცოდვილებ! ყველაფერს თავს დავანებებ თუ ბაკულას ღორების საოხრებლათ უნდა გახდეს ჩემი ნამუშევარი!.. მივატოვებ



ყველაფერს და მოსვენებულათ ვიქნები!.. გულის ხეთქას მაინც გადავრჩები! არა, რატომ, რატომ კუჭკამხმარ ბაკულას ღორებს უნდა შევაჭამო ჩემი ნაცოდვილარი?! გაუჩუდი, გაუჩუმიდი .. ნუ გაცემ ხმას!..

— ახირებული ხარ ერთი შენც! წყენით მიუგო გალაქტიონმა, — ვინ გოუჩუმიდა, მარა იმ ოხერთან რომ არაფერი გამეწყო! პირადაც წავეკიდე, კაცებიც მივუგზავნე, დავემუქრე ასე გიზამ, ისე გიზამთ-ქვა, მარა სინიდისს დაკარგულთან რა გაგივა! დასწყევლა ღმერთმა ის დღე როცა მაგ ოხერი იმ ჯაგებში ჩასახლდა!.. რა მოსვენებულათ ვიყავით!..

— დასწყევლა ღმერთმა, დასწყევლა ღმერთმა ვიძახოთ!.. რამ საშვალეა უნდა ვიხმაროთ თვარა მარტო დასწყევლა ღმერთმას ძახილით ბევრი გაგიკეთდება .. მე გეტყვი საშველი დაგადგება! .. ამით არაფერი გვეშველება, ადამიანო, არა, არა!

— მაცალე, ბატონო, ეგებ რამე ვიღონო. .. მაცალე!

— მაცალე, მაცალე — ამას კაი ხანია იძ ხი და საქმე თუ ხდება თვარა საშველი არაფერი გვეძლევს!.. როდემდი უნდა იყვეს ასე? ასე რაღა უნდა გადაათელიო კაცმა თავი იმ წუნწყლიანს!.. სულ შენი ბრალია, შენი ბრალი!.. თითქო ერიდები იმ გასაწყვეტლებს!..

— ვინ ერიდება, ერთი შენ კიდევ! გაჯავრებით წამოიძახა გალაქტიონმა — ვინ ერიდება?.. რაში უნდა მოვერიდო მითხარი ერთი!?

— აბა რაა? სამართალი რაღა ვერ ვიშოვო თუ კი კაცი მოვიწოდებ!

— ჰო, სულში ვიჩივლო?

— ვიჩივლებ აბა!.. მივართევ ოხერს და მუდრევს .. არაფრით არ დავზოგავ!..

— დიახ, სულში მიათრევ და დაიმედებული იყავი, რომ შენი სიმართლე გაგამარჯვებინებს, დიახ!.. ვიცი მე სულის საქმე!.. უნდა გადაჰყვე საჩივარს და ბოლოს, ვინ იცის, რაღა შეგიტრიალებენ ნათელ საქმეს!.. არა, შენ გენაცვალე, თელათ რომ ყველაფერი ამიოხნოს, სულში ფეხს ვერავინ შემადგმევინებს, ვერა! — გადაწყვეტილებით წარმოსთქვა გალაქტიონმა — ვიცი მე სულის ამბავი!.. არა, საქმეს სხვა გზით უნდა შემოუაროთ! დაატანა მან.

— სადაა მერე ეს სხვა გზა? ცხარობდა ზენათი.

— გეუბნები მაცალეთქვა. .. მოვიფიქრებ! .. ჯერ ვერ გამოვნახე .. მაცალე და გამოვნახე!..

— ა ბატონო, გვიცლია და ვნახავთ!.. ვნახავთ! მარა ეს მითქვამს შენთვის, გალაქტიონ, თუ ასე გაგრძელდა, მე ხელს აღარაფერ მოვკიდებ იცოდე!.. რაზედ ვეწვალო .. რისთვის ვაკლა ჩემი თავი! .. ბაკულას ღორების საძლომის მოსაყვანათ ვიშრომო?..

— რაცხას ვიღონებ, შე ქალო! ვიღონებ, ოღონდ მაცალებ!.. საიმედოა თქვენს გამოვნახავ და გადავრჩები მაგ დაწყევლილ მეზობელსაც და შენს წყრომასაც! — ღიმილით დაათვა ვალაქტიონმა, — კი, შენ ნუ მომიკვდები!

რამოდენიმე დღის შემდეგ ვალაქტიონი დაბა №-ს გაემგზავრა თავის ცოლის ნათესავთან, ალექსანდრე შარაქაძესთან, რომელიც თარჯიმნათ მსახურებდა მახრის სამართველოში.

დილა იყო, როცა იგი ჩავიდა დაბაში და რადგან ალექსანდრე სახლში აღარ დაუხვდა, სამართველოში მივიდა მასთან.

— ოჰ, ვალაქტიონს გაუმარჯოს! გაუმარჯოს ვალაქტიონს! მხიარულად შეეგება ყმაწვილი კაცი ვალაქტიონს. — საიდან? რა ამბავია, რამ გაგსარჯა?.. ხომ მშვიდობით, კარგათ!..

— გმადლობთ შენი ქირიმე!.. ვართ ღვთით ერთგვართ, თქვენგან დავიწყებული, დაკარგული!.. ვართ რავარც მოგვხსენება საწყალი კაცის ამბავი! მიუგო თავის შებრალებით ვალაქტიონმა.

— ზენათი ხომ კარგათა?..

— გმადლობ!.. არის ისე

— რა ხანია არ მინახავს!

— მერე ასე უნდა!.. ნამეტანი დაგვივიწყე, შაშა ჩემო!.. სულ აღარ გავვიხსენე... მართალია პატარა კაცები ვართ, მარა რაც რომ იყოს, რაც უღირსნი გყავდეთ, მაინც ნათესავები გყავართ... საწყლები ვართ, მარა ამიტომ კი არ უნდა მოგვიძულოთ თქვენისთანებმა — უფრო უნდა შეგვიბრალოთ და შეგვიწყალოთ ხოლმე!

— ღმერთმა ნუ დაგვიწყოსთ, რას ამბობ შე კაცო!.. აბა კარგათ ხართ?

— გახლავართ!.. ვებრძვით საწყლები ცხოვრებას რაც გავგეწყობა, მარა რაი, მაინც საწყლათა ვართ და ვიქნებით ჩვენს დღეში!

— რამ გაგასაწყლათ, შე კაი კაცო! მხიარულად მიიძახა ალექსანდრემ და ბეჭხედ ხელი დაადო.

— საწყლები ვართ, შენი ქირი შემეყაროს, უსაშვალონი აბა რა ვართ! ვიცა არ უნდა ჩვენ გვაწუხებს და ჩვენ გვჯობნის!.. შემთარე არავინ გყავს! ნაღვლიანათ წარმოსთქვა ვალაქტიონმა.

— ვილაცას შეუწუხებინარ, ვალაქტიონ, გეტყობა!.. და ძალიანაც შეუწუხებინარ, გეტყობა!

— სწორედ მასეა და იმიტომაც მოგაშურე შენი ქირიმე!.. აგერ მობძანდი და მოგახსენებ ყველაფერს! გაიწვია ოთახის თავისუფალ ყურეში ალექსანდრე.

— მართალია უჩემოთაც ბევრი მაწუხებლები გყავს, შაშა, — დაიწყო ვალაქ-

ტიონმა, როცა ორივე დასხდნენ, ისე რომ მათ მუსაიტს ვერავინ შეუშლიდა — მარჯვენა  
 ჩვენთვისაც უნდა შეიწუხო თავი... ღმერთი მოიმაღლიერე, ყურადღება მოგვა-  
 ქციე.. შეგვეწიე! არც ისე შორებლები ვართ, შენი ჭირი შემეყაროს, რომ ჩვენი  
 ვასაჭირი არაფრათ მიიმჩნია!.. მე თუ არა, შენი ნათესავი ქალი, შენი სისხლ-  
 ხორცი მაინც შეიბრაღე!.. ერთობ შეწუხებულია, შაშა ჩემო, მეტის-მეტად შე-  
 წუხებულია და იმიტომ მოვაშურე!

— თუ კი რამე შემიძლია!..

— კი შეგიძლია!.. რაღა არ შეგიძლია!.. შენ თუ არ შეგიძლია აბა ვიღას  
 შეუძლია!

— თუ კი მასეა, კი ბატონო... ვინ ოხერი!.. რაშა საქმე?

— სულ უბრალო საქმე შენთვის!

— ჰო!

— ერთი კაცი უნდა შემიშინო!

— რაღა?!. კაცი შეგიშინო?! შეეკითხა გაცუებული ალექსანდრე.

— დიახ!.. ერთი ოხერი, ყოვლად გაფუჭებული მეზობელი გამიჩნდა, ის უნ-  
 და შემიშინო!

— რა რიგათ, რანაირათ, გალაქტიონ?!. შეეშინდება ჩემი?!. სიცინით ეკითხე-  
 ბოდა ალექსანდრე.

— კი შეეშინდება! და უნდა შემიშინო, შაშა!.. შენთვის ეს არაფერი იქნე-  
 ბა, ჩვენთვის კი დიდი რამე! ერთი დღე დაკარგო ჩვენთვის—რა უნდა იყვეს შენ-  
 თვის.. ისეც ისე, რომ იმ დღეს ტკბილად გაატარებ და ისიამოვნებ!.. მართალია  
 ჩვენისთანა საწყალი ნათესავი მაწუხებელია, ჩვენზედ უკეთესებს სცნობ და მათ-  
 თან ხარ გართული, მარა ღმერთი შეგვეწივა ჩვენისთანა საწყალს და გაჭირვე-  
 ბულს რომ გადმოხედავთ ხანდისხან!.. ჰო და იმას გთხოვ მიკადრო შენი ღარიბი  
 ნათესავი, მეწვიო ჩემს ღარიბ ოჯახში... ერთი დღე გაატარო ჩემს ქონში!.. შენ-  
 თვის ეს არაფერი იქნება, ჩემთვის კი დიდათ ეღირება, დიდათ დაფასდება. კუთხე  
 მეზობელი გეიგებს, რომ სულ უპატრონო არ ვყოფილვართ... რომ ჩვენც გვყო-  
 ლია შემწე და მფარველი. რათ ეღირება ეს ჩვენთვის, ჩემო შაშა!?. ერთხელ მა-  
 ინც ხომ უნდა ნახო შენი ნათესავი... მოხვალ, ისიამოვნებ, დროს გაატარებ და  
 წამობრძანდები... მე კი ამით ძალიან შემეწივი!

— კი ბატონო, დიდი სიამოვნებით!.. თუ ამაზედ მეტი არაფერია, ეს რა! სი-  
 ცინით თქვა ალექსანდრემ—სულ ადვილი საქმე ყოფილა!

— შენ არ მომიკვდე სხვა არაფერი... მარა შენთან ერთათ თქვენი სეკრეტა-  
 რიც მაწვიე, შაშა!

— ჩვენი სეკრეტარი?!. გაიკვირვა ალექსანდრემ.

— სეკრეტარი!.. უსათუოთ შენთან ერთათ უნდა მაწვიო!

— რუსია, კაცო! ქართული ინჰი-ბინჰი არ იცის!

— უსათუოთ უნდა მაწვიო! მუდარით მიმართა გალაქტიონმა. — შენთან ისიც დინახოს ჩემმა კუთხე-მეზობელმა ჩემს ეზო-ნიადაგზედ!.. გეფიცებით სიამოვნების მეტი არა შეგხვდებათ რა... სადილს მიერთმევთ, ისიამოვნებთ და წამოხბანდებით და ეს იქნება!

— კი მარა აქ რალაც ამბავია! ველარ მოითმინა და ღიმილით უთხრა ალექსანდრემ. — შენ რალაც სხვა განძრახვა გაქვს!

— არ მოგიკვდეს ჩემი თავი, უფრო დამიჯერებ, არაფერი სხვა გარდა იმისა, რომ თქვენისთანა თვალსაჩინო პირებით თავი დევიფარო მაწუხებელ მეზობლისა-გან!.. თქვენისთანა პირებს რომ ჩემს ქოხში დაგინახავენ იტყვიან, რომ სულ უპატრონოთ არ ვყოფილვართ და მტერი შეშინდება, მოგვერიდება, ისე თამამად ველარ მოგვბედავს!..

— ეს ჩვენი შესაშინებელი კაცი ვინ არი, გამაგებინე ერთი! ეგებ ისეთი იყოს, რომ თავათ შეგვაშინოს იმის მაგივრათ, რომ ჩვენ შევაშინოთ! იცინოდა ალექსანდრე.

— კაცმა რომ შეხედოს მართლაც შეეშინდება, ისეთი შეხედულობისა!

— ვინაა, რა კაცია, გალაქტიონ!

— მეზობელია ჩემი .. ჩემი მოგვარე!.. ვიყავი ამდენი ხანი, შენ გენაცვალე, ჩემს პაწია კარმიდამოზედ მოსვენებით .. ახლო არავინ მყავდა მეზობლათ... არავის ვაწუხებდი, არავინ მაწუხებდა! ვცხოვრობდი ჩემთვის... მიხაროდა!.. მოგეხსენება რა სარიდალია ახლო მეზობელი და თუ ნამუსს დაშორებულთ გაგიჩნდა, ხომ გაგიმწარდება ადამიანს სიცოცხლე და ეს არი!.. ასეთი უბედურება მეწია მეც!.. გამიჩნდა მეზობელი ყოვლად გაფუჭებული, სინიდის დაკარგული ადამიანი... ამიკლო, შაშა ჩემო... ამიკლო. აღარა ვართ მისგან!

— ვინაა?

— ისევ ჩემი მოგვარე!.. ამას წინად გამოეყო ძმას... წამოიღო რალაც ქოხი რგებოდა, ჩადგა ჩემს ზევით ჯაგებში, ისეთ ადგილას რავა იფიქრებდი თუ იქ როდისმე ადამიანი დასახლდებოდა... ეგ რასაკვირველია მისი საქმეა, ღმერთმა მშვიდობა მისცეს, ჯანდაბაში წასულა, კისერი უტეხია, უარესს ადგილასაც გადაკარგულა, მე არ შევწუხდები ამისთვის — მარა მისმა მეზობლობამ ამომავდო კაცი, ნამეტან ზარალს მაყენებს, შაშა!.. არა აქვს საქმელი, არა აქვს სასმელი, ყრიან საცოდავათ... ოჯახში, როგორ იცი, ყავს წვრილფეხი, მარა რომ არ ყოლებოდა ერჩია... თავისათვის საქმელი რომ არა აქვს... პირუტყვს რა რიგათ შემოუაროს!.. უყრია მშვიერი, შეწუხებული, შიმშილისაგან გამწარებული... ყავს დამწყვრეული

და ეს მშვიერი პირუტყვი კუჭი რომ ეეწვისთ ხოლმე ისე ჭყვირდებიან. და წყნარად რომ იქ დაბლა ჩვენ ვიწვით მათი საცოდაობით ისეთი ხმა მოდის!.. გული შეგიწუხდება ადამიანს?.. მარა ეს რაა, უბედურება ის არის ამ შიმშილისაგან გამწარებულებს რომ გამოუშვებენ სამწყროვიდან... მაშინ არი ჩვენი შეწუხება... თავის მახლობლად რას ნახვენ, ეკლისა და ბარძგების მეტი არაფერია... დეშვებიან ჩვენსკენ... ეზოს ყურეში პაწია გვარიანი ბოსტანი გვაქვს... ზენათის ნაკეთებია.. მოაშურებენ პირდაპირ აქეთკენ უსათუოდ! მოვარდებიან და ერთი თვალის დახამხამებაში სულ ერთიან გადაჭამენ, გადასისნიან, აღარაფერს დატოვებენ! კეტი რომ უბრაგუნო ვერ მოაშორებ ისეთი რალაც დაწყევლილებია—ალბათ შიმშილისაგან რომ გამწარებული არიან. ძალლი მყავს ბედათ იმისთანა, რომ სისხლით შედებავს ხოლმე და იმისი შიში აქვთ კიდევ, თვარა ჩვენი საშველი არაფრით იქნებოდა!.. ვეხვეწე, ვემუდარე ნუ ამომავდებთქვა, ჩამომაშორე ეს შენი ღორები და ცხვრებითქვა, კაცებიც მიუფუზავნე, ეკლესიაზედ ხალხში შევიჩვილე, მარა არ იქმნა, არაფერი არ გამივიდა სუღში ვერ წევედი საჩივლეღად.. მეშინია! ჯერ საქმეს დასასრული არ მიეცემა, მერე მოწმეების თრევა, მათი ჭმევა-სმევა, ხარჯი, გაცთენა და ბოლოს შეიძლება საქმე ისე შემოგიტრიალონ, რომ ბრალი მე დამდვან, რომ პატარა ბოსტანი მქონებია და საკმარისათ ვერ ძლებიან შიგ იმ ჩემი მეზობლის ღორები!

ალექსანდრემ ამაზედ გულიანად გადიხარხარა

— კი, ადვილათ შესაძლებელია!.. სუღში სწორედ ვერ შევალ... ცეცხლივით მეშინია, ამიტომ მოვატანე ახლა შენ.. მეტი გზა არ მაქვს! სხვანაირათ უნდა შემოვუარო საქმეს. თქვენი ერთი ფეხის დაბაკუნება ათას წილად მირჩევნია სასამართლოში თრევას და წოწილას!.. ერთს თვალებს გადმოუბრიალებთ, ხმა მალლა შესძახებთ ისე რომ კანკალს დააწყებინებთ ქე რომ იცით და საქმეც მოგვარდება!.. ჰო და ამიტომ გთხოვთ, რომ თქვენებურათ შემეშინოთ ის ჩემი მაწუხებელი!

— კი მარა რა რიგათ შევაშინოთ, მაინც?.. უჩივი და დავიბაროთ, თუ როგორ? იცინოდა ალექსანდრე.

— არა შენი ჭირივე, არა!.. მაგდენზედ რავე გაგრჯით!.. თქვენ ოღონდ მობრძანდით ჩემსას, სადილი მიირთვით—დაგინახონ ჩემსას, დაგინახონ რომ თქვენისთანა კეთილები მყავს მფარველათ და სხვა არაფერი!

— შეშინდება მერე ამით ის შენი მეზობელი?

— კი შეშინდება!.. რას ბრძანებ—თქვენ დაგინახავსთ და სული კოჭებში არ ჩოუვა?!.. რას ბრძანებ!



— აბა კარგი... რა კი მასეა! სიცილით წამოიძახა ალექსანდრემ, — ეგ სულ იოლი საქმე ყოფილა!

— მომავალი კვირისათვის უნდა დამავალოთ!.. გზის ნუ შეგეშინდებათ... შორი არ არის, გზა კარგია... კრეულაზედ ხიდია ჩატეხილი, მარა ახლა ყველგან მშვენიერი ფონია!.. სულ არ შეწუხდებით, სულ!.. სეკრეტარი უსათუოთ უნდა მაწვიო შენს სულს დავენაცვლე... უსათუოთ!

— ა ბატონო, წამობრძანდი .. ვუთხრათ!

გაიარეს სამართველოს რამოდენიმე ოთახი მოსული ხალხით გაქედლილი და შევიდნენ ოთახში, სადაც განიერ მაგიდას უჯდა შუახანის გრძელ-წვერა, თვალებ დაბერილი მოხელე, სამაზრო სამართველოს კანცელარიის უფროსი.

— რა ამბავი? ქართულათ ჰკითხა მან ალექსანდრეს და თვალი გალაქტიონს გადააულო.

— ვასილ ივანიჩ, ეს გახლავსთ ჩვენებური აზნაური გალაქტიონ ხოსოლია ნი... გთხოვსთ პატივი სცეთ და კვირას ეწვიოთ სადილათ ოჯახში! — რუსულათ უთხრა მას ალექსანდრემ.

ვასილ ივანიჩმა გაკვირვებით მიაშტერდა ალექსანდრეს.

— ჩტო ეტო ზნაჩიტ?! შეჰკითხა მან.

— გთხოვსთ ეწვიოთ სადილათ, სხვა მეტი არაფერი! მიუგო ალექსანდრემ.

— საიდან!.. მე მაგ თვალითაც არსად მინახავს!.. აქ ხრიკი იქნება რაღაც!.. დაიკარგოს იქით! წაილაპარაკა ვასილ ივანიჩმა და ისევ განაგრძო შეწყვეტილი წერა.

— არაფერი ხრიკი არაა, ვასილ ივანიჩ!.. მაგას უნდა, რომ ჩვენ შევეუშინოთ ერთი მისი მაწუხებელი მეზობელი!

— შევეუშინოთ?!. გაცდა სეკრეტარი.

— ჰო! სიცილით უთხრა ალექსანდრემ.

— მერე მე რა საბრძოლველა მნახა?!. რას მიეღებ-მოედებით! წამოიძახა მან. გალაქტიონი შიშმა შეიპყრო: ეს კაცი ისე ლაპარაკობდა, რომ უარს ამბობდა ეტყობოდა. მაგრამ ალექსანდრემ ერთი გადმოხედა მას და მერმე თავის მოქნილი ენით დაწვრილებით მოუყვა ვასილ ივანიჩს გალაქტიონის ამბავი იმ გვარათ რომ ეს კიდევ გააცინა გულიანად.

— ნუ ნაპუგავმ ჩორტ ვოზში, ესლი ტაკ! სიცილით წამოიძახა მან.

გალაქტიონი შეიშმუნა.

— რაო, შაშა... შენი ჰირიმე? გაუბედავად შეჰკითხა მან ალექსანდრეს.

— თანახმაა... მოდის! მიუგო მან.

— ცაუდით!.. ცაუდით! მხიარულათ უთხრა ვასილ ივანიჩმა.

გახარებულმა გალაქტიონმა დაბლად თავი დაუკრა მადლობის ნიშნად და გახალისებულმა ისევ ალექსანდრეს მიმართა.

— აბა შაშას კი შემეყაროს!.. კვირას მოგვლით უსათუოთ, მიირთმევთ სადილს და წამობძანდებით გინდ იმ სალამოსვე, გინდ დილა ადრიანათ... საქმე არ დაგობრკოლდებათ! ხვანხვალობდა გალაქტიონი

— ნაპუგაიმ, ნაპუგაიმ! იცინოდა მდივანი, — ოღონდ ღვინო კარგი იქნეს, თორემ ისე ვერ შევაშინებთ!.. ზომ აქვს კარგი ღვინო?

— რაო შენი ჭირიმე, რას ბძანებს? იკითხა გალაქტიონმა.

— ღვინო თუ გაქვს კარგიო?

— იცოცხლეთ!.. საუკეთესო ღვინოს მოგართმევთ!.. რომ არ მქონდეს, ვიშოვი!.. თქვენისთანა პირებს ჩემს ოჯახში დევინახავ და ცუდ რამეს მოგართმევთ, რაღა გეკადრებათ!.. აბა, შაშა, შენი ჭირიმე, კვირას უსათუოთ!..

— კარკი... კარკი!.. მოუღის, მოუღის! ბეჭედ ხელის დარტყმით უთხრა ვასილი ივანიჩმა გალაქტიონს, რამაც ის კიდევ უფრო გაახარა.

გალაქტიონმა რამოდენიმეჯერ დაბლა თავი დაუკრა, და სახე განათებული ოთახიდან გამოყვა ალექსანდრეს და ისევ მიმართა მას მუდარით:

— შენს სულს ვენაცვალე, შაშა!.. თუ ჩემი ოჯახის სიკეთე გსურს, ა... ახლა დევინახავ!.. არ გადამითქვათ დანაპირები!.. გამხადე შენი საუკუნო მონამოსამსახურეთ!

— კი ბატონო, კი!.. გადაწყვეტილია... კვირას უსათუოთ შენთან ვართ!.. შენსას ვკეიფობთ!

— თუ შეგხვდეთ იმისთანა ვინმე, რომ მხარი დაგიშვენოსთ და თქვენი სასიამოვნო იყვეს—ნუ დამარიდებთ წამოიყვანეთ ისიც!.. ერთი სიტყვით ისე მოდით, რომ თქვენდა გულისაჯერათ დრო გაატაროთ, მასპინძლობა კი ჩემს კისერზედ იყოს!.. ისეთი დრო უნდა გაგატარებინოთ, რომ სამახსოვნოთ გექნესთ!.. კი!..

— აბა ჰე, აბა ჰე!.. ჩვენც მაგისათვის მოვემზადებით! მხიარულად უთხრა ალექსანდრემ.

— აბა ახლა მე გავსწევ და აქედანვე შევეუდგები თავდარიგს, რომ თქვენდასაკადრისათ დაგიხვდეთ!.. ისე დაგიხვდეთ როგორც თქვენისთანა პატიოსან პირებს შეეფერება!.. აბა ასე შაშას ჭირიმე, ასე, შენ გენაცვალე! დასასრული აღარ ეძლეოდა გალაქტიონის მუდარას და ხვეწას. დაბოლოს როგორც იქნა გამოემშვიდობა ყმაწვილ კაცს და სიხარულისაგან აფრენილმა, რომ საქმე სასურველად ეწყობოდა, გასწია შინისაკენ.

სახლში დაბრუნებული გალაქტიონი მეორე დღიდანვე შეუდგა კვირისათვის სტუმრების მიღებისათვის თადარიგს. ოჯახში დღიდან სალამომდი მხოლოდ იმის

შესახებ იყო ლაპარაკი თუ რა მოემზადებინათ და როგორ მოეწყობათ ყველის-ფერი ისე, რომ სტუმრებს სიამოვნებოდათ. არც გალაქტიონს არც ზენათის არაფერი არ ეშურებოდათ ამათვის რა კი ამათგან დიდ სიკეთეს გამოელოდნენ. მეზობლობაშიც გაიგეს, რომ ხოსოლიანებისას უცხო სტუმრებს მოელოდნენ კვირისათვის და ყველა დანტერესდა მათი დანახვით მხოლოდ ბაკულას ღორები და ცხვარი თავისას მაინც არ იშლიდნენ და იმ კვირაში ბარე ორჯელ მოინახულეს მათი საყვარელი ზენათის ბოსტანი.

— მაცალეთ, მალე ყველას გაგიჩენთ მუხლებში კანკალს, მალე! იმუქრებოდა გალაქტიონი. — მალე სულ სხვა გუნებაზედ შეყოლებით ყველა!.. დაგიდგებათ თვალები! დაიმედებულად ამბობდა იგი.

სანატრელი კვირაც გათენდა. ზენათის ყველაფერი დამზადებული ქონდა სტუმრებისათვის: ცხვარი, ინდოური, ქათმები, აუარებელი ხაჭაპურები, გომიჯები, ნაშოვნი იყო მშვენიერი წითელი ღვინო. დილიდანვე მომყოლი კაცი აახლეს დაბაში და კიკილო გზაზედ დააყენეს მოდარაჯეთ, რომ ეცნობებია დროზედ ცხენოსან-სტუმრების მოახლოება.

დღე საგანგებო კარგი გათენდა.

ჯერ აღრიანი იყო კიდევ სტუმრები რომ გალაქტიონის ეზოში ჩამოხტნენ, სადაც მათ დიდის მოწიწებით შეეგებნენ გალაქტიონი და ზენათი თავიანთ შვილებით.

რადგან ჯერ წირვა გამოსული არ იყო და ეკლესიაც ახლოს იყო, სტუმრებმა უარი არა სთქვეს ეკლესიაზედ გასვლაზედ, რამაც დიდათ გაახარა მასპინძელი. გალაქტიონი თავათ ეახლა თავის სტუმრებს და მის სიხარულს სამზღვარი არ ქონებია, როცა ხედავდა თუ რა მოწიწებით სალამს აძლევდა მის სტუმრებს ნაწიროვებს ეკლესიის გალავანში გამოფენილი ხალხი.


— ნუ ჩტო პუგაიუტსია! ღიმილით, ხმადაბლა წაულაპარაკა ვასილ ივანიჩმა ალექსანდრეს.

— ალბათ! სიციინითვე მიუგო მან. — ჩვენი მასპინძელი ერთობ მხიარულადაა. ალბათ ატყობს! ეშმაკურათ დაატანა მან.

ეკლესიიდან შემატებული კამპანია ჩამოვიდა გალაქტიონისას უცხო სტუმრებს მოემატა ახალგაზრდა მღვდელი და რამოდენიმე გალაქტიონის მეზობელი

რადგან დღევ ხელს უწყობდა, ეზოშიაც ფართოთ შტო-ვაშლილი ცაცხვი იყო, გადაწყვიტეს სუფრა ამ ცაცხვის სასიამოვნო ჩრდილში გაეშალათ

ერთ წამში სუფრა აივსო ათასნაირი ნამზადებულობით, ღვინოანი ბოთლებით, პატარ-პატარა ნიტრებით და ქიქებით. პატარა საზოგადოება მხიარულად შემოუსხდა სუფრას; ამ მხიარულობას ხელს უწყობდა გალაქტიონის გულუხვობა, ზე-



ნათის თავგადადებული მსახურება და განსაკუთრებით ის მშვენიერი, მართლა და სანაქებო ღვინო, გალაქტიონმა რომ სტუმრებს მიუტანა. სადღეგრძელო სადღეგრძელოზედ ისმებოდა ძალადაუტანებლად, სიამოვნებით, ყველანი უსურვებდნენ მასპინძლებს სიკეთეს, ბედნიერებას, მშვიდობიან ცხოვრებას, მტრის ამორებას და ყოველ მათ შემაწუნებელის დამხოვას.

ზენათიც და გალაქტიონიც სიხარულისაგან, რომ ასეთი შნოიანი ნადიმი ქონდათ, ცაში დაფრინავდნენ, სიხარულმა უფრო იმატა, როცა მეტის მეტად გამხიარულებულმა ვასილ ივანჩიმა, რომელიც უპრაგონოთ სკლიდა სტაქანს სტაქანზედ, ზენათისთან, თუმცა ბანცალით, მაგრამ მაინც ითამაშა ლეკური და შემდეგ ჩააცივდა მის გვერდით მჯდომ მოძღვარს და საშველი არ მისცა სანამ ზეზე არ წამოაგდო ლეკურის სათამაშოთ.

— პლიაში პოპინა, ჩორტ ტებია პობერი! ნუ! იძახოდა იგი და ამასთანავე მუშტებს ურტყამდა კისერში მის მეორე გვერდით მჯდომარე ალექსანდრეს, ხან გულში იკრავდა და უშვერი სიტყვებით უთავაზდებოდა. მღვდელმა შემოიკრა თავისი ანაფორის კალთები და ერთი ორი ჩამოუარა. საერთო სიცილს და მხიარულებას დასასრული არ ქონდა. მადლიერმა გალაქტიონმა მადლობის ნიშნათ ხელზედ ემთხვია მოძღვარს, მერმე გადაეხვია ალექსანდრეს და გულმხურვალედ გადაკოცნა.

სწორედ ამ დროს მოისმა ტრუბიას გამწარებული ყეფა. ზენათი, რომელიც ალექსანდრეს ფეხით იყო მოფთხნილი და ესიყვარულებოდა მას, ამის გაგონებაზედ წამოვარდა ზეზე და ბოსტნისაკენ გადიხედა; აქეთკენ გავარდა კიკილო და რადგან ყეფა არ წყნარდებოდა, აქეთკენვე გაიქცა პიტია, რომელს შემფოთებულმა ზენათიმ გადაულაპარაკა:

— პიტია! გადიხედე, შეილო, რა ამბავია!

მაგრამ გადახედვა საჭირო აღარ იყო ამბის გასაგებათ. ცხადი იყო რაც ამბავი იყო ბოსტნიდან ცაცხვისაკენ გიჟურათ მორბოდა ორი ღორი, მათ უკან ორი ცხვარი, მორბოდნენ შურდულივით სადაც სუფრა იყო გაშლილი, უტიფრათ ეცნენ და შევარდნენ სუფრის ქვეშ და თუმცა ყოველ მხრიდან რტყმევით და ცემით უთავაზდებოდნენ, მაგრამ თავგამოდებით, უტიფრათ არ იცვლიდნენ ფეხს და ფაცურობდნენ, რომ რაც შეიძლებოდა მეტი რამესათვის მოედვათ ტუჩი. ალბათ საქმელების სუნმა გააბრუა და თავდავიწყებამდინ მიიყვანა დამშეული ოთხფეხი და აღარ ერიდებოდნენ აღარც ტრუბიას კბილებს, აღარც იმ ჯოხებს, რომელსაც გალაქტიონთან ერთათ სთავაზობდნენ სტუმრებიც.

ამგვარი ამათი საქციელი თან აკვირვებდა ყველას, თან უზომ სიცილს იწვევდა.

ალექსანდრე იცინოდა ისე გულიანათ, რომ იქაურობას აყრუებდა.

— ა ბატონო, ა!.. შეიძლება ამისთანა ამბავი!?. იძახოდა გამწარებული გალაქტიონი — შეიძლება ამისთანა ამბავი!.. მიშველეთ რამე... ყველას გეხვეწებით დამიხსენით ამ კაცისაგან!.. მეზობელი კი არა ამაოხრებელი მტერია ჩემი!.. მიხსენით ამ არაწმინდისაგან! შესჩიოდა იგი ყველას და უმეტესად ვასილ ივანიჩს და ალექსანდრეს.

ამგვარადვე წიაქობდა ზენათიც. ალექსანდრე კი ისევ ხითხითებდა, ხითხითებდა გულიანად.

— ვასილ ივანიჩ, სვინი, ვასილ ივანიჩ! ხა, ხა, ხა! სვინი, სვინი! ჩასძახოდა იგი ვასილ ივანიჩს.

მაგრამ ამას ამ ქვეყნის აღარაფერი ესმოდა ისე იყო მთვრალი და მხოლოდ ლულულულობდა.

— ნუ ტებია .. სამ სვინია! კჩორტუ!

— მიშველეთ, ერთი ახლა შეუცაცხანოს საკადრისათ... მიშველეთ! ეხვეწებოდა გალაქტიონი ალექსანდრეს.

— რალას შეუცაცხანებს, ვერ ხედავ შე დალოცვილო, კაცი საიქიოს მიემგზავრება! იცინოდა ალექსანდრე.

— შენ აბა, შენ... მიქენი წყალობა! . თუ ჩემი სიკეთე გსურს დაუფთხე ანგელოზები მაგ უსინიდისოს, მაგ ნამუს დაკარგულს! შაშა, მიშველე! ემუდარებოდა გალაქტიონი.

— გვიშველე შენ სულს დავენაცვლე!.. აღარავართ მაგისაგან... გვიშველე შენი ქირი შემეყაროს! ევლებოდა თავის ნათესავს ზენათი.

— გამოფხიზლდება აგერ და მაშინ, მაშინ!.. რა ყოფილა, რა ამბავია ეს... მართლა უცნაურობა რამე არაა?!. რა ნახეს ჩემმა თვალებმა შეუჩერებლად ხითხითებდა ალექსანდრე.

ლორები ერთი ვაი ვაგლახით გადადენეს ეზოს გადაღმა. უგრძობლად მთვრალი ვასილ ივანიჩი იქვე ცაცხვ ქვეშ გაშლილ ნოხზედ დააწვინეს მოწიწებით, იმის იმედით, რომ ტკბილ ძილის შემდეგ გამოფხიზლებული დეიბარებდა ბაკულას და ცოლ-ქმარის გულის საჯეროთ შესტუქსავდა.

მაგრამ როცა საღამოს მან გამოიღვიძა და ალექსანდრეც მოუყვა თუ რა ამბავი დააწიეს გალაქტიონის ეზოში ბაკულას ლორებმა, მან, ბურანში მყოფმა, ხელის გაქნევით წამოიძახა — ანუ იხ კჩორტუ! და წასვლა აიჩქარა და რადგან დაჯინებით მოითხოვდა გამგზავრებას, ცხენებიც მოართვეს და უცხო სტუმრები ისე გამოეთხოვენ მასპინძელს, რომ მათი მაწუხებელი მეზობელი თვალითაც არ დაუნახავთ და სიტყვაც არ გაუციათ მისთვის.

თუმცა ამან ცოცხალი არ იყოს გული დასწყვიტა ცოლ-ქმარს, მაგრამ ორივე დიდად კმაყოფილნი იყვნენ, რომ სტუმრებს სანაქებოთ დაუხვდნენ, ასიამოვნეს და იმ იმედით რჩებოდნენ, რომ დღევანდელი დღე თავის გავლენას იქონიებდა წინად დაურიდებელ მეზობელზედ.

ამის გამო, თუ სხვა მიზეზით, მართლაც ერთ ხანაზედ ზენათის ბოსტანს შეღავათი მიეცა, შიგ ბაკულას ღორებს ფეხი აღარ შეუდგამთ, შესწყდა წინანდელი ზენათის ქაქანი, ტრუბიას ყეფა, ლანძღვა, გინება რაც ბოსტნიდან მალლა სერზედ მცხოვრებთ ეგზავნებოდათ. თითქო სასურველი მშვიდობიანობა ჩამოვარდა, იმედი გამართლებულიყოს და ნახმარ საშვალეებს გაეჭრას, ისე გავდა.

ცოლ-ქმარი ხოსოლიანები დიდად მოხარულნი იყვნენ. მაგრამ სიხარული ხან მოკლე გამოდგა ორიოდვე კვირის შემდეგ ღორებმა ისევ განახლეს თავისი ჩვეულება, ისევ იწყეს ზენათის ბოსტნის აწიოკება და რაც ხანი გადიოდა, თითქო ჯინაზედ, მეტსა და მეტს ზარალს აყენებდნენ, მეტად და მეტად ჯიჯგინდნენ იქაურობას.

გამწარებულმა გალაქტიონმა თავის მფარველებს მიაშურა.

— რას შეება შენი მეზობლის ღორები? სიცილით კითხა ალექსანდრემ გალაქტიონი რომ დაინახა.— შეშინებულთა თუ არა?... კაცო, რა ღორები ყოლია... რა ჯიშისაა თუ ღმერთი გწამს?! ხა, ხა, ხა!

— იცოცხლე იმას თავისი მოუვიდა... და აქამდისინ თქვენი წყალობით ერთობ მოსვენებული ვიყავით... მარა ახლა ისევ...

— ჰო!

— ისევ წინანდებურათ დეიწყეს!.. ამომიგდეს ნაოფლარი! ვერასჯიხით ვერ მოვიშორე! ნამეტან ზარალს მაყენებენ, შაშა ჩემო!

— გადუარა შიშმა აბა! გაიცინა ალექსანდრემ.

— უნდა მიშველოთ, შაშა!.. მარა ისე უნდა შემეწიოთ, რომ სამიდღემწიოთ ჩამომშორდეს... მაგისტანას სხვანაირათ უნდა მოექცეთ .. რომ გონება დეებნას!

— აბა კიდევ შევაშინოთ... მარა უფრო მაგრაათ!

ამ დროს ოთახში ვასილ ივანიჩიცი შემოვიდა.

— ნუ ჩტო, — მიმართა მან გალაქტიონს — ისპუგალის?

— გადუვლია შიშს! რუსულათ მიუგო ალექსანდრემ

— აბა არ შენაგვძღვებია შეშინება! გაიცინა ვასილ ივანიჩმა

— ახლა უნდა, რომ სხვანაირათ, უფრო მაგრაათ შევაშინოთ!.. უფრო კარგი ღვინით!..

— აბა მაგის მეტი საქმე აღარ გვქონია... მაგის მეზობლები ვაშინოთ! წვილაპარაკა ვასილ ივანიჩმა და გაშორდა ამათ.

მეტად გულდაწყვეტილი დაბრუნდა გალაქტიონი შინ, რომ არათურათ მიიმჩნიეს მისი შეწუხება მისმა საიმედო პირებმა.

— აბა ამისათვის გავსწიეთ ამდენი ხარჯი, რომ მარტო შეესვათ, შეეთხვლიათ ყველაფერი და არასფერში გამოგვდგომოდნენ?.. წამოიძახა ზენათიმ, როცა გალაქტიონი მოუყვა თუ როგორ შეხვდნენ მას დაბაში. — იმისათვის გავაწვევის ამდენი ხარჯი, რომ ოხერ ბაკულასაგან ვერ დაგვფარონ?!. აბა რაღა შეუძლიათ მაგათთანა ოხრებს!?. გალაქტიონი კიდეც იმედით იყო მათზედ და ორჯელ-სამჯერ კიდეც მოიარა დაბა და ინახულა ვასილ ივანიჩი და ალექსანდრეც; მაგრამ მისთვის არავის სცალოდა, მისთვის თავს არავინ იწუხებდა და როგორც ეტყობოდა მისი პურ მარილიც დავიწყებას ეძლეოდა.

ახლა ბაკულასთან ერთათ ამათხვედაც გული ჯავრით ევსებოდათ გალაქტიონსაც და ზენათისაც.

— მოგიკვდეს ჩემი თავი თუ მაგათზედ, მაგ უნამუსოებზედ ჯავრი არ ვიყარე! რამე არ დავმართე! გულმოსულად წამოიძახა გალაქტიონმა ერთ დღეს ზენათისთან.

— რა უნდა დამართო, ერთი შენ! შეუტია ზენათიმ.

— იმ ჩემ პურ-მარილს წავამწარებ! წავამწარებ ორივეს თუ კაცი ვყოფილვარ!.. კაცები, მეგონა, იყვნენ!

— არაფერი ისულელო კილო... არასფერში გეხვია, თუ ღმერთი გწამს!.. კმარა ისიც რაც ჩვენს თავზედაა! უთხრა ზენათიმ.

— ჩემს პურ-მარილს წავამწარებ! დაჯინებით განიმეორა გალაქტიონმა. — კი! გულნატკენმა გალაქტიონმა უკანასკნელ ხანებში რამოდენიმეჯერ მოიარა დაბა და ერთ დღეს მაზრის სამართველოშიაც მივიდა ალექსანდრესთან.

— რაღა შეიღობით ბძანდები, შაშა? მიმართა გალაქტიონმა მას.

— ვართ, შენი ჭირიმე!

— ბატონი ვასილ ივანიჩი? ხომ კარგათ არის?


— კარგათ არი.. მარა, გალაქტიონ, გირჩევნია ნუ დეენახვები! ღიმილით მიუგო ალექსანდრემ.

— რატომ შენი ჭირიმე?.. საწყენი ჩემგან რა შეხვდა?

— შენგან არა პირადათ... მარა შენ გამოისობით კი!

— რაღა, რაღა შენი ჭირიმე!.. გამაგებინე შენ გენაცვალე! ღმერთო მომკალი! — შეწუხდა გალაქტიონი. — გამაგებინე შენ გენაცვალე... რა იყო?.. რის თაობაზედ?..

— რის თაობაზედ და შენსას რომ ვიყავით, ვილაცას დანოსი მოუწერია მაზრის უფროსისათვის... უწერია უცნაურათ თუ როგორ დავთვერით, ნამეტურ ვა-



სილ ივანიჩი, როგორ დაგვერია ღორები, ვერცხვით ღორებში... რომ მთელი სოფლის სასაცილო გაფხდით ვითომ .. რომ უგრძობელი ჩამოათრეს სახლში, რა ვიცი რამდენი რამე ამისთანები .. ერთი სიტყვით რაც იყო რაც არა... ათასი სისაძაგლე, გადარეული იყო მაზრის უფროსი, დეიბარა ვასილ ივანიჩი და ისეთი დღე დააყენა რომ შენი მოწონებული.. სამსახურიდან დათხოვას დეემუქრა თუ კიდევ ამგვარი რამე განმეორდება! აბა!

— ღმერთო მომკალი, ღმერთო მომკალი! გულში მუშტის ცემით ამბობდა გალაქტიონი.

— ჰო და ეს მოხდა შენი მეზობლის შეშინებისათვის! მარა ის კი არ შეგვიშინებია, ჩვენ შეგვაშინეს უფრო, შენ გენაცვალე! სიცილით თქვა ალექსანდრემ.— სამსახურიდან კაცი დაგიტოვონ, ეხუმრები შენ?!

— ღმერთო მომკალი! სწუხდა გალაქტიონი—რა ხალხი ვართ, რა ხალხი ვართ?! ყველგან შური!.. ახლა რაი და ამისთანა კეთილები გოუჩნდაო და აღარაფერს ერიდებიან, რომ თქვენი თავი დამიკარგონ!.. ჰმ! რა უნდა ქნა კაცმა, რაობით უნდა იცხოვრო?! ვიცი ვისიც ნამოქმედარია ეს საქმე!.. რაობით დაუმტყიცებ თვარა რაღა ლაპარაკი უნდა, რომ იმ ვაჟბატონის, ჩემი მეზობლის, ბაკულის ეშმაკობა... რა ლაპარაკი უნდა! მეტი ვინ იზამდა... ვის რა ენაღვლებოდა თქვენ მყოლებოდით! ქვეყანაზედ მეორე არ მოიძებნება იმდაგვარი ყოვლად წამხდარი, გაფუჭებული, ზნე დაცემული ადამიანი! თავს დავსდებ თუ ეს მისი შტუკა არ არის!.. რაი და ჩემს ჯინაზედ ვითომ!.. ღმერთო მომკალი, თქვენ რატომ შეგვხდით ჩემი გულისათვის ასეთი უსიამოვნობა, თვარა ის რაც კაცია კი ვიცი!.. მაშა, ვნახავ ერთი ვასილ ივანიჩს!

— რათ გინდა?

— ბოდიშს მაინც მოვიხთი რომ ჩემი გულისათვის ასეთი უსიამოვნობა შეუხდერებიათ!

— აჰ! თავი დაანებე! ის ისეთი გაჯავრებულია, რომ ყველას ჩვენებურს უშვერი სიტყვით იხსენიებს!.. შენც უცნაურს რაცხას გეტყვის, ტყვილა გაალანძვინებ თავს!.. ამ ერთ ხანაზედ მაინც ეერიდე! ურჩია ალექსანდრემ.

— ღმერთო მომკალი! შეწუხებით, იმეორებდა გალაქტიონი, — ღმერთო მომკალი!.. რა ვქნა!.. მომსპო იმ კაცმა ყოველნაირათ და ეს არის!.. ნეტავი კაცი მაინც იყოს!

ამ დროს ოთახში ვასილ ივანიჩიც შემოვიდა ქალღმერთით ხელში და რაღაც საქმე მოსთხოვა ალექსანდრეს. გალაქტიონმა მოწინააღმდეგეობით თავი დაბლა დაუკრა, მაგრამ მას არავითარი ყურადღება არ მიუქცევია და როცა მიუხედავად ამისა გალაქტიონმა მაინც მშვიდობა და კარგათ ყოფნა უსურვა, მან წარბებზე-შეკვრით წაუღაპარაკა:



— ნუ ვას ვსებ კჩორტუ!.. და რაკი მოთხოვილი საქმეც მიიღო ოთახიდან გავიდა.

გალაქტიონმა მას თვალი გააყოლა და შემდეგ ისევ ალექსანდრეს მიმართა:

— შაშა, ოხერი კაცის გულისათვის ნუ გამრისხავთ თქვენი ჭირიმე!.. ყოველგვარათ ნუ დაჯაბნიებთ ჩემს თავს, ჩემს ოჯახს იმ არაწმინდას!.. ამომიგდო, ამომიგდო ნამუშევარი, მადლობა ღმერთს ქონდეს, გოუძღვებთ კიდევ, მარა იმ წყეულის წყალობით თქვენისთანა კეთილები რაფა უნდა შეკარგებოდეს!.. თქვენი იმედით ვიყავი გაღონიერებული და მედგა სული!.. ნუ გამიმეტებთ, შაშა, ნუ დამღუპავთ, ნუ გამაგდებთ განზედ უპატრონოთ!.. გაფიცებთ ყველაფერს!

და ამას ისეთ კილოზედ ეუბნებოდა გალაქტიონი, რომ ალექსანდრესაც კი შეეცოდა იგი და არწმუნებდა, რომ თავის მხიარული სიტყვით ანუგეშებდა, რომ იგი კვლავაც მისი შემწე და დამხმარე იქნებოდა სადაც კი გაუვიდოდა.


სადამოს შინ დაბრუნებული გალაქტიონი კი სიამოვნებით ეუბნებოდა ზენათის.

— იცოცხლე ორთავეს სიმწრის დღე მიჰყენებიათ!.. კი!.. ის რუსი კილამ სამსახურიდანაც დაუთხოვიათ... გამშრალია, ხმას არ იღებს... იმ შენ ნათესავსაც ეტყობა კარგათ მოხვედრია... არ ამხელს თელათ თუ არა! იცოცხლე!.. ამით მაინც ვიჯერე გული!.. არ შეარგოთ ჩემი ჰურ-მარილი ჩემმა გამჩენმა!.. ხომ წავამწარე!..

— არ გაგიგონ, შე უბედურო, თვარა წამწარებას მაშინ იტყვი შენ! უთხრა ზენათიმ.

-- გამიგონ, აბა?!. იმათმა სიცოცხლემ? საიდან გამიგებენ? იმის დამწერი ამ ნიადაგზედ აღარ არის—ისეთი კაცი ვიშოვე!.. ნეტავი მეტი რამე შეიძლებოდეს მე ისენი არ დავზოგო და ვერც გამიგებდნენ ვერაფერს!.. ოხრები, ქვეყნის მცარცველები, თავის თავის მეტი არავინ ახსოვთ, არავის ჯავრი აქვთ! დასწყევლა ღმერთმა ყველა, არავისგან საშველი არ არის! ყველა გამლღეტია, ყველა მცარცველია!—გამწარებით ამბობდა გალაქტიონი.—ამაზედ ხომ ვიყარე გულის ჯავრი... მოუხდებათ!.. ერთ დღესაც გაწყვეტილან ყველა ვისაც არ ვებრალებით! ყველა ერთ დღესაც გაწყვეტილან!

1912 წ. ქ ქუთაისი



## ი. მჭედლიშვილი

# მეოცნებე გოგო

### გოგის ავტობიოგრაფია

შინ რო მივედი, მაშინ მომაგონდა, რო მელანია დილით ოთახის ქირა მთხოვა, რომ ფულის სასესხებლად წავედი. ამდროს შემოვიდა კიდევ ჩემთან მელანია მოწყენილი სახითა და მითხრა:

— იცი, გოგი, საზღვარ გარედ მივდივარ.—გამიკვირდა: მეგონა ოთახის ქირასა მთხოვს მეთქი და იმან კი თავის დანანება დამიწყო, საზღვარ გარედ მივდივარო.

არ ვიცოდი რათ მანანებდა თავს საზღვარ გარედ წასვლით?

— მაშ თქვენ არა გწყინთ, რომ საზღვარ გარედ მივდივარ? მითხრა სიჩუმის შემდეგ.

მხოლოდ დაფეიქრდი და მერე მივხვდი, ალბად იმ ვიღაც მდიდარ სტუდენტს მიჰყავს სადმე მეთქი და ვკითხე დაცინვის კილოთი:

— რომელ საზღვარ გარეთა ბრძანებთ, ქალბატონო? თუ ჩვენი სახელმწიფოს საზღვარ გარედ, იგი ეხლა ჩაკეტილია მსოფლიო ომის გამო, ხოლო თუ ამ ქალაქის საზღვარ გარედ,—შესაძლებელია.

— დიან, ამ ქალაქის საზღვარ გარედ, სთქვა ღიმილით: ჰოო და არ გედარდება, რო მივდივარ? თანაც მიჩვენა სამგზავრო ყუთები.

დამენანა მართლა. დავღონდი.

მერე ისევ მითხრა:

— გოგი, ერთი სათხოვარი მაქვს თქვენთან.

— ბრძანეთ.

— ჩემს ვასიკას ყური უგდეთ.

— ეგ მის ძიძას მოახსენეთ, მარინეტას! მიუგე მკაცრად.

ღიასახლისი სამხარეულოში შევიდა, გამოეთხოვა მარინეტას, აგნესას, იქ მცხოვრებ სტუდენტებს, მე, შემდეგ მძინარე ვასიკას პირსჯვარი გადასწერა და წავიდა. ხოლო მისი ქმარი ალხენად იყო წამოწოლილი ტახტზე და პაპიროსსა სწევდა.

კარებამდე გავაცილე მელანია. კარებთან მომიბრუნდა, მოდი განშორებისას გაკოცებო, მაგრამ ხელით უარი უთხარი და განვშორდი. უფრო დავლონდი და ვერ მივმხვდარიყავ, რა იყო ეს ყველაფერი.

\*  
\* \*

ამის შემდეგ თითქმის მთელიმა თვემ გაიარა. დამავიწყდა ყველაფერი. უნდა გადავსულიყავ ლალის ფიქრებში, რომ უეცრივ ქალაქის უმთავრეს ქუჩაზე თვალი მოვკარ მელანიას, რომელიც იმ სტუდენტს მისდევდა, „საზღვარ-გარედ“ რომ წაიყვანა.

სახლში რო მივედი, ისიც უკან მომყვა და თავისი ვასიკა ნახა. ვასიკას არც გაეხარდა დედის ნახვა, არც ეწყინა.

ყველანი გვნახა და ისევ მალე წავიდა.

მერე ქმართან მოვიდა სტუმრად.

მერე მოუხშირა ქმართან სტუმრობას და რამდენიმეჯერ ღამეც დარჩა მასთან. ბოლოს სულ გადმოიბარვა ქმართან. ქმარი კი ისევ ალბენინად იყო წამოწოლილი ტახტზე და აბოლებდა პაპიროზს.

სულ როცა გადმოიბარვა ქმართან და ისევ ჩემი დიასახლისი გახდა, შემოვიდა ჩემს ოთახში და მკითხა:

— ჩემ ქმარს ხომ არაფერი უწყენინებია თქვენთვის?

— რომელ ქმარს? მიუგე დაცინვით: თქვენ იმდენი ქმრები გყავთ, რომ ანგარიში ამერევა, თუ სრული გვარი და სახელი არ მითხარით იმისი, რომელზედაც მელაპარაკებით მეთქი.

კიდევ რაღაცა უნდა მეთქვა, მაგრამ ამ დროს სრულიად მოულოდნელად შემოვიდა სტეფანე; პროპორშიკების შკოლიდან დათხოვილიყო ერთი დღელამით. ერთმანეთის ნახვა ძალიან გაგვეხარდა და მაშინვე წავედით ძველებურად სახეტიალოდ.

ბევრი ვიხეტიალეთ. მთელი ქალაქის ქუჩები შემოვიარეთ და რამდენიმეგან აყალ-მაყალიც მოვახდინეთ. ქუჩის მცველი გამოგვეკიდა და გავეჩეცით ღამე გვიწყობდა ხელს, თუმცა ქუჩის მცველი თავს არ გვანებებდა, ალბად იმ მოსაზრებით, რომ ჩვენის დატუსაღებით რაიმე წარმატებას გამოელოდა მთავრობისაგან. ვიწრო და ბნელ ქუჩაში შეუხვით, ისიც უკან მოგვეყვა; მაშინ მიუბრუნდით, ბნელაში ერთი კარგა ჩავჩქვეთ და ისევ გავიქეცით. რომ ქუჩაში ხალხის ყურადღება არ მიგვექცია, უცაბედათ რომელიღაც კაფეში შევცვივდით, მაგრამ, რადგანაც სტეფანე იუნკერი იყო და კაფეში ყოფნის ნება არა ჰქონდა, უკანვე გამოვცვივდით. წინ ისევ ქუჩის მცველი შეგვხვდა. კიდევ გავიქეცით. ამ დროს

არეულ ეტლებში დაეინახე, ვილაცამ შეანელავა ავტომობილი, რომელშიაც ელექტრონზე გავარჩიე ჩვენი დიასახლისი; ვილაც ბაბორიან კაცს ეჯდა გვერდით. ავტომობილს წინ გადაუდევით, შევაჩერეთ, ზედ შევხვით და შევეხვეწე დიასახლისს, ჩქარა გავვაქციე, ისევ მალე ჩამოვხტებით, საჭიროა-მეთქი. აქაც აყალმაყალი გამოვიდა, მაგრამ ავტომობილმა გავვაქროლა. ქალაქის ერთ განაპირა ქუჩაში ჩამოვხტით და მელანიას ღმერთსა ვლოცავდით.

— აქამდე ცუდის თვალთ უყურებდი, სტეფანე, მელანიას და ეხლა კი ძალიან დიდი მადლობელი ვარ მისი.

— რა იყო, ბიჭო, შენც ხომ ტელეფონით არ გაგიცნო?

— ვა, განა შენ ვერე გაგიცნო?!

— ვერე გამიცნო მაშ!

— აი დიდება შენთვის ღმერთო! გავიქნიე თავი და შემოვკარ. ტაში: ეხლა ხომ ნახე, სტეფანე, ვისთან მიდიოდა ავტომობილით? ეგ სულ ორი დღეა, რაც გამოიცვალა, წინად სხვა ჰყვანდა და იმან „საზღვარ გარედაც“ წაიყვანა.

— ჩემ დროს კიდევ ვილაცა. მდიდარი სამხედრო პირი ჰყვანდა, სთქვა სტეფანემ.

— კაცო, და განა მაგ ოხერ მდიდრებს არ შეუძლიანთ იშოვნონ ქალი პატიოსანი და უფრო ლამაზიც?

— მელანია ულამაზო არ არის, მაგრამ შენ არ იცი, ჩემო კარგო, საქმე სილამაზეში და პატიოსნებაში კი არ არის, აქ სულ სხვაა საჭირო. მელანიამ რო ერთხელ ქალაქის განაპირა ბაღებში წამიყვანა, იქ ისეთ ხელოვნურ მიმოხვრას აკეთებდა ხვევნა-კოცნის დროსა, რომ მასთან ერთი წუთით ყოფნა, სხვასთან შედარებით მთელ სიცოცხლესა სჯობდა. ხვევნას, კოცნას, ალერსს და, საზოგადოთ, სქესობრივ ურთი-ერთობას, გარყვნილებას რომ ეძახიან ზოგიერთები, თავისი უკოლა აქვს. რის მაქნისია, თუ ქალი, მზეთ-უნახავიც რომ იყოს, მონაწილეობას არ მიიღებს კაცის ენებიან ხვევნა-კოცნაში? ამ მხრივ მელანია უმაღლესი ხელოვანია და იმისთვისაც ეტანებიან ყველანი.

— მერე ეგეთი ხელოვანი და ლამაზი ქალი ესეთ უფერულ კაცებს როგორ დასდევს, როგორიც ეგ იყო, ავტომობილში რომ ეჯდა? წინანდელები კიდევ სასაფლაოდან მოსულებსა ჰგვანდნენ.

— ეგ სულ ერთია, ფულები ხომ ბევრი აქვთ?

თავი გავიქნიე და გავჩუმდი.

სტეფანეც გაჩუმდა.

დამის ორ საათზე მივედით სახლში.

ქურდულად შევედით ოთახში, რომ არავინ გავველვიძებინა, ჩავწექით და გემრიელად ჩავვეძინა.

დილით სტეფანეზე ადრე გამომეღვიძა და დაუძახე:

— სტეფანე!

— ჰმ...

— გძინავს?

— ჰო.

— რასა ჰხედავ სიზმარში?

— კაზარმას.

— ვინ არიან შიგ?

— თოფები, ხიშტები, ზარბაზნები და ქუჩუკიანი ჯარის კაცები... ბიჭოს, აბა ნახე რამდენი საათია? სთქვა და წამოჯდა ლოგინში.

— რვა არის.

— ვაიმე, ვაიმე, ჩქარა დაუძახე აგნესას, ჩაი დაგვალევენოს, თორემ დამგვიანებია, თან საჩქაროდ დაიწყო ჩაცმა.

აგნესამ ჩვენს უთქმელად შემოიტანა ჩაი.

— რა ძალიანა ჩქარობ სტეფანე, ძან გინდა ი კაზარმაში წასვლა?

— ჰმ... ბარემაც არ მინდა, მაგრამ...

— ბიჭოს, თუ არ გინდა, რა მიგარბეინებს!

— აი, მალე შენც წაგიყვანენ და აბა ერთი ვნახოთ, როგორ არ ინდომებ წასვლას! იქნება ისეთი დღე დაგაყენონ, რომ შენი სახელიც დაგავიწყდეს, გვარიც და ლექსების წერაც.

— თუ კი მაგ სიკეთეს მიზამენ და ლექსების წერას დამავიწყებენ, დიდი სიამოვნებით წავალ.

— ეგ ერთად ერთი ღირსება გაქვს და ეგეც რომ დავავიწყონ, რიღას მაქნისი იქნები? მითხრა სტეფანემ და ამ დროს იმოდენა ლუკმა ჩაიტენა პირში, რომ ძლივას გადაყლაბა. მას მეორე მიაყოლა და ისიც თითქმის ხუთ წუთსა ყლაბა.

— სუბთლად ჩავიფხრიწე ყელი! სთქვა საცოდავის კილოთი.

— კაცო და აქ ჩემს ოთახში არ დაიხრჩო, რამოდენა ლუკმებსა ჰყლაბავ! მტრის ოჯახში ხომ არა ხარ?

სტეფანემ გაიცინა და მერე ტაში შემოჰკრა:

— აბა ეხლა მშვიდობით, ჩემო გოგი!

ხელი მაგრა ჩამომართო და გამშორდა.

გაიარა ექვსმა კვირამ.

ვის გიმეზავრიათ უდაბნოში, სადაც მხოლოდ ქარი თარეშობს და მტვერსა ჰხვეტს, სადაც გულ დალადრული, შიშველი კლდეები დაღრეჯითა დგანან თავ-

მოხდის ბუნების რისხვისა და წყრომის ქვეშ? ამნაირ მგზავრობასა ჰგვანდა ჩემი ცხოვრება ექვსი კვირის განმავლობაში. არც ლალიზე მიფიქრია, აღარც სხვა შემზვედრია ვინმე და გაუბატონოვებულ კერასა ჰგვანდა ჩემი გული ..

ლექციაზე ვიყავი. პროფესორი დიდის-დიდებითა კითხულობდა ლიტერატურაზე ლექციას და, რადგანაც ლიტერატურა ყველასათვის საინტერესოა, ხალხი ბევრი იყო. ღამის თერთმეტის ნახევარზე გათავდა ლექცია აუარებელმა ხალხმა ტაში დაუკრა ლექტორსა და დაიშალა: ზოგმა თავის სრა-სასახლეს მიაშურა, ზოგმა ჯურღმულიან სარდაფს, ზოგმა საროსკიპო ქუჩასა და ზოგმაც მძებარ პოლიციის განყოფილებას. ყველა წავიდ-წამოვიდა და ისევ მარტო დავრჩი. სახლში წასვლა არ მინდოდა და მოვეყ ხეტიალს. ღამის თორმეტი შესრულდა... ის-ის იყო ვახსენე ლალი, რომ თვალი მოკარ ვიღაც მოსეირნე ქალს, რომელიც მდიდრის მოფსიკა ძაღლს ასეირნებდა სუფთა ჰაერზე. ამან წამართვა ლალიზე ფიქრი.

მივედი და ვკითხე იმ ქალს:

— ეს როგორ არის, განა თქვენ ჰყარაულობთ ძაღლს?

— დიახ.

— ჩვენში კი ძაღლები ჰყარაულობენ ადამიანებს. მიკვირს, რომ ამ განათლებულ ქვეყანაში ადამიანები ძაღლის როლს ასრულებენ, ძაღლები კი არავისას.

კიდევ ბევრი რამე უნდა მეთქვა, მაგრამ ქუჩის ძაღლებმა მოჰკრეს თვალი სასახლიდან ჩამოყვანილ ძაღლს, წავსივნენ, ასტეხეს ლავლაღი და აღარაფერი გაიგებოდა. ზოგი ბოხის ხმით ჰყეფდა, ზოგი წვრილი ხმით და ზოგიც დანჯღრეული ხმით, — თითქო იმ ქუჩის ძაღლების ყეფაში ისმოდა წყრომა: „ბიჭოს, ქუჩაშია ამან უნდა ინავარდოსო“ და იწევდნენ მისკენ, თუმცა პირის ხლებას მაინც ვერა ჰბედავდნენ ძიძის შიშით.

სასახლის ძაღლმა ამაყად გადაირბინა ქუჩა, ბულვარ-ბულვარ გაიქცა ზევით, რაღაცას დაჰსუნა, გადმოირბინა ისევ და დაბრუნდა ძიძასთან. ძიძასთან რომ მივიდა, ქუჩელები უფრო წავსივნენ; ერთი მათგანი ყველაზე მეტადა ცხარობდა და ყველაზე უკან კი იდგა.

სასახლის ძაღლმა მიუაღერსა ძიძას, შემდეგ მიუბრუნდა ქუჩელებს და ყველას სათითაოდ დაჰსუნა, იქნებ აღმოჩნდეს ვინმე, გავეარშიყო. ეს პირდაპირ მასხარად აგდება იყო ქუჩელებისა; ყველამ კუდი ამოიძუა და მიიმაღნენ გაწბილებულნი. შემდეგ სასახლის ძაღლს ძიძამ ბჭყვრიალა ჯაჭვი შეება და სეირნობით წაიყვანა შინ.

დაფიქრებულმა განვაგრძე გზა.

„ვინ იცის ვფიქრობდი—იქნება ის პატარა ძაღლი ლალისაც არის, რომელიც ასე მიყვარს, რომელზედაც ამდენსა ვფიქრობ, რომელიც ისეთ კეთილ,

მსოფლიო მწიგნობრობაში არ არსებულ ლეგენდათ მიმაჩნია? ვინ იცის: ლალის ის ძალი მთელ ქვეყანას ურჩევნია! ვინ იცის, ძიძას როგორ გაამწარებს ხოლმე ლალი, როდესაც უნებურად ატყენს რამეს?! მე კი მიყვარს ლალი, მიყვარს ის ადამიანი, რომელიც ძალღებვისათვის ადამიანის პიროვნებასა ქირაობს.. არა, ლალი ასეთი არ იქნება“!

„აგერა ლალიც! თითქმის ორი თვეა, აღარ მინახავს, როგორც უდაბნოში დაკარგულს ოაზისი. გამოჩნდა იგი, როგორც მწვანე კორდი, სიცოცხლის მჩქეფი წყარო; გაზაფხულის სუფთა ნიაგმა დამკრა და გული ამქავდა სიყვარულით; მოვიდა ჩემთან, მხარზე ხელი დამადო და მითხრა“: „არა გრცხვენიან, ჩემზე როგორ იფიქრე ეგენი? აი თუ ვტყუი, მოიტა ტუჩებიო“. მაგრამ მითხრა შემდეგ: აქ არა, ქორიანი ადამიანები დაგვინახავენო და შეიფთხრიალა ცაში. მეც ავყე თან. ავცილდით მთვარეს, მზეს, ვარსკვლავებს; თვალი შოკვარ ერთ უზარ-მაზარ ცთომილს, რომელიც ჩვენსკე მოსკურავდა, ლალი ასცდა, ხოლო მე ჩქარა ვერ მოვერიდე და დავეჯახე. ფიქრებიდან გამოვერკვიე და დავინახე ძირს მწოლარე მეფოვე. ტყავში გახვეული დარბაზის კუთხეში მიკუნჭულიყო, ფეხები ტროტუარზე გამოეშალა და გემრიელადა ხვრინავდა. ფეხი ისე გაეჭიმა, თითქო აბრეშუმის საბანი ჰხურავსო. მიველ, ფეხი წავკარი და უთხარ:

— ადე, გამოიღვიძე!

რასა გღიხარ ამ ყინვაში გარედ? შენ გრძნობა არა გაქვს? შენ რო ძუძუსა სწოვდი, იქიდან რძე არ გამოდიოდა? შენ ადამიანი არა ხარ?

— ადე, გამოიღვიძე!

აბა მიიხედ-მოიხედე: შენს მალა, სრა-სასახლეში ბედნიერები გადახვეულან და სტკბებიან სიცოცხლით; ცდილობენ, რაც შეიძლება მეტი სიტკბო და სიამოვნება წაიღონ ამ წუთისოფლიდან, სადაც მხოლოდ ორი წუთისთვისა ვართ მოსულები: გაჩენისათვის და სიკვდილისათვის. სასახლეში ძიძებს იჭერენ ძალღებვისათვის, მილიონებსა ჰხარჯავენ მათზე, ლამ-დამობით ცალკე ოთახში აბრეშუმის ლოგინზე აწვენენ თბილად, შენ კი ამ საშინელ ყინვაში ქუჩაში გღიხარ ყელთამდე ჩაფლული ნაგავში და ისე ხვრინავ, თითქო მეტი ბედნიერებისაგან იხრჩობაო...

— ადე, გამოიღვიძე!

აგე, იქით, დიდ თეატრში გენიოსი მღერის მომხიბლავად, ცხოვრების უკუღმართობაა გამოთქმული მის სევდიან ხმებში—შენ კი არ გინდა სმენა ჩაიტკბარუნო იმისი მშვენიერი ხმით?..

— ადე, გამოიღვიძე!

ადე! როდემდის უნდა იყო ჩაფლული სიბნელის ქაობში? როდემდის უნდა იყო სხვისა მასხარა, სხვისა ფეხის საწმენდი მწვარი?.. შენმა წინაპრებმა შენ გად-

მოგცეს თავიანთ სამკვიდრებელი ბედი: დაცინვა, ბრმად გდება, მონობის სიმძლე და შენ ეცადე შენი ბედი შეიღებეს აღარ გადასცე.

— ადე, გამოიღვიძე!

რაც კაინმა აბელი მოჰკლა, სულ იბრძვით თავისუფლებისათვის და ისევ კი მონები ხართ.

— ადე, გამოიღვიძე!

მეხი კი ჩავარტყი თქვენს მოპოვებულს თავისუფლებას! ისე გძინავს, თითქო ვარდების სარეცელზე წვეს და ცხრა მუზა ივე-ნანას ეუბნებაო!..

სახლში რო მივედი, სამი საათი იყო. მოღლილ-მოქანცულს მკვდარსავით დამეძინა და ძილში ისევ ვიმეორებდი: ადე, გამოიღვიძე. ხოლო თვითონ რო გამომღვიძა დილით, მეღანია შემოვიდა ჩემთან ოთახში და მითხრა: ერთი რამე უნდა მოგთავაზო და უარს ნუ მეტყვიო. თურმე რა ყოფილიყო: მისი ქმრისთვის მეტი ბილეთი მიეცათ ამხანაგებს სტუდენტების „სალამოსათვის“ და ერთი მე შემომთავაზა. დიდი სიამოვნებით გამოვართვი და ფულიც გადავიხადე, თუმცა შემომთავაზა.

ეს საღამოები იმართებოდა სტუდენტების სასადილოს დარბაზში სტუდენტებისავე სასარგებლოდ. მართალია ეს სასადილო ღარიბ სტუდენტთა და კურსელ ქალთა ხელშესაწყობად იყო, მაგრამ ძალიან ხშირად მდიდარი სტუდენტებიცა და კურსელი ქალებიც დაიარებოდნენ თანასწორობისა და თანაგრძობის ნიშნად. უფრო მეტ სიფხიზლეს იჩენდნენ ამ შემთხვევაში ისევ მდიდარი ქალები, რომელნიც უფრო მისთვის მოდიოდნენ, თვალი გადაევლოთ ახალგაზრდობისათვის და ეჭვებინათ, ჩვენც თქვენი თანასწორი ამხანაგები ვართო; ისინი სხვა თეატრებშიც დადიოდნენ, სადაც ღარიბებს ადგილი არა ჰქონდათ და სტუდენტების საღამოებზედაც თავს იდებდნენ — დემოკრატობდნენ. ამისთანობაში მეტად განთქმული იყო ერთი მდიდარი კურსელი ქალი, რომელსაც ჩემი დიასახლისის სახელი, მეღანია ერქვა; სტუდენტები მას „ამხანაგო“-ს ეძახდნენ და ისიც ყველას უღიმოდა და აგრეთვე „ამხანაგო“-ს ეძახდა ხშირად ის ქალი „სალამოს“ ბილეთებს ჰყიდდა მდიდარ ნაცნობებში, რომელნიც გაცილებით მეტს იხდიდნენ, ვიდრე ღირდა ბილეთი; მეღანიას მით უმეტეს ემარჯვებოდა ეს საქმე და ყისმათიც ჰქონდა, რომ ძალიან ღამაში იყო და ქალსაც ხომ მეტი იარაღი არ უნდა ციხე-სიმაგრის ასაღებად!!

მეღანიაზე ბევრი ლეგენდები დადიოდა, რომლებიც სულ ერთნაირადა თავდებოდნენ: „ეჰ, გათხოვდა კამერგერზეო“.

ამ საღამოების შინაარსი შემდეგი იყო: თავში პატარა საკონცერტო განყოფილება, სადაც წაიკითხავდნენ ლექსებს, იმღერებდნენ რომანსებს, რაშიც ქალები



უფრო მეტ უნარს იჩენდნენ, მით უმეტეს, რომ იმ რომანების სამღერად „სპეციალურად“ საღამოსთვის შეკერილ ტანისამოსში გამოდიოდნენ. გამოვიდოდნენ, გადიმტვრევ-გადმოიმტვრეოდნენ წელში, იწრიბინებდნენ, იწრიბინებდნენ და გათავდებოდა საკონცერტო განყოფილება.

შემდეგ დაუკრავდა სტუდენტების ორკესტრი და დაიწყებოდა ევროპიული ცეკვა. ცეკვასა და ცეკვის შუა, ორკესტრის დასვენების დროს იმღერებდნენ სტუდენტურს, ან ეროვნულ ხალხურ სიმღერებს, ან დასძახებდნენ რაიმე რევოლიუციონურს, მარსელოზას.

ხან და ხან, თუ ვინმე ჩოხიანი გამოჩნდებოდა საღამოზე, სთხოვდნენ ლეკური, ან ნაურული ეთამაშნა. ძალიან უყვარდათ ლეკური, ნამეტან ქალებს.

ხან კიდევ ვინმე სტუდენტი შეხტებოდა სტოლზე და მოჰყვებოდა სასაცილო სცენებს, ანეგდოტებს. ხან და ხან ტფილისელ კინტოს სიტყვა-მახვილობასაც ამბობდნენ ტფილისელი სტუდენტები, რაც ისევ ქალებს მოსწონდათ მეტად. თუ ქართველი მომღერალი ბიჭები შეიკრიფებოდნენ, კახურსაც ჩაართყამდნენ ხოლმე.

\*  
\*\*

მარტობაში ყელგადაგდებული წავედი საღამოზე. რა წამს მივედი, უცხოელმა ამხანაგებმა მიქათინაურეს ჩოხაზე, კარგი ტანთსაცმელი გაქვთო.

დაიწყა საღამო. შემოდიოდნენ მოპრანჭული ქალები, ბჭყვრიალა ღილებიანი ბიჭები და სიცილ-ხარხარს ბოლო არ უჩანდა. აქეთ ოხუნჯობდნენ, იქით არშიყობდნენ და გუგუნებდა ორკესტრი, რომლის გუგუნიც, როგორც ჩამოყრილ ფოთლებს კუდიანი ქარი, ატრიალებდა მოცეკვავეთ... მეც მხიარული მივედი: ამას მივესალმე, იმას წაველაპარაკე პირველში და ბოლოს ისევ მარტო დავრჩი. დავლონდი. სუმთლად გარიყული მათგან, ბუსავით ვიჯექი. მაგრამ დაუკრეს ლეკური და ყველამ ჩემკენ მოიხედა. ყველამ ერთხმად მთხოვა, მეთამაშა ლეკური, მაგრამ უარზე დავდექ, რადგანაც გუნება არა მქონდა. ბოლოს მოვიდა ვიღაცა ლამაზი ქალი და ძალიანა მთხოვა. ვსთქვი: იქნება ეს არის ლალი, რატომ არ უნდა აუსრულო თხოვნა მეთქი და დავტრიალდი...

გათავებისას ყველამ ტაში დამიკრა. მოვიდა ისევ ის ლამაზი ქალი და მითხრა: კარგად ითამაშეთო. მერე ვკითხე, რა გქვიანთ მეთქი და მომიგო: იია.

— წამოდით დაბლა, მითხრა იიამ: სარდაფში ჩავიდეთ, იქა გრილა და უოტა ქარი ამოვიდოთ.

პირველი. კარი რომ შევადეთ სარდაფში, იიამ ხელი წამავლო მკლავზე და მკითხა, რა გქვიანო. მეც უთხარი ჩემი სახელი, რომელიც ძან მოეწონა. ისე მოეწონა ჩემი სახელი, რომ ზედ მომეკრა და მითხრა: მაგ მშვენიერ სახელს ისეთი ადამიანი ატარებს, რომ ყოველთვის შეყვარებული იქნებაო. მომილაღერსა.

სუნთქვას მოუმატე და თრთოლვითა ვსთქვი: ნუ-თუ ეს მართლა ლალია? იქნება ის არის? იქნება, რასაც აქამდე ვფიქრობდი, მართალი იყო? იქნება ჩემი ფიქრები განხორციელდნენ და გამოემცხადნენ ამ ქალის სახით?.. თქვენ ლალი ხომ არა გქვიანთ, ვკითხე უეცრივ მას:— არა, აკი ვითხარით, იია მქვიან. ამ სახელმა გამოძლიძა და დამაღონა. მერე რაღაცა ხმაურობას მოვკარე ყური, ავიცქვიტე .. შემეშინდა... ვსთქვი, ხომ არავის წაუვიდა გული მარტოკასა მეთქი და უნდა შევვარდნილიყავ იქითა ოთახში, რო იიამ გაიცინა, ხელი წამავლო ხელზე და ისევ ზევით ამიყვანა. მივხვდი, რა ამბავიც იყო და შევწუხდი. იია იღიმებოდა ჩემს წუხილზე და მეაღერებოდა, ისე გამართო აღერსით, რომ ყველაფერი დამავიწყდა; ისეთი ახლო იდგა ჩემთან, რომ ყველა შურით მიყურებდა. ლორენტის ძეწკვზე დაუწყე ხელის ცაცუნნი, მანაც ჩემი ჩოხის მასრები ხან ამოაწყო, ხან ისევ ჩააწყო და თან ვმუსაიფობდით...

შემდეგ გავჩუმდით. ჩემი ყურადღება გვერდით მსხდომ ორი სტუდენტის ლაპარაკმა მიიბყრო.

— კარგა მახსოვს, ეგ ქალი როგორ მიღიმოდა, მეაღერებოდა და ბოლოს ისე უეცრად შემობრუნა ზურგი, რომ ვერც კი მოვასწარ, გამოვმწვიდებოდი.

— მეც ეგრე მიყო, მაგრამ ვერ წარმოიდგენ, რა სასიამოვნოა, როცა ეგრე გაწვალე ქალი! ტუბილია! ხან რო მოგკლავს და ხან ისევ გავაცოცხლებს!

— გიჟი ხომ არა ხარ, რა სიამოვნება უნდა იყოს მაგაში!

— აბა მაშ რა ფასი აქვს, თუ ქალმა პირველ შეხვედრისათნავე მოგიშვირა ლოყა!..

— ჰო, შენ მაგრე ამბობ, მაგრამ მაგ ქალმა ისეთი თავბრუ დამახვია, რომ ორ კვირას ძილის სახელიც კი დამავიწყდა. როცა პირველად მომიადგინა და დამე გამომწვიდობისას ღიმილით ხელი მომიჭირა, ვინ იცის, რეები არ ვიფიქრე? ცოლადაც კი შევირთე ჩემს ფიქრში და ორი ვაჟიშვილიც მეყოლა მაგრამ მეორე დღეს რომ ვნახე, ვითომ ვერც კი დამინახა, საღამო არ მომცა. მესამე დღეს ისევ მომიბრუნდა, ისევ გამეთამაშა, ამიშალა საამური ფიქრები—ხან მომკლა, ხან გამაცოცხლა და ბოლოს მითხრა: ჩემ საქმროს თავის დისათვის რეპეტიტორი უნდა, თუ გინდა აიღე, ბევრ ფულს მოვაცემინებო...

— შენ მართალს ამბობ, აგრე იციან... მაგრამ ..

ამ დროს დაიგრილა სტუდენტების სიმღერამ, რომელსაც შეუერთდნენ მოლაპარაკენი და მეც მივეცი ხანი. ისინი მღეროდნენ:

„სცხოვრობდა ერთი კურსელი ქალი,  
 სცხოვრობდა მდიდრად შუა სართულში,  
 ბევრ სტუდენტს ჰქონდა იმისკე თვალი,

ბევრს ჩაუვარდა მის ტრფობა გულში.  
 ისიც სუყველას ღიმილით ჰკვებდა,  
 თავსა იჭერდა მათთან ვნებულად,  
 ამით სუყველას გულს უკეთებდა,  
 ყველაც თავს სთვლიდა შეყვარებულად.  
 მით გული გახდა ველივით ღია,  
 სადაც ეჭვებმა შეჰყარეს ჯარი...  
 ბევრმა დუელში გამოიწვია  
 მისთვის თვისი ძმა და მეგობარი.  
 მაგრამ უეცრივ მუნ კამერგერი  
 გაჩნდა სითლამაც გადმოხვეწილი  
 და წაიყვანა ის მშვენიერი,  
 ვით ქორმა მტრედი, ზეცამ ცეცილი  
 ხოლო სტუდენტნი მას რო ეტრფოდნენ,  
 შექუჩდნენ ერთად დღეს მგლოვარესა  
 და ერთმანეთსა ეუბნებოდნენ  
 თვის საფიქრებელს, სიმწუხარესა“.

გაათავეს სიძლერა. მერე დაუკრეს; კიდევ იცეკვეს ახლა ანეგლოტები სთქვეს,  
 იმხიარულეს, იოხუნჯეს და დაიშალნენ.

იიას გამოგემწვიდობე და მარტოკა წავედი სახლში. საშინლად მომშივდა.  
 შინდა შევიდე ღამის დუქანში, ვიყიდო რამე, მაგრამ ფული არა მაქვს. ამ დროს,  
 ვითომ ფიქრებში იია წამომიდგება გვერდით და მეუბნება:

— შედი დუქანში, იყიდე რამე, მშიერი ხარ

— საფულე სახლში დამავიწყდა, ლალი.

— მე იია მქვიან.

— არა, ლალი გქვიან! ეს სახელი უნდა გერქვას უეჭველად, მატყუებ!

— ჰოო, კარგი ლალი მქვიან, ოღონდ შედი დუქანში, იყიდე რამე, მშიერი

არ დარჩე...

ამდროს უკანიდან შემომესმა ვიღაცა ქალის თავხედური ხმა:

— ყმაწვილო კაცო, ყმაწვილო კაცო!

მივიხედე.

მან ისტერიულად გადიხარხარა და გადირბინა ქუჩა.

გაბრაზებულმა დავკარი ფეხი და ისეთი გახურებული წავედი შინა, რომ ვე-  
 ლარ ვიგრძენ მანძილი გზისა.

\*  
\*  
\*

სახლში რო მივედი, დავწეკი და დიდხანს, დიდხანს ვფიქრობდი იიაზე, რომელსაც ჩემ ჭკვაში ლალი უწოდებ. მთელი ღამე სულ ფიქრებში ვავატარებ. ერთი წუთითაც არ დამიძინია. როგორად-ღა არ წარმოვიდგინე იია? როგორი-ღა სახე არ მივეცი მას? არც ერთი ანგელოზი არ მოიპოვება ცაში ისეთი ღამაში და სათნოიანი, როგორადაც ვხატავდი ფიქრებში იიას, ლალი რომ დავარქვი გუნებაში. დილით რო ავდექ ისევ ლალიზე ვფიქრობდი, უნივერსიტეტში რო წავეღ, ისევ ლალიზე ვფიქრობდი და პროფესორი რომ შემოვიდა, მაშინაც იმაზე ვფიქრობდი... „წინა ლექციაში ვთქვი, დიწყო პროფესორმა: რომ, თუ ადამიანი ერთ რამეზე ფიქრობს, იმავე დროს მეორეზე ფიქრი აღარ შეუძლიან“... მეც კვერი დაუკარ პროფესორს: აი, მაგალითად, როგორც მე: როცა იიაზე ვფიქრობ, აღარ შემიძლიან სხვაზე ვიფიქრო. ლექცია რო გათავდება, გავიქცევი იიასთან, ის დილით მომეგებება და მეტყვის: უპ, როგორ მოწყენილი ვიყავი უთქვენოთაო. ძალიან გამეხარდება, დიდ მადლობას ვეტყვი ამისთვის, მკლავს გაუკეთებ მკლავში და წავიყვან... პროფესორი განაგრძობს: „ჩემის აზრით ყველას ერთნაირად არ შეუძლიან ფიქრი, ოცნება“... ვეთანხმები პროფესორს. აი, მაგალითად, მე, კარგი ფიქრები მაქვს: წავიყვან ლალის შორს, შორს, სადაც ადამიანის ფეხის ხმა არ ისმის, მივისვენებ მკერდზე, მოუაღერებს და დიდხანს მეყოლება ისე. როცა ორივენი გავძლებით აღერსით, ლალი მეტყვის, წამოდი ჩემთან სახლშიო. გზაში მათხვარას ფულს აჩუქებს ლალი; ხურდა რო გამოვლევა, მეტყვის, ხურდა აღარა მაქვს, მომეციო. მეც ამოვიღებ და მივცემ, რადგანაც მე მხოლოდ ხურდა მაქვს ხოლმე... პროფესორი ისევ ლაპარაკობს: „შეგვიძლიან განდღილი წუთები ფიქრით ისევ აღვადგინოთ, ხელმეორეთ განვიცადოთ“... ესეც მართალია! ძალიან კარგა მახსოვს, როგორ ბედნიერი ვიყავი იიასთან წუხელ. სულ მთლად თვალი მინ მიდგა მისი სახე, თითქმის ვგრძნობ კიდევ მის მკლავს, თითქმის კვლავ გავიცდი მისი დილით გამოწვეულ სიამოვნებას... მაგრამ თავი ვავიქნიე, თითქო ვავიბერტყე ფიქრები და გადავწყვიტე, ყური დამეგდო პროფესორისათვის, რომელიც განაგრძობდა: „ვისაც კბილი ამოუგლეჯია“... იია მიმიყვანს თავის სახლში, რომლის მოწყობილებაც ძალიან გამაკვირვებს და ვეტყვი: სწორედ მზეთ-უნახავი ასულის კოშკია მეთქი. იიას გაეხარდება ესა და მომიგებს: იმ კოშკში ერთი მზე-ქაბუკი შეჰყვა იიასაო. აქ შევაჩერებ და გაუსწორებ: იიას კი არა, ლალისა მეთქი და ისა მკითხავს, რათ გიყვართ აგრე ეგ სახელიო. აუხსნი, რომ ლალი ქართულად მეტის-მეტ ღამაზე, ძვირფასს და ძნელად საშოვარ განძსა ნიშნავს, რომელსაც მხოლოდ დიდი ოკეანების ჯურღმულებში პოულობენ: იმას ესიამოვნება ესე-

თი სიტყვა, ზედ მომესვენება, ანგელოზივით შემომხედავს ქვედან თვალებში და ჩამეკვრება გულში... „შემდეგ ლექციას წავიკითხავ ტვინზე“—სთქვა პროფესორმა და წავიდა. მსმენელები აიშალნენ. მეც ავდექი და, გახარებული იმით, რომ ლექცია გათავდა, გავეჩქარე სახლისკენ.

წიგნები დავაწყე. თმები გავისწორე. გადავიცვი ჩოხა და გავწიე სტუდენტების სასადილოსაკენ, სადაც ხშირად სადილობდა იია. მივათვალიერე-მოვათვალიერე სასადილოში და ჯერ არ მოსულიყო, მაგრამ კარებისაკენ რო მივბრუნდი, თვალი მოვკარ. ის-ის იყო მოსულიყო და პალტოს იხდიდა შემოსავალ ოთახში გული გამეხსნა. გავიქეცი და გზაში ჩავდექი, რომ გამოვლის დროს მივეგებოდე. გამოიარა და მივესალმე, გამარჯობა ლალი მეთქი. ეს სახელი სრულიად უნებურად წამომცდა; მან გაიარა, ვითომ ვერც კი დამინახა. დავლონდი, მაგრამ იმით დავინუგეშე თავი, რომ ლალი დაუძახე და შესაძლებელია ვერ გაიგო მეთქი. სახე გავიხსენ და გავწიე მისკენ.

— გამარჯობათ, იია, მივეგებე ღიმილით.

იიამ ცივად მოიხედა და სთქვა: გაგიმარჯოთ. მერე ისევ მიბრუნდა ვიღაც ყმაწვილისაკენ და მხიარულად დაუწყა ლაპარაკი.

შუბლზე საავდრო ღრუბელივით გადაამეკრა ფიქრი, მკმუნვარება და ადგილიდან ვეღარ დავძრულიყავ. დიდხან ვიდექი თავდახრილი. შემდეგ გამოვბრუნდი, საჩქაროდ წამოვისხი ნაბადი და წავედი სახლში. შინ რო მივედი, მუხლებზე დავეცი და მოუწოდებდი ჩემი ოცნებით შექმნილ უმანკო ასულს. ლალი! ლალი! სადა ხარ ლალი? მოდი, მომხედე! ჩემ სიცოცხლეში, სულ ამ დღეში ვარ. ცამ სიყვარულით სავსე გული ჩამიდო და სიძულვილის ბოძზე კი მიმაკრა. რაც მე ფეხი ავიდგი, სულ სიყვარულს ვეძებ, რაც მე ენა მაქვს, სულ სიყვარულს მოუწოდებ, თითქო მისთვის ვიყო გაჩენილი და იგი კი არ არსებობდეს. მოდი, მომხედე! ოღონდ მითხარი რამე სანუგეშო, კეთილი, ოღონდ წმინდა სიყვარულით გამომიწოდე მშვენიერი ხელი მშვენიერი სახის ღიმილით და კიდევ შემწევს იმდენი ძალა, გავწყვიტო ჯაჭვი, რომლითაც არის მიბმული სიყვარულით სავსე ჩემი გული სიძულვილის ბოძზე. მოდი, სადა ხარ? მოდი, მოველი! მხოლოდ იმისთვის ვიყავ გაჩენილი ქვეყნად, შენ მეძებნე! გძებნე და ვერსადა გპოვე! თუ არა ვცდები და შენი იმედი მართლა მაქვს, გარდმომველინე, მომანიჭე სიცოცხლე, სარწმუნოება კეთილი კეთილისადმი. ო, ლალი! ლალი! მოდი, მოველი!..

რამდენიმე დღე ვითმინე და აღარ წავედი იიას სანახავად. იმან გაცნობის ღამეს თავისი მისამართი მომცა და ვიცოდი ბინა, სადაც რამდენიმეჯერ მივედი კიდევ, მაგრამ სახლში არ დამხვდა.

ძალიან მომწყურდა მისი ნახვა ბოლოსა და წავედი. გზაში ვფიქრობდი და ვინ იცის რა არ ვიფიქრე: ისევ ლალი დავარქვი, ვაპატიე ყველაფერი და გაუსულტკბილდი... ფიქრებიდან გამომარკვია ტელეგრამების გამყიდველ პატარა ბიჭის ყვირილმა, „მეორე რიგის სტუდენტების გაწვევა ჯარშია“ ყვიროდა იგი. სწორედ მეორე რიგისა ვიყავი. ვიყიდე ტელეგრამები, წავიკითხე და მართლა იწვევდნენ ჯარში სტუდენტებს. საშინლად დამწყდა გული. დავდექი და დავფიქრდი. ფიქრებში ერთი პესიმისტური ლექსიც კი შევთხზე. მერე ვიფიქრე, წავალ ჩემ დარდასა და მწუხარებას ლალის შევჩვილებ, ისიც დაღონდება, მომიპოვებს და მანუგეშებს რამეს; იმედით წავალ ომში, რადგანაც წინ სიყვარული გამიძღვება და იქნება იმან გადამარჩინოს მეოქი. გულზე მომეშო და გაბედულად წავედი ამ ფიქრით ლალისაკენ, იიას რომ ეძახდნენ სინამდვილეში.

დავრეკე ზარი.

მოსამსახურე გამოვიდა.

— ლალი სახლშია?

— აქ ლალი არავინა სცხოვრობს.

— ლალი კი არა, უკაცრავად, იია, იია!

— იია კი ჰო! აქა სცხოვრობს.

— დაუძახეთ.

— მიბრძანდით, აი მისი ოთახი.

დაუკითხავად შევალე კარი და უტბად შევეკრთი, როდესაც ორი არსება საჩქაროდ განშორდა ერთმანეთს

თავი დაველუნე და სალამის მაგიერ ბოდიში მოვიხადე.

— რა საქმე გქონდათ, გოგი, დღეს არა მცალიან, მითხრა იიამ.

— უკაცრავად! კიდევ მოვიხადე ბოდიში და გამოვბრუნდი.

ტელეგრამა ისევ გავშალე, მეორედ წავიკითხე სტუდენტების გაწვევა და ჩემ სიხარულს საზღვარი არა ჰქონდა. საშინლად გამწია ომისაკენ. ეხლა ნება მაქვს მონობას თავი დავანებო, აღარავითარ კანონებს, არც ბუნებისას, არც ადამიანებისაგან შექმნილს აღარ დავემორჩილო, არავის წინ თავი აღარ დავიმდაბლო და საკუთარის მკლავით გავიდე ბრძოლად. ო, როგორ მინდა ადამიანების სისხლი და მათი სისხლით მორწყვა იმ დედამიწისა, რომელზედაც ისინი დადიან. წავალ ბრძოლაში და მათ ტუჩებს, რომლითაც უნამუსოდ იკოცნებიან, ყორნებს ვაკორტნივებ, ხოლო ძვლებს, რომლითაც იმაგრებენ სიბინძურით სავსე სხეულს, ძაღლებსა და მგლებს ვახვრევენებ. მიწით ამოუფსებ ყურებს, რომლითაც არაფერს იგებენ გარყვნილი ხვევნა-კოცნის დროს!..

\*  
\* \*

გამოცხადებით გაწვეულნი. შეგვახოვრეს ექიმებმა. მიმიღეს. მესამე დღეს წავიყვანეს კახარმაში, სადაც გვასწავლიდნენ სამხედრო ხელოვნებას და საიდანაც პრაპორშჩიკები უნდა გამოვსულიყავით.

მწყემსობა სულ თოფით გავატარე და ისეთი სროლა ვიცოდი, რომ ცალი არა მყავდა მწყემსებში. მწყემსობაში ბიჭები სანაძლეოზე ხან ყვავებს ვესროდით ტყვიას, ხან კაქკაქებს და ხანაც შროშნებს, როდესაც რქაზე ეჯდა ხოლმე ძროხას. ერთხელ ჩემ მწყემს თითებზე კვერცხი დავასმევი, ვესროლე, კვერცხი დავამსხვრევენი ტყვიასა და მწყემსი სრულიად უვნებლად დარჩა. ამისთანა მსროლელი მოგვე კახარმაში, სადაც სროლას ასწავლიდნენ. რა წამს თოფი გვასროლინეს, ყურადღება მივიქციე უფროსისა. ვარჯიშობის დროს ყველაფერში პრიზი მივიღე, მხოლოდ ის იყო ჩემი უბედურება, რომ მავიწყდებოდა, დროზე მიმეცა სალამი უფროსებისთვის. ამისთვის შენიშვნებს მაძლევენ მუდამ.

როგორც იყო, გატურდა ოთხი თვე. ამ ხნის განმავლობაში სულ კახარმაში ვიყავი გამომწყვდეული, გარედ არ გამოვსულვარ, კახარმაშიც არავინ მომიგონა და, თითქო თავიც კახარმად იქცაო, ლალიზე ფიქრს აღარ შემოუხედნია სულ დამავიწყდა ჩემი წარსული ცხოვრება. თითქო ჩემს ცხოვრებაში ახალი სტილი იწყებოდა, თითქო სუმთლად ვიცვლებოდი, ახლად ვიბადებოდი. მაგრამ ამას არა ვგრძნობდი, ასე მხოლოდ მეგონა და ნამდვილად კი ჩემ თავს მსხვერპლად ვამზადებდი, ყველაფერს ვამშვიდობებდი, ხოლო არა წუხილით, არამედ სიხარულით ისეთი გუნება მიხდებოდა, თითქო ამის ვალი ემართა ამ ქვეყნისა, მოიხადა და დამშვიდობებული მიდის იქიდანაო... მართლა მეტის-მეტე დამშვიდებული და გულგრილი ვიყავი

პროპორშჩიკი გაეზნა. იუნკრობაში მეჯავრებოდა სალმის მიცემა და პროპორშჩიკობაში უარესად. მე რომ წამდაუწუმ დამაყენებდნენ იუნკრობის დროს, რატომ სალამი არ მოგვეციო, არ დავიხსოვო: არც არავის ვაძლევი სალამსა და არც არავის ვაიძულებდი, სალამი მომეცი მეთქი...

პროპორშჩიკის ფორმით წავედი სტუდენტების სასადილოში. ნაცნობები აღარავინ იყო. მხოლოდ ისევ ის ქალები ვნახე, წინად რომ ვხედავდი. სტუდენტები, ვინც იყვნენ, სულ ახალგაზდები იყვნენ, უწლოვანოები და, ნაცნობი რომ ველარავინა ვნახე, გულცივად გამოვბრუნდი უკან.

გზაში ის ქართველი სტუდენტი შევხვდა, ქუჩის ქალი რომ გამაცნო, ჩემი ცოლიაო და მითხრა: ამაღამ ჩემთან მოდი, პატარა ღვინო მაქვს, სტუმრები მეყოლებიან, დრო გავატაროთო. მისამართი მითხრა და, რა საკვირველია, დიდის სიამოვნებით დავთანხმდი...

დალამდა. წასვლის დრო მოვიდა. ეტლით წავედი. გუნებაში, ვითომ აღარა მცხვენიან იმ სტუდენტის ცოლისა, დამე რო მეუბნებოდა უმთავრეს ქუჩაზე, წამოდი ჩემთან, გაგათბობო; ვითომ თამადათაც ამომირჩიეს და შესანიშნავ სადღე-გრძელოებს ვამბობ. ავიღე ჭიქა და ვსტქვი:

რომ დაჰპატიუოს კაცმა კაცს,  
 დასვას და ანადიმოსა,  
 დარაის კაბა ჩააცვას  
 და ცხენსა შესვას სპილოსა,  
 სუყველა მუქთად ჩაივლის,  
 თუ კი არ დაველევთ ღვინოსა!

ეს მხოლოდ პირველი, განყენებული სადღეგრძელო იყო. სულ გამოვცალე და ისევ გავავსე ჭიქა. მეორე სადღეგრძელოც განყენებული ავიღე, რადგანაც მინდოდა მეტი გამოსულიყო სადღეგრძელოები, რომ მეტი დამელოია, რომ კარგად გამოვმთვრალიყავ. მეორედ ავიღე ჭიქა და შევძახე იქ მყოფ ქალებსა და ვაჟებს:

დღეს თუ არა, ხვალზეით ხომ  
 ყველა უნდა დავიხოცნეთ...  
 მანამდის კი ძმები ვიყვნეთ,  
 ღვინო ვსვათ და სმას არ მოვცდეთ!

ტაში დამიკრეს ლამაზად თქმისთვისა და ჩემს ეშმაკობას კი ვერ მიმხვდარიყვნენ. მესამედ ავიღე ჭიქა და ისევ განყენებული სადღეგრძელო დავიწყე:

დავლიოთ ღვინო, დავლიოთ,  
 ათასჯერ, განა თითოდა!  
 რომ გაფჩენილვართ ამ ქვეყნად,—  
 სალხინოდ, სანადიმოდა.  
 ან რატომ არა! რას გვარგებს  
 მხოლოდ დიდ აზრთა თხრობანი,  
 ვის გაუგია სიმართლე,  
 ვისა აქვს მისი ცნობანი?  
 ჭეშმარიტებაც ამ ქვეყნად  
 მოცული არის ბნელითა,  
 ვერც დავინახავთ თვალებით,  
 ვერც მივაწვდებით ხელითა.  
 ამიტომ ღვინო დავლიოთ,



ათასჯერ, განა თითოდა!  
 რომ გაფჩენილვართ ამ ქვეყნად—  
 სალხინოდ, სანადიმოთა!

ყველამ ტაში დამიკრა. მხოლოდ მასპინძელმა გამიგო ეშმაკობა, გაფარჩხა ხელები და სთქვა: შენ სულ განყენებულ სადღეგრძელოებში გამოძიცილი ე ღვი-  
 ნოსა და ჩვენ უდღეგრძელოდ დავრჩებითო მიუბრუნდი და უთხარი: განა ვერე  
 ცოტა ღვინო გაქვს მეთქი, და ამდროს მიმიყვანა კიდევ ეტლმა დანიშნულ ად-  
 გილს. ფიქრებიდან გამოვედი. გავისტუმრე ეტლი. შევედი სახლში. მოვძებნე მე-  
 ცამეტე ბინა. დავრეკე ზარი. ვილაცა ლამაზმა, კარგად მორთულმა ქალმა გამიღო  
 კარი და, რო დამინახა, თითქო დიდი ხნის ნაცნობიაო, მხიარულის ღიმილით  
 მითხრა: მობრძანდით, მობრძანდითო. მივედი. შინელი გავიხადე. ოთახში მხიარუ-  
 ლი ხმაურობა ისმოდა. უცნობმა ქალმა ხელი ჩამომართო, მერე შემიყვანა ოთახ-  
 ში და ყველანი გამაცნო.

— დაბრძანდით, — მითხრა.

დავჯექ. სულ ქალები იყვნენ. გარს შემომეხვივნენ: ზოგი წინ დამიჯდა, ზო-  
 გი გვერდითა, ზოგიც თავს დამადგა და დამაყარეს კითხვები:

— თქვენ სტუდენტი ხართ?

— არა!

— როგორ არა, კარგად მახსოვს, თქვენ სტუდენტი ხართ.

— მე კი ვამბობ, არა!

— როგორ არა, ჩემი ერთი ნაცნობი თქვენთან ერთად დადიოდა უნივერსი-  
 ტეტში.

— მაინც არა ვარ სტუდენტი.

— ღმერთმანი სტუდენტი ხართ, რათა მაღავეთ, განა სტუდენტობა სათაკი-  
 ლოა?

— სტუდენტობა სათაკილო არ არის, მაგრამ მაინც არა ვარ სტუდენტი.

— მაშ რა ხართ, თუ არა სტუდენტი?

— მე გახლავართ პროპორშიკი.

ამაზე ყველას გაეცინა. მერე აუხსენი მათ, რომ ერთ დროს სტუდენტი ვი-  
 ყავი, მაგრამ ეხლა მხოლოდ უბრალო პროპორშიკი ვარ და სხვა არაფერი.

— მახსოვს, თქვენ ჩოხაში დადიოდით ხოლმე.

— დიახ, მეც მახსოვს, ჩოხაში დადიოდით ხოლმე. კაი დრო იყო, მაგრამ  
 ღმერთმა დაიფაროს წარსულის დაბრუნება.

— რათა, განა ისეთი ცუდი წარსული გაქვთ?

— ცუდი არ იყო, მაგრამ რაღაცა სიზმრები მქირდა; მერე კინალამ ერთი

ავადმყოფობა არ შემეყარა; ეს ავადმყოფობა სტუდენტების სასადილოდან შემუქრებოდა; მას სახელად ჰქვია...

— განა ავადმყოფობაა სიყვარული? გამაწყვეტინა ერთმა, რომელიც ყველაზე მეტად მიმიხვდა ლაპარაკს: მე კი ვაპირებდი თქვენს შეყვარებას, — დაუმატა ბოლოს მან.

— დიახ, უფროთხილდით თავს! ეგ ძნელი ავადმყოფობაა, მით უმეტეს, თუ თქვენ გახდებით ავად, ხოლო თუ თქვენ გახადეთ ვინმე ავად, თქვენთვის არ არის საშიში, თუმცა შესაძლებელია თქვენვე გაგიხდეთ მოსარჩენი. ამაზე ერთი ანდაზაა ჩვენში: მორიელის ნაკბენს მორიელივე მოარჩენსო...

— ვითამაშოთ რამე. დაიძახა ერთმა.

— ვითამაშოთ! დასძინეს სხვებმა.

გაიმართა სხვადასხვა სამხიარულო სათამაშოები. დაუკრეს როიალზე, რომანსები იმღერეს, ხმები აარაკრაკ-ჩაარაკრაკეს; მერე ვალსი დავატრიალეთ და მოიტანეს ჩაი. თვალი მოგკარ უტბათ იიას. შევეკრთი და გულში რაღაცამ გამოიღვიძა. გამოიღვიძა, მაგრამ ამოიოხრა და ისევ მიდო თავი, თუმცა აღარ დაუძინია...

დაფიქრდი ..

თვალწინ წარმომიდგა მოლიმარი ლალი, რომელმაც მხარზე ხელი დამადო და ნაზად მითხრა: რაღა ხარ დაფიქრებული, ჩემო გოგი, რათა? ვინ გაგაჯავრა? წამოდი ჩემთან, ჩემს გულში ისეთი მკვიდრი ბინა გაქვს აშენებული, რომელიც არასოდეს არ დაიქცევა, რომელიც შენს მეტს სხვას არავის შეუშვებს, რომლის ღირსიც მხოლოდ შენა ხარ, რომელიც უშენოდ დაირღვევაო. ნუ დარდობ, შენ ჩემს გულში ხარ გამომწყვდეული და იქიდან ვეღარსად წახვალ. თვით ის მკვდრებიც რომ აღგნენ, რაც დამარხულან ადამის შემდეგ, და გამართონ სხვა უსაშინელები ომი, როგორც მეოცე საუკუნის მსოფლიო ომია, არსად გაგიშვებ. შენთვის აღარავითარი სამშობლო აღარ არის საჭირო და აღარც არავითარი მიწა-წყლისთვის ბრძოლა, რადგანაც ყველაფერი უხვად მოგებოვება ჩემს გულშიო. ამის ფიქრით მომინდა საშინლად სიცოცხლე; დამენანა ჩემი თავი; ვსთქვი: აი, დღეს, თუ ხვალ ომში უნდა წავიდე და იქიდან ხო მომსვლელი აღარა ვარ მეტიქ.

— გოგი, რათ დაღონდით? მითხრა ერთმა ქალმა და გამომარკვია ფიქრიდან.

— გოგი მხოლოდა ფიქრობს და სხვა არაფერი, სთქვა იიამ.

უკმაყოფილოდ შევხედე იიას და ამოვიოხრე; მას გაეცინა; ამაზე უცბად შემეზიზნა იია და წამოვიძახე:

— სად არის ჩემი ამხანაგი? ნუ თუ მან იმისთვის დამპატიყა აქა, რომ ქალები დაეხვია ჩემთვისა და თვითონ სხვაგან გაპარულიყო?

— აქ თქვენი ამხანაგი არავინა ცხოვრობს. საზოგადოთ, აქ კაცი არავინა ცხოვრობს. აქ მხოლოდ კურსელი ქალები ვართ, მაგრამ განა გაწყენინეთ რამე? მითხრა ერთმა.

— უკაცრავად, მაშ აქ ქართველი სტუდენტი არავინა ცხოვრობს?

— არა, აქ მხოლოდ ჩვენა ვცხოვრობთ, მაგრამ რა გაწყენინეთ, რო წამოდექით?

— უკაცრავად, მითხარით ერთი, რა ნომერია თქვენი ბინა?

— ცამეტი.

— აი დასწყევლოს ეშმაკმა! ალბად იმან თვრამეტი მითხრა და მე ცამეტი გამიგია. ძალიან ბოდიშს ვიხდი, რომ ასე გონდაკარგულად შემოვედი უცხო ბინაში.

— რასა ბრძანებთ, ბატონო, განა რა გაწყენინეთ ისეთი? დარჩით, ვიმზიარულოთ—მეუბნებოდნენ ყველანი...

ხელად გადავიცვი შინელი, საერთო სალამი მივეცი ყველასა და გამოვედი გარეთ.

სათს დავხედე. ღამის პირველი იყო.

დრო აღარ იყო მეთვრამეტე ბინაში ასვლისა და წავედი სახლში.

ბევრი ვიკენესე, ბევრი ვიდარდე. დავწექ, მაგრამ არ დამეძინა.

კიდევ აიშალნენ ოცნებები: ხან ომში ვიყავი, ხან ჯვარს ვიწერდი ვილაყმფის ასულზე, — ერთმანეთში აირივ-დაირია სიყვარული, კაცის კვლა, ოხვრა, სიცილი, უბედურება, ბედნიერება... ვოხრავდი და ჩარხივითა ვტრიალებდი სარეცელში.

რა მაშფოთებდა? რა იყო ჩემი შფოთვისა და ღელვის მიზეზი?

ო, ეს სიყვარული!

რა არის ნეტა სიყვარული? ვინ მოიგონა? საიდან გაჩნდა?

რა მოუტანია მას ქვეყანაზე, რომ ყველა სულდგმულის გულიდან ხარკს იღებს? რა არის ისეთი, რომ ყველასა სტანჯავს, ყველასა სჯის და თვითონ კი დაუსჯელი რჩება?..

რა არის სიყვარული?

ზოგნი ამბობენ: არის ერთი ისეთი ავადმყოფობა, რომელსაც მსოფლიო მედიცინამ წამალი ვერ გამოუგონა, რომელიც ადამიანს არ კი ჰკლავს, პირიქით, სიციცხლეს უმატებს მხოლოდ იმისთვის, რომ უფრო დიდხანსა კრიფოს მისგან ხარკიო. აიღეს და ამ ავადმყოფობას სიყვარული უწოდეს ადამიანებმაო.

რა არის სიყვარული?

ზოგნი ასე ამბობენ: ღმერთმა სასჯელი გამოუგზავნა ადამიანებს და ადამია-

ნებმა კი სიყვარული დაუძახესო; ზოგნიც ასე ფიქრობენ: ადამიანები რომ უსაქმოდ არა ყოფილიყვნენ, განგებამ ისეთი საძებარი გარდმოუვლინა, რომ იმის ძებნაში იქნებიან მარად და ვერასოდეს კი ვერ იპოვნიანო. მაგრამ ზოგნიც ასე იტყვიან: მზე და მთვარე ერთდროს ერთად იწვნენ და სტკებოდნენ ნეტარებით, მაგრამ ბოროტმა ენამ ჩააგდო მათში შფოთი და განაშორა, რის შემდეგაც მზეს მუდმივ ცეცხლად უკიდია მთვარესთან შეყრის სურვილი, ხოლო მთვარე იღევა და ივსება, რომ ხელახლად დაილიოს, მაგრამ სულ კი ვერასოდეს ვერ იღევაო.

მაშ რა არის სიყვარული?

სიყვარული ისეთი არსებაა, რასაც არც თვალი აქვს, არც ფეხი, არც ხელი, მაგრამ ყველაფერსა ჰხედავს, ყველგან დადის და ისეთ საქმეებს აკეთებს, რომ სულ იმაზე ლაპარაკობს, რასაც ენა აქვს და სუნთქვა შეუძლიან.

რა არის სიყვარული?

გაზაფხულობით ჩასწვდება იგი დედამიწის გულსა და მრავალ მილიარდ სხვა და სხვანაირ ყვავილს ამოიტანს ხოლმე ზევით, შემდეგ გადიქცევა ცელქ ნიავად, დადის მთა-ველად, დალიინებს და ჰკოცნის მათ, ხან გადიქრება მშვიდ ზღვაზე, დაეცემა უეცრივ, აუშფოთებს გულსა და მიახლის ნაპირებს, ხან მთის ნაკადათ გადმოვარდება მაღალი კლდიდან და ძირს, უფსკრულებში, სიპ ქვებზე მილიარდ მარგალიტებად დაიმსხვრევა, რომელთა მტვერშიც მზის სხივები ბანაობენ მრავალფეროვან ცისარტყელად; ხან შეიფრთხიანებს ანც ტოროლად, აეკვრება ცის მკერდსა, ჩაბუჭბუჭდება გრძნობა-გადამცდარ სიმღერით და, როცა მოიქანცება, დაეშვება დედამიწაზე, იქაცა მღერის, მღერის გაუთავებლად, გულამოსკვნით და მომხიზლავად...

გაზაფხულზე დაიმსხვრევა ხოლმე სიყვარული უთვალავ ფერებად: ხან მიიღებს ხარი ირმის სახეს, რომელიც დგას ბორცვზე კისერ მოღერებული და ელის ფურს; ლოდნით გულგადაღეული დაიძახებს და დაეშვება ტყეში მის საძებნელად; ხან მიიღებს ბულბულის სახეს, რომელიც მთვარიან ღამეში კვნესის ტკბილად, აკვნესებს გარემოსაც და, როცა გათენდება, მისი ჰანგები ათასნაირადა ბრჭყვინავენ ბალახებზე. კრუხი გამორეკავს მაშინ თავის წიწილებს სარდოზე და, როცა ქორი მოსტაცებს ერთ მათგანს, ასტეხს ქვითინს, გლოვას, ზარს...

რა არის მაშ სიყვარული?

აი, ექვსი თვის ბავშვსა სძინავს და მისი ბაგე ღიმლით გახსნილა ნახევრად, სახეზე შუქი დასდის და მარცხენა ხელი გულზე უდევს — ეს არის სახე სიყვარულისა, ორი წლის წინად მის დედასა და მამას რომ ათრთოლებდა სიამოვნებით. აგერ, სამი კვირის კვიცი დედას მისთამაშებს უკან, ხანაც წინ გაინავარდებს, —



დედას სულ მისკენ უჭირავს თვალი: სა თაც კვიცი გაითამაშებს, დედაც რქითკენ მიდის—ესეც სახეა სიყვარულისა!

მაშ რა არის სიყვარული?

სიყვარული იმდენი რამეა, რის ჩამოთვლაც არ შეიძლება, სიყვარული ისეთი რამეა, რასაც ვერ მივწვდებით; სადაც კი სიცოცხლე ჰფეთქს, სიყვარულია იქ! სიყვარული ყველაფერშია, სიყვარული ყველაფერია! სიყვარული აშენებს ყველაფერს, სიყვარულივე აქცევს ყველაფერს! სიყვარული მშვენიერი, ედემისებური სიმღერაა, რომელიც კიდევ გაიგონება, კიდევ დაინახვება, მაგრამ არც სახე აქვს, არც ხმა. სიყვარული არ ვიცით რა არის! სიყვარულს ვერ გავიგებთ—სიყვარული ღმერთია!

\*  
\* \*

გულდაწყვეტილი მივდიოდი ნაცნობთან.

იია შემხვდა, ვილაც სტუდენტს მისდევდა ხელი-ხელს გაყრილი; სალამი მივეცი და იმანაც ისეთი ღიმილით მიბასუხა, რომ სურვილი აღმიძრა, მივსულიყავ, მაგრამ თავი შევიკავე...

გზაში ერთმა აფიცერმა მითხრა: ბრძანებაა, ქალაქიდან უნდა წავიდეთ ბანაკში, რომელიც ჯერ არ ვიცით სად იქნებაო.

დაღონებული დავბრუნდი უკან, და კიდევ ვნახე გზაში იია, ახლა სხვა, ბაბორიან, მსუქან სტუდენტს მისდევდა ხელი-ხელს გაყრილი და უღიმოდა. კიდევ სალამი მივეცი უნებლიეთ და იმან ისე გამიღიმა, თითქო მითხრა: ბედი ერთმანეთს რა მალ-მალე გვახვედრებსო. კიდევ თავი შევიკავე და განვაგრძე გზა.

ისევ ფიქრებში გავერთე და უცნაური იყო ამ ჟამად ჩემი ფიქრები: ვნატრობდი, ნეტავ მეც მყავდეს სულის სწორი, ლამაზი, სავსე პატიოსნებით, მომდევდეს გვერდით, ღიმილით შემომყურებდეს და მეც მისი ამხანაგობით მოსვენებული ვიყო მეთქი ვითომ კიდევ ვიშოვე ფიქრებში იგი და გვერდით მომდევს. მეტისმეტ ბედნიერებას განვიცდი, მეშვიდე ცაზე ვარ და ღმერთს ველაპარაკები. ჩემი სულის სწორი დარიგებას მაძლევს, ჯანმთელობა როგორ უნდა შევინახო გარედ ყოფნის დროსა და სიამოვნებით უსმენ. მერე მეუბნება, ჩემი დედისაგან ნაჩუქარ ბეჭედს დავაგირავე და შენ გამოგიგზავნი, თუ რამე გაჭირვება შეგემთხება, ან თუ ტყვედ ჩაუვარდი მტერსაო. ჩემს ძვირფას პალტოსაც გავყიდი, სხვაგან რომ ვერ ვიშოვო ფული და შენ გამოგიგზავნი, ოღონდ ჯანმთელობა არ დაჰკარგო, ოღონდ კარგათ იყავიო... მერე მე რაღა ჯანდაბათ მინდა ჯანმთელობა, თუ შენ დაჰკარგავ მეთქი და კიდევ მივედი ნაცნობის ბინაზე.

შინ არ დამხვდა.

დიასახლისის ქმარმა მითხრა, დაუცადე, მგონი მალე უნდა მოვიდესო.

დავჯექი.

მეორე ოთახიდან ჩემი ნაცნობის დიასახლისის ჩხუბი შემომმესმა, ქმარს ეჩხუბებოდა: ექვსი წელიწადია შენი ცოლი ვარ და ერთხელ ისეთი დღე არ დამდგომია, ფეხსაცმელიც ახალი მქონდეს, კაბაც, პალტოც, შლიაპაცა და მორთული ვიყო ხეირიანადაო; როცა პალტოს მიყიდი, ფეხსაცმელები მაქვს ძველი, როცა ფეხსაცმელს მიყიდი, შლიაპა მაქვს ძველი და ჩემი შენთან ყოფნა მხოლოდ გულნაკლუვანებაა და სხვა არაფერიო. ქმარი კიდე უპასუხებდა: თუ კი გეგულება ჩემს ჯიბეში, წადი, ამოიღე და იყიდეო...

მომწყინდა ცდა. ავდექი და მოვდიოდი; კარებში დიასახლისის ქმარი შემხვდა, მკითხა: ყმაწვილო, ცოლის შერთვას ხომ არ აპირებო. უთხარ, რა ვიცი, ჯერ კი არ შემირთავს და შემდეგისა აბა რა მოგახსენოთ მეთქი; მან ხელები გაასავსავა და წამჩურჩულა ყურში, ღმერთმა დაგიფაროსო...

ძალიან მომეწყინა სიცოცხლე. დამე რომ შეეჭიდება დღეს, საღამო ჭამი ჰქვიან. არის ისეთი წუთი ამ დღე-ღამის შეჭიდებაში, როცა არც დღეს ეკუთვნის დრო, არც ღამეს, ბინდ-ბუნდი ჰფარავს გარემოსა და ისეთ გუნებაზე აყენებს კაცსა, აღარც სიცოცხლე უნდა, აღარც სიკვდილი. ჩემშიც დადგა ასეთი წუთები: აღარც მიყვარდა ვინმე, აღარც არ მიყვარდა და განვიცდიდი ცოცხლად სიკვდილის წუთებს, როცა ადამიანი ცოცხალია, მაგრამ მკვდარს ეთანასწორება...

ამ დაძაბუნების გასაბერტყად ავდექი და ვთქვი: ეს ერთი კვირა-ღა მაქვს თავისუფალი, მერე ომში გამგზავნიან, იქნება უკან ველარ დავბრუნდე და მოდი ერთხელ კიდე ვნახავ უნივერსიტეტსა მეთქი.

იმ დღეს ერთ-ერთი გამოჩენილი პროფესორი კითხულობდა და ხალხი ბევრი იყო. უმეტესი წილი ქალები იყვნენ, რადგანაც კაცები ომში იყვნენ წასულები. იმ აუარებელ ქალღიძობაში მარტო ვიყავი, მაგრამ აღარც ვეძებდი, რადგანაც პოვნის იმედი დაკარგული მქონდა.

ლექციის დროს, ვიღაცა ქალი შემომხედავდა და მერე რვეულში რალაცასა ჰხატავდა. ამას რო ყურადღება მივაქციე, ხატვას თავი დაანება და ერთმანეთს დაუწყვეთ მხერა. სათნოიანი სახე ჰქონდა: მოღლილი თვალები, ნაზი, ბუნჩულა სახე, შრომანასავით აყოლოტილი ტანი; მტრედევით დაღულული იჯდა კათედრის ესტრადაზე და მიყურებდა...

ბინდ-ბუნდმა გაიარა, აღმოსავლეთმა ბაგე გახსნა და მშემ დაიწყო ბჭყვრიალი ცრემლით დანამილ მინდვრებზე; ათასმა პოეტმა ფრთა ფრთას შემოჰკრა, ჰიმნი უთხრა მშის ამოსვლასა და გათენდა. გამომეღვიძა, თვალები მოვიფშვნიტე და გული ამიტოკდა ახალი სიცოცხლით, ახალი მისწრაფებით.

დასვენების დროს გვერდზე გამიარა, მერე მოვიდა და ჩემს გვერდით დადგა; ვილაცა კაცი წაელაპარაკა, მაგრამ ყურადღება რომ არ მიაქცია, კაცი ისევ გაბრუნდა. ისევ დაჟინებით უყურებდით ერთმანეთს, მაგრამ ვერც ერთს კი ვერ გაგვებედნა გამოლაპარაკება... ლექცია ისევ დაიწყო... დავსხედით და ისევ განვაგრძობდით ერთმანეთის მზერას...

ბოლოს სულ გათავდა ლექცია და მხოლოდ გათავება გავიგე.

ის ვილაცა კაცი წინ გაიქცა და პალტო მოუშხადა ქალს; ქალი მძიმე-მძიმედ წავიდა, თითქო მე მიცდიდა; კაცმა პალტო ჩააცვა და სწორედ იმ დროს, როცა მის გვერდით გავიარე, ხმამალა უთხრა კაცს, დღეს მარტოკას მინდა წასვლა, ნუ გამომყვებით.

მეც ჩავიცვი საჩქაროდ და უკან გავყე. როცა ვიწრო, წყნარ ქუჩაში შეუხვია, წაუდექი გვერდითა და ნერვიანის ლელვითა ვკითხე:

— თქვენ იმას ხომ არ იცნობთ?

— ვისა, ყმაწვილო კაცო? მითხრა ქალმა აღერსიანი ღიმილით.

სიხარულით ცას მოვეწიე და უფრო დამშვიდებით უთხარი:

— ხომ არა გწყინთ, რომ უცნობი კაცი უცნობ ქალს გამოგელაპარაკეთ?

— არა, რასა ბრძანებთ, ძალიან სასიამოვნოა თქვენთან ლაპარაკი! თქვენ რა გქვიათ?

— გოგი.

— რა კარგი სახელია!

— თქვენ რაღა გქვიათ?

— იია.

შევკრთი ამ სახელის გაგონებაზე და წამოვიძახე: დიდება შენთვის ღმერთო! თქვენც იია გქვიათ?

რად შეკრთიო, მკითხა იიამ და მიუგე, რომ ერთ ჩემ ნაცნობ ქალს იია ერქვა. ერთმანეთს შევხედეთ და მერე ჩუმად განვაგრძეთ გზა.

— თქვენ ომში ხომ არ უნდა წახვიდეთ?

— რაღა თქმა უნდა!

— უი, რა ძალიანა მწყინს! ნეტავ კი არ წახვიდეთ!

ორივენი დავფიქრდით. დიდხანს ვიარეთ ჩუმად და შემდეგ ისევ გავმხიარულდით; იიამ თავისთან დამპატიჟა: პროვინციის ერთი პატარა ქალაქიდანა ვარ, როცა პატარა თავისუფალი დრო იშოვოთ, წამოდით ჩემთან, დედის ერთა ვარ და ჩემი მშობლები ჩემ საყვარელ ადამიანს დიდი სიხარულით მიიღებენო...

მივაცილე სახლამდე. შესავალში დიდხანს ვილაპარაკეთ, შემდეგ პაემანი უნივერსიტეტში დაენიშნეთ მეორე დღისთვის და წავედი შინ.

სანამ შინ მივიდოდი, გზაში ლექსს ვთხზავდი; შინ რო მივედი, მოვძებნე  
ქალადი და დავწერე:

„ამ ქვეყანადა ვარ, ვით უცხოეთში  
და სულ ერთს ვამბობ მე საკითხავსა:  
სად მაქვს სამშობლო მზის ქვემოტეთში,  
უზენაესო, მითხარი მგზავრსა,  
ვბოვებ მე კერას ამ სიარულში?  
ან რა იქნება, სვე-გარეწარსა  
პატარა ბინა მომცე შენს გულში?

—  
მე სულ მეგობრებს ვეძებდი სოფლად,  
მაგრამ ვბოვებდი მარტოდენ მტერთა,  
ტრფობას ვეძახდი გულს მისაყრდნობლად  
და სიძულვილი მესვენა მკერდთა.  
უზენაესო, მითხარი მგზავრსა,  
ვბოვებ მე კერას ამ სიარულში?  
ან, რა იქნება, სვე-გარეწარსა  
პატარა ბინა მომცე შენს გულში?

—  
მომწყინდა ძებნა სიყვარულისა,  
ვსთქვენ: აწ სიძულვილს მოვძებნი მეთქი  
და შენა გპოვე, ვარდო გულისა,  
ჩემს ტანჯვათ გზაზე ამონაფეთქი.  
გპოვე, შევდექი შენს კარებ წინა  
ქანცმიღეული გრძელ სიარულში  
და, რა იქნება, შემიშო შინა,  
პატარა ბინა მომცე შენს გულში?

—  
დღე რო ჩაიწევს და დასავლეთი  
სულ ჩაიწოვს მზეს მიმკრთალი ბაგით,  
მე, აქამომდე ცრემლების მწვეთი,  
მოვალ შენდამი ტრფობის სიშმაგით  
მოვალ და იმას ვიმღერ მღიმარე,  
რასაც ჯერ კაცნი არ მოსწრებიან  
და, რაც დღესნამდე ცრემლები ვღვარე—  
სულ ყვავილებად გაიშლებიან!



დავწერე და იმ ღამესვე გაუგზავნე საქართველოში ერთ-ერთ უმთავრეს ქართულ გაზეთს. შემდეგ ბედის კმაყოფილი ჩავწექ ლოგინში და ახალ ლექსებს ვიგონებდი. ვამბობდი: აი, ახალ ცხოვრებას ვიწყებ და ჩემს ლექსებშიაც ახალი სული შევა მეთქი. ამას იქით, რაც ლექსებს დავწერ, სულ ერთ წიგნად გამოვცემ და ამ წიგნს სახელად „იია“-ს დავარქმევ; როცა იია ამას გაიგებს, ორი ერთმანეთისკენ ლტოლილი ქვეყანა შეერთდება და ისე გვეყვარება ერთმანეთი, რო მთავალი თაობა ზღაპრად უამბობს თავის შვილებს ჩვენს სიყვარულს. მე რო ომში წავალ, იია ჩემ სურათს დაიდგამს წინა და დღე-ღამეებს ლოცვებში გაატარებს, იმისი ჩემდამი სიყვარულით სავსე ლოცვები გადამარჩენს და, როცა უკან დავბრუნდები, ვეღარც ერთ გამოვსთქვავ და ვეღარც კალმით ჩვენ სიხარულს ყოველი მისი ნაბიჯი ჩემ საკეთილდღეოდ იქნება გადადგმული ცხოვრებაში, ყოველი ჩემი ნაბიჯიც მის საკეთილდღეოდ და ასე გავწევთ წინ, საუკუნო ბედნიერებისაკენ. ერთად მოვკვდებით და ჩემი წიგნი, რომელსაც „იია“ ერქმევა და რომელშიც აწერილი იქნება ჩვენი წმინდა სიყვარული, ორივეს ძველად დაგვედგმება გულზე, სადაც მოვა მრავალი შეყვარებული და მუხლთ მოიყრის, როგორც წმიდათა წმიდის წინაშე...

მეორე დღეს სულ მხიარული ვიყავი და სულ იიაზე ვფიქრობდი.

იმდენად წმინდათ მივიღე იია, რო მას ლალი აღარ დავარქვი; მისი სახელი გარდაიქცა იმ სახედ, რომელიც ლალისა ჰქონდა ჩემს ოცნებაში და მთელი დღე სულ საათს დავყურებდი, მალე გასულიყო დრო, რადგანაც საღამოთი უნდა შევხვედროდით ერთმანეთსა და ძალიან ბევრსაც მოველოდით ამ საღამოსაგან.

საღამოს ხუთი საათი გახდა. მართალია ლექცია ექვსზე იწყებოდა, მაგრამ აღრე წავედი და თანაც ეტლით, რომ ჩქარა მივსულიყავი.

ექვსის ნახევარზე მივედი.

ძალიან მხიარული სახე მქონდა. ყველას უღიმოდი და მეტი სიცოცხლე მეტყობოდა ხელად შემოვივრბინე უნივერსიტეტის ყველა აუდიტორიები, მაგრამ იია ჯერ არ მოსულიყო. კიბეზე ავირბენდი და ჩამოვირბენდი, რომ შემოსვლისათანავე დამენახა.

ექვსი საათი გახდა, მაგრამ იია ჯერ არსადა სჩანდა.

ცოტა დავლონდი.

გავიდა კიდევ რამდენიმე ხანი და იია კიდევ არსადა სჩანდა.

უფრო მეტად დავლონდი.

გაიარა კიდევ რამდენიმე ხანმა, ლექცია დაიწყო და იია კიდევ არსადა სჩანდა.

პირველი ლექცია რო გათავდა, გავედი ფოეში და მაშინ მოვიდა იია. მაგრამ აღარ გამეხარა. მივედი ახლოსა და დაღვრემილი სახე ჰქონდა. ხელი ჩამომართო

და მერე მითხრა: დღეს ცულ გუნებაზე ვარ, ლაპარაკს ნუ დამიწყებთ, თორემ შეიძლება შეურაცყოფა მოგაყენოთ, ნურც სახლში გამაცილებთო.

ხელები ჩამომცვიდა

დავლონდი მოინგრა ჩემს თავზე ჩემივე ფიქრით აშენებული კოშკი და ქვეშ მოვყე კვნესას, ოხვრას შემეზიზნა თავი და ვეკითხებოდი მას: რას ეძებ, რა დავიკარგავს? ნუ თუ ვერ მიჰხვდი, რომ ოცნება—სინამდვილე არ არის? რომ ჩემს ოცნებაში წარმოდგენილი სული მხოლოდ სურვილია ადამიანისა და სინამდვილეში არ მოიპოვება? ან რა ვარ, რომ ამდენიხანი ვერ შეუფერე თავი ადამიანურ ცხოვრებას, რომ ვერ მოვახერხე მეცხოვრა ისე, როგორც სცხოვრობენ ადამიანები, როგორც შეეფერება მეოცე საუკუნეს?!

ჩამოვირბინე უნივერსიტეტის კიბე, საჩქაროდ ჩავიცვი შინელი და გავქუსლე, მაგრამ საით? არ ვიცოდი.

კულდამოძუებული მივრბოდი, რომ უცბად შემომესმა:

— გოგი! გოგი!

მივიხედე და ჩემი ყოფილი დიასახლისი მელანია მეძახდა:

— როგორ გამიკვირდა, რომ პრაპორშჩიკის ფორმაში გნახეთ!

— გამარჯობათ, მელანია, როგორა ხართ?

— ძალიან გამეხარდა, რომ თქვენ ეხლა პრაპორშჩიკი ხართ.

— დიახ, ეხლა ბევრი ფული მაქვს, ეხლა სადაც გინდათ, წამოგყვებით. აბა ეტლი! ეხლავე გაგაქანებთ ქალაქ გარედ, მაგრამ ეხლა იქ ცივა, სხვაგან სადმე, ნომერში...

— რა სისულელეებს ამბობ, გოგი!

— როგორ, სისულელეებს! განა ერთხელ, თქვენ არ იყავით, რო მეხვეწებოდით, ქალაქ გარედ ბაღებში წამომყეო? მაშინ ფული არა მქონდა, მაშინ ღარიბი სტუდენტი ვიყავი და აი, ეხლა ბევრი ფული მაქვს, პრაპორშჩიკი ვარ და, სადაც გინდა, წამოგყვებით.

— რა სისულელეებს ამბობ, გოგი, რატომ წინ არ დაიხედავ?

— განა იქამდეც მივიდა საქმე, რომ ნამუსზე ხელ-აღებული, ქუჩის გომბიოც უარს მეუბნება? განა ჩემი ბუნება იმისთვის ინახავდა თავის მშვენიერს, შეურყვნელ ყვავილებს, რომ ქვეყნის სათრეველა დედაკაცსაც აღარ მიეღო? გამშორდით! ამ ყვავილებს წავიღებ და ისეთ ალაგას დავმარხავ, სადაც ადამიანის ვერც ფეხი, ვერც ხმა და ვერც თვალი ვერ მისწვდება...

გავშორდით, მაგრამ საით წავსულიყავ, არ ვიცოდი. ვისთან გამექარვებინა დარდი, მწუხარება? არც ისეთი ამხანაგი მყავდა ვინმე, ვისთვისაც შესაძლებელი ყოფილიყო აღსარების თქმა, გული კი ივსებოდა სათქმელით და აპირებდა გაპოზას.

მადლობა ღმერთს! სრულიად მოულოდნელი ბედი მეწვია ამდროს! სტეფანე ჩამოსულიყო ფრანტიდან ერთი-ორი დღითა და გიორგის ჯვარიც მიეღო.

— რა კიი დროსა გნახე, სტეფანე, რო იცოდე!

— რაღა კიი დროს, ჩემო კარგო, ამაღამ თორმეტი საათის მატარებლით მივდივარ ისევ ფრანტზე

ძალიან დავლონდი და თავი ჩავქინდრე.

— რათა გაქვს, გოგი, ეგეთი დაღვრემილი, დატანჯული სახე? რაც ამხანაგები ვართ, შენ ეგეთი არ მინახვიხარ. ალბად რაღაცა დიდი ამბავია შენ თავს.

— სტეფანე, რო გითხრა ჩემი ამბავი, გაიცინებ და მეც მეცინება ჩემს თავზე, — საცინელიცა ვარ და სატირელიც...

— ხომ არავინ შეგიყვარდა, ბიჭო?!

— ეეჰ!.. ამოვიოხრე.

— წამო, სადმე დავსხდეთ, მაგაზე კარგა მოგელოპარაკები, მაგ შემთხვევაში მე უფრო მეტი დაკვირვება და გამჭირახობა მაქვს.

წავედით და ერთ კაფეში დავსხედით.

მოგვიტანეს ჩაი.

— ყველაფერი უბედურება შენი იმაშია—მეუბნებოდა სტეფანე—რომ შენ პოეტი ხარ, ყველაფერს ლამაზადა ჰხედავ, რაც ლამაზი არ არის, იმასაც ალამაზებ და ცხოვრებაში კი სულ სხვა არის. ვიცი, ოცნებაში მშვენიერი, ყოველის მხრით შემკული, სრული, იდეალური ქალი გყავს შექმნილი და მას დაეძებ სინამდვილეში. ყველანიც ასე ვართ, მაგრამ ჩვენ შენგან იმით განვსხვავდებით, რომ შენ არაჩვეულებრივი ქალი გყავს ოცნებაში, რომ შენი ოცნება ძალიან განსხვავდება ჩვენი ოცნებისაგან, სინამდვილისაგან, რომ ჩვენ უფრო ახლო ვდგევართ სინამდვილესთან, ცხოვრებასთან, ვიდრე შენა და ამიტომ ჩვენ მალე ვპოულობთ, ხოლო შენ ვერასოდეს შენი მეორე ნაკლიც ვიცი: ჩვენ გონებაში შექმნილ ქალს ვეძებთ და მხოლოდ მაშინ შეგვიყვარდება, როდესაც მას ვიპოვით; შენ კი, რომელ ქალთანაც მიხვალ, თუ ის გარეგნულად მოგეწონა, შენი ოცნებით შექმნილი ქალი გგონია და ისე შეგიყვარდება, რომ ჯერ სახელიც არ იცი ხოლმე მისი. ჯერ უნდა ეძებო, კარგათ ასწონ-დასწონო ნაპოვნი და სანამ არ დარწმუნდები, რომ იპოვე, ვისაც ეძებდი, არ უნდა გაიტარო მისი სიყვარული გულში.

— დასწყევლოს ღმერთმა ჩემი ეშმაკი! რა მართალს მეუბნები, სტეფანე! მაგრამ რო არა მკითხავს ხოლმე ეგ ოხერი სიყვარულია, თუ რაღაცა ჯანდაბა! ისე ჩუმად შემოიპარება ხოლმე გულში, თითქო სულ შიგ იყოო. ესეც ალბად ერთი დიდი ნაკლია ჩემი. მაგრამ ეხლა ყველაფერი გათავებულია. ამ გრძნობას სამუდამოთ გაუთხარე ჩემს გულში სამარე და აღარ მიცემ ნებას თავი წამოყოს. მეც

შენსავით ხელო, თუ ზევ ომში წავალ. იქ დამავიწყდება ყველაფერი. სიცოცხლე მომძულდა და საშინლად მინდა ომში წასვლა. ეხლა მხოლოდ სისხლი-ლა მწყურია ადამიანებისა. დღეს შენა გნახე და ძალიან მოხარული ვარ. ამის შემდეგ ველარ შევხვდებით ერთმანეთს. ხომ იცი ჩემი ხასიათი, რაკი ერთი ჩავებმები ბრძოლაში, ერთ ნაბიჯსაც აღარ ვადმოვდგამ უკან. არც მინდა უკან დაბრუნება. ცხრამეტი წელიწადია, რაც მზეს უყურებ და იმდენი განვიცადე, რამდენსაც ვერ განიცდიდა ადამიანი, ათასი წელიწადი რომ ეცოცხლა... მომწყინდა სიცოცხლე, მით უმეტეს, რომ დავრწმუნდი, არაა ვარ, მეტი ვარ ქვეყანაზე.

— რათა გგონია, გოგი, რო მეტი ხარ?

— როგორ არ მეგონოს, როცა ამ ცხოვრებაში ქალის მეტი ვერა მომიძებნია, რომ ქალის მეტს ვერაფერს ვხედავ? ეხლა მე აბა რა საქმე შემიძლიან უნაყოფო ფიქრებისაგან გალაყებულს, მოწყვეტილს, მოქანცულს?—მეტი ვარ, სტეფანე, მეტი!

— რათა ხარ მეტი. აი, ჯერ ერთი ის სარგებლობა მოგაქვს ხალხისთვისა, რომ ლექსებსა სწერ.

— რა არის ლექსების წერა! შენ სხვა რამე სთქვი, თორემ მაგაზე ადვილი და გასართობი სხვა არა არის—რა ქვეყანაზე. მერე მე რა პოეტი ვარ? რა შემიძლიან დავტოვო ისეთი, რო შთამომავლობამ მადლობით მომიხსენიოს? დიდი რო შემეძინა რამე პოეზიისათვის, მწიგნობრობისათვის, მეპატიებოდა ყველაფერი, მაგრამ ეხლა რა ვარ? მოვკვდები და არყოფილად ჩავითვლები. აი ეს მაწუხებს, სტეფანე, ეს!

— რა დროს შენი ეგენია, ათი წელიწადი არც კია, რაც ფეხი აგიდგამს.

— არის, სტეფანე, ერთი მცენარე ყველაზე ადრე აყვავდება და ყველაზე ადრეცა ვკნება ხოლმე. მეც იმ მცენარესავით ადრე აყვავდი და ადრეცა ვკნები. სტეფანე დაფიქრდა და ამდროს საათმა თერთმეტი დაჰკრა.

— ეხლა უნდა წავიდე, თორემ დამიგვიანდება, სთქვა სტეფანემ და ორივენი ავდექით.

გავშორდით ერთმანეთს. მატარებელი რო დაიძრა, მივაძახე: ბიჭო, თუ მოგკლან, შემატყობინე მეტი. სტეფანემ გაიცინა და გადმოძახა: რაღა შეგატყობინო, შენც იქ არ ამოხვალო?!

სალამი თქვენდა, მინდვრებო მწირნო! სალამი შენცა, ფიქრთუწვდენო ცავ! ცავ, ხან გახსნილო, ხან მოღუშულო! ცავ, ხან მრისხანევ, ხან მონარნარევ! სალამი შენცა, აღმოსავლეთო, მზეს რო ჰშობ ხოლმე! სალამი შენცა მის დასავლო,

მზეს რო გულს უღებ ღამის სათევად! სალაში შენცა, ბნელ ღამეებში მავალო შთა-  
რევ, რომლის გზა-კვალსაც თვალს ვადევნებდი გაჩენის დღიდან, რომლის სახეცა  
ნალველსა მფენდა და ჩემს ლექსებში წყნარ ნალველადვე იფურჩქნებოდა... სალაში  
შენდა, მთელი ბუნებაჲ!.. სალაში შენდა! სალაში შენდა!

კვლავ ველირსე მე ვარსკვლავიანი ცის ქვეშ დაჩენას, რომ დავასვენო ჩემი  
ბუნება უბუნებობით ქანცვაწყვეტილი! მაგრამ სალაში თქვენც, ზარბაზნებო, სი-  
კვდილის მფენო, რომელნიც მრავალ შვილს დაუბრუნებთ პირველყოფილსა მდგო-  
მარეობას, რო შემდეგ ისევ მოვიდნენ სოფლად სხვა გვარ სიკოცხლით, სხვა  
გვარი, უფრო ბრწყინვალე სახით ისევ იმავე სიკვდილისათვის, დღეს რო მთვე...  
სალაში თქვენდა! სალაში თქვენდა!..

ასეთი სალაში ითქვა უსიტყვოდ ჩემს გულში, როდესაც ჩავედი ჩემი ჯარით  
ბრძოლის ველზე.

ჩავსხედით თხრილებში.

დალამდა.

ღრუბლებიდან ამოკურდა სავსე მთვარე და იყო სიწყნარე.

„აი, ის მთვარე—ვამბობდი გულში—სწორედ პარიზელი ქალია, რომელიც  
სახეს იცვლის ყოველ წამსა და წუთში“!

„ჩემს მწუხარებასა ჰგავს ის მთვარე: ხან ივსება, ხან იღვევა, მაგრამ არასო-  
დეს კი არა ჰქრება სამუდამოთ“.

„არა, ჩემს ბედსა ჰგავს ის მთვარე: ხან დაიკარგება,— ხან გამოჩნდება“.

„არა, სიყვარულსა ჰგავს ის მთვარე: ათასნაირ სახეს იკეთებს და მუდამ კი  
ერთნაირად მაფიქრიანებს, ერთნაირადა მტანჯავს“...

ამდროს დაიგრიალა მტრის ბანაკიდან ზარბაზანმა და აგვაფუსფუსა ყველანი.  
ჩავახველეთ. მოვიკრიფეთ გაბედულება და გავეცით დინჯი პასუხი მტერს. დაი-  
გრიალეს ჩვენმა ზარბაზნებმაც; ტყვიის მფრქვეველი მოჰყვა გაუთავებელ წკმუ-  
ტუნს, თოფებმაც ასტყნეს ხივილი, მოფრინდა ციდანაც უშველებელი ფრინველი,  
გადმოანთხია სიკვდილის მფრქვევი ნაკვერცხლები და გაიღო ცა-ქვეყნის შუა ცე-  
ცხლის ხიდი, რომელზედაც გადი-გამოდიოდა აღისფერ ენა ამოგდებული შავი სი-  
კვდილი.

ვაჰქონდა ცა და ქვეყანას დანდგარი და ვამბობდი გულში: სადღაა ის ფი-  
ქრები, აქამდე რო მასაზრდოებდა? სადღაა ლალი? სადღაა იია? სადღაა მელანია?  
სადღაა სიყვარული?.. ეს ფიქრები სულ გაიკრიფნენ თავიდან და ვყვიროდი განუ-  
წყვეტლივ:

— დახოცეთ! დახოცეთ!

ვიცოდი, რომ დამარცხებულად შინ დაბრუნებას სიკვდილი სჯობდა, მით

უმეტეს, რომ სატროფონი გამარჯვებულებსაც ჰღალატობენ ხოლმე და ვიძახდი გრვეინვით:

— დახოცეთ! დახოცეთ!

ისიც ვიცოდი, რომ ვერც ერთი ველარ ნახავდა ნამუს შენახულს თავის ცოლს, დას, შეიღსა, და ვიძახდი მწარედ:

— დახოცეთ! დახოცეთ!

ისიც კარგად ვიცოდი, რომ არც ერთი ჩემი მეგობარი არ გადურჩებოდა იმ საშინელ მსოფლიო ომს, რომ ჩემი უკან დაბრუნება ცოცხლებში მხოლოდ მარტოობა იქნებოდა და ვიძახდი:

— დახოცეთ! დახოცეთ!

მთელი ჩემი სიცოცხლე სიყვარულის ძებნაში დავლიე, სულ მშვენიერებას ვეძებდი, მაგრამ იგი არ აღმოჩნდა ქვეყნად და რაღა დამრჩენოდა? ხოლო რაც დარჩა, იმაზე ვიძახდი მხნედ:

— დახოცეთ! დახოცეთ!

მაგრამ უეცრივ გასქდა ჩემს გვერდით ჯოჯოხეთის მანქანა და ის-ღა დავინახე, ჩემი ჯარის კაცები როგორ მირბოდნენ, მიწაზე კი არა, მაღლა, ღრუბლებში... ეს მეჩვენა... სხვა აღარაფერი მახსოვს...

— როგორა გრძნობ თავს? მკითხა მშვენიერმა ასულმა.

— ლალი, შენა ხარ?

— ვინ ლალისა კითხულობთ?

— აი, მე რო მიყვარს, იმ ლალის.

— მე და ვარ.

— მე და არა მყავს, ერთად-ერთი დავრჩი დედ-მამას.

— სათნოების და ვარ, სათნოების და!

— ღმერთო ჩემო, სადა ვარ? თუ ღმერთი გწამთ, ამიხსენით, სინამდვილეა, რასაც ვხედავ, თუ სიზმარში ვარ?

— სინამდვილეა. თქვენ ლაზარეთში წევხართ.

— ლაზარეთში რა მინდა, რეებს მეუბნებით!

— თქვენ ომში იყავით, ზარბაზნის ტყვიამ დაგაბორიელათ და დაჭრილიცა ხართ. სიცხე ხომ აღარა გაქვთ? აბა მაჯა მიჩვენეთ.

— მაშ თქვენ სათნოების და ხართ?

— დიახ.

— ერთი მითხარით, სათნოება და სიყვარული ხომ არა ჰკვანან ერთმანეთს?

- რათა მკითხავთ მაგისტანა უცნაურ რამეებს?
- იმისთვის, რომ ერთი ქალი მიყვარდა, იქნება თქვენ ისა ხართ?
- მე თქვენი და ვარ, და!
- ო, ღმერთო, ღმერთო! რა სიმარტოვეა! რა მოსაწყენია სიცოცხლე! ომი ხომ არ გათავებულა? ან სანამ მოვრჩები, ხომ არ გათავდება?.. ნეტავ უჩემოდ არ გათავდეს!
- რატომ, განა კიდევ გინდათ ომში წასვლა?
- დიახ, იქ ნამდვილი ადამიანები ვნახე და კიდევ მინდა მათი ნახვა, თორემ აქ, თქვენი თეთრი ანგელოზის ქვეშ ვინ იცის რამდენი შავი ეშმაკი ბუდობს?!
- თქვენ სიცხე გაქვთ... დაიძინეთ...
- ლალი, ლალი! ნეტავ გამაგონა შენი ხმა!

\*  
\* \*

ცოტა-ცოტა გამოვბრუნდი, მაგრამ სიცხეს მაინც მაძლევდა, ეტყობოდა, კიდევ დიდხანს ვიწვებოდი.

ვიღაცა შეშოვიდა ჩემს პალატაში და სათნოების დასა ჰკითხა, ჰღვიძავსო? ვიცანი, ჩემი ყოფილი დიასახლისი იყო.

— მელანია!

— გღვიძავთ, გოგი?

— გამარჯობათ, მელანია! სულ ვერ მოვიფიქრებდი, თუ აქა გნახავდით. განა თქვენ სათნოების დათა ხართ აქა?

— დიახ, აქა ვარ, განა არ იცოდით?

— ჰო, ჰო, მახსოვს, მაგრამ რა არის საერთო თქვენსა და სათნოებას შორის?.. ეჰ, ეს კი არა და მითხარით, როგორ არის თქვენი ვასიკა? ან მარინეტა? ან აგნესა? ან თქვენი ქმარი?.. უკაცრავად, მგონი თქვენ ვერ მიხვდით, რომელ ქმარზე მრგახსენებთ, აი იმ ქმარზე კი არა, „საზღვარგარედ“ რომ წაგიყვანათ, იმ ქმარსა გკითხავთ, არხეინად რომ იყო წამოწოლილი ტახტზე და პაპიროზს აბოლებდა იმ დროს, როცა მისი ცოლი სხვას მიჰყავდა... კარგათ არიან? ან თქვენ რასა იქთ? ეხლა ვისთანა ხართ? ქმართან, თუ სხვასთან?.. მაგრამ ეს კი არა, სტეფანესი ხომ არა იცით-რა? ნეტავი კიდევ მენახა! ვინ იცის, ისიც ჩემსავით დაჭრილი წევს რომელიმე ლაზარეთში და იმასაც თქვენისთანა და ადგა თავს... იქნებ მოკლეს კიდევ?.. მელანია, მითხარი რამე!..

— სიცხე გაქვთ, მოსვენება გინდათ.

— ოღონდაც, რომ სიცხე მაქვს... მომეცალენით!



დამეძინა, მაგრამ არც დამეძინა, ორთა შუა ვიყავი, ძილსა და ღვიძლის შუა. თითქო კარგით ვილაცა დადგა ჩვენი ლაზარეთის შესავალში და იკითხა: გოგი აქა წევსო?

პასუხი გასცეს.

შემოვიდა.

წამოვიხედე და ვიცანი ლალი.

— ლალი, ლალი! აქ ვინ მოგიყვანა? როგორ გაიგე, რომ აქ ვიწექი?

— მაშ ვინ უნდა გაიგოს შენი ამბავი, თუ არა მე! მითხრა და ავადმყოფ შუბლზე ხელი გადამისო. თითქო გამოვცოცხლდი, გავმხიარულდი, თვლებში სინათლე მომემატა და მომინდა სიცოცხლე. ისე მომინდა სიცოცხლე, რომ უცბად მომაგონდა ბრძოლა და გამაყრჯოლა.

— გიხარიან, ლალი, რომ ცოცხალი გადავრჩი?

— აბა რა საკითხავია! რა საკვირველია მიხარიან! მაშ ვის უნდა გაუხარდეს, თუ არა მე! მითხრა აღერსითა და კიდევ ხელი გადამისო ავადმყოფ შუბლზე.

უფრო მეტი სიცოცხლე დამეტყო. ამოვიოხრე, რაც სადარდებელი მქონდა და ისე დავმშვიდდი, თითქო ეზიარაო.

— ლალი... გიყვარვარ? უთხარი მოწყენილი ხმით.

— მაშ ვინ უნდა მიყვარდეს, თუ არა შენ?

— მერე, სხვებიც გიყვარს?

— სხვებისთვის კეთილ საქმეს გავაკეთებ, უშველი გაჭირვებულებს, კეთილ გზაზე დავაყენებ, არაფერს დავზოგავ მათ გაჭირვებისაგან გადასარჩენად, მაგრამ სიყვარულით კი მხოლოდ შენ მიყვარხარ. მითხრა და ჩემი მახა ხელში აიღო:

— ოცდა ცხრამეტი გრადუსი სიცხე აქვს! ხმა მაღლა სთქვა ბებერმა ექიმმა ქალმა. მის ხმაზე გამოვერკვიე, ამოვიოხრე და ბოლოს ისევ წავედი ბურანში...

— რათ წახვედი ომში? მისაყვედურა ლალიმ: განა იმისთვის მიყვარდი, რომ წასულიყავ, ხალხი გეზოცნა და შენც შემოჰკლამოდი მათ?

— მაპატიე, ლალი! მეგონა, არ გიყვარდი!


— აბა, ეგ როგორ იფიქრე! შენს უმანკო ფიქრებში ვიზრდებოდი ვარდით მხოლოდ იმისთვის, რომ შენი მკერდი შემემკო და განა ამას არა ჰკრძობდი?

— არის კი სიყვარული, ლალი?

— როგორ არ არის!

— მერე, რასა ჰქვიან ეგ სიყვარული, ლალი?

ამის პასუხად ლალი მძიმე-მძიმედ დაიხარა და მისი მხურვალე სუნთქვა შეურთდა ჩემ სუნთქვას, შემდეგ ხელი გადამისო შუბლზე და ღიმილით დამიწყო თვლებში მზერა:





— შენ მალე მოგარჩენ, წაგიყვან აქედან სულ შორს, შორს, სადაც აღადმიანის ხმა არ მოდის, მკერდით შეუერთდები შენს მკერდს და სიკვდილამდე ვიქნები შენთან, გინდა გოგი?

— ო, როგორ მინდა! როგორ ბედნიერი ვიქნები, ლალი! ომში ხომ აღარ გამგზავნიან?.. მე აღარ მინდა ომში წასვლა!

— ომში რად გაგიშვებ! შენ იქ უნდა იყო, სადაც სიყვარულია, სადაც მე ვარ და მე ომში რა მინდა!

— რა ბედნიერი ვარ, ლალი, რა ბედნიერი! ლალი, ხვალე რო მოხვალ ჩემთან, მაშინაც ისევ ესეთი კარგი იქნები? ნეტავი კი გული არ გამოიცივალა და!

— არა, ბიჭიკო, არა! უცნაურ რამეებს ნუ ამბობ.

— რა ვიცი, ვინც ქალი ვნახე, ყველა მატყუარა გამოდგა: დღეს გაგიღიმებს, ხვალ ზურგს შეგაქცევს— ვერ ვიპოვე ჩემი გუნების ადამიანი.

— როგორ არა, იგი ნაპოვნია, განა ვერა ჰხედავ?

— ვხედავ, ვხედავ, მაგრამ თვალეზე კიდევ ბინდი მაქვს ავადმყოფობისა გადაკრული, სულ კარგა მაინც ვერა ვხედავ.

— აჰა მაშ აი, კოცნით გადაგიწმენდავ ბინდს თვალეზე.

ხელი მომხვია და საკოცნად დაიხარა, მაგრამ ხელში რაღაცა მოჰხვდა უბეში შეყაფის დროს, გამოიღო და ხმა-მალლა სთქვა:

— კიდევ სიცხე აქვს.

გამოვერკვიე ბურანიდან. ისევ ბებერი ექიმი ქალი მედგა თავს. ხოლო პირდაპირ, მეორე ოთახში ორი სათნოების და დაქრილ აფიცრებს ელაზნანდარებოდა ვიცანი ეს ორივენი ისინი იყვნენ, რომელნიც პირველად გავიცანი და რომელნიც სათითაოდ ისე დავკარგე, რომ სახელიც ვერა ვკითხე მერე ვილაცამ დაიძახა, ლარისაო და მომაგონდა ის კურსელი ქალი, ჩემმა მეზობელმა სტუდენტმა რო მოიყვანა ღამე. მერე თვალი მოვკარ ქართველი სტუდენტის ცოლს და, თითქო მომესმა კიდეც „არ შეგცივდესო“. ბოლოს ვილაცა აფიცერი შემოვიდა ჩემს პალატაში, რომელსაც ხელი-ხელ გაყრილი შემოჰყვა იია. გამიკვირდა და განცვიფრებულმა წამოვიძახე:

— რა უბედურებაა! ქვეყანა აქ შეყრილა ჩემ სატანჯველად!

— სიცხე გაქვთ .. მოისვენეთ. . მითხრა ექიმმა

ამოვიოხრე. გადავბრუნდი და ჩავიძინე.

თითქო მღვრიე ჰაერში, ან მდინარის ძირში წევსო, ისეთი ბურუსი იყო ჩემს ირგვლივ. გარკვეული არა იყო-რა ჩემს გონებაში. მერე ისევ მოიწმინდა. ღიმილით შემოირბინა პალატაში ლალიმა და იკითხა:

— როგორ არის?

— ისევ სიცხე აქვს, უთხრეს.

ჩემ ტახტზე ჩამოჯდა ლალი, მკლავი მომავლო თავზე და დიდხანს მიყურა თვალებში. სიცხეში ტუჩებს ვათრთოლებდი და ლალი მათ თვალს არ აშორებდა.

— დაურეკეთ ტელეფონით ჩემ შოფერს, ეხლავე ავტომობილი მოიტანოს აქ, უთხრა იქ მდგომ დას ლალიმ.

— რა ნომერია თქვენი შოფერის ტელეფონი?

— 3—08—16.

სათნოების და ტელეფონთან გაიქცა. ლალი ისევ ისე დაჯდა და დაკვირვებით დამიწყო ყურება თვალებში. რალაცის თქმა მინდოდა, მაგრამ დამავიწყდა. შემდეგ მომაგონდა და გავიჩუჩუნე სათქმელად, მაგრამ ენა ვერ დავძარ. ლალიმ თავზე წამავლო ხელი და მკითხა:

— როგორა ხარ გოგი?

ხმა ვერ ამოვიღე.

— უნდა გეთქვა რამე, გოგი?

კიდევ ვერ ამოვიღე ხმა.

— ეხლავე! დაიძახა სათნოების დამ, შოფერს რომ დაურეკა ტელეფონი. სიჩუმე ჩამოვარდა, ისეთი სიჩუმე, თითქო სულ მკვდრები აწყვია ირგვლივით. რამდენჯერმე მინდოდა რილაცის თქმა სიჩუმის დასარღვევად, მაგრამ ვერ დავძარ ენა.

— ავტომობილი მოვიდა, სთქვა მოსამსახურემ.

ლალი ადგა და მე ცოტათი გავტოკდი.

— დაუძახეთ მოსამსახურეებს, მძიმე-მძიმედ წამოიღონ ავტომობილში ავადმყოფი. ჩემთან წავიყვან და თვითონ მოუვლი, თვითონ მოვარჩენ, აქ ყურს ვერ უგდებენ კარგა.

ციმ-ციმ ამიღეს, წამიყვანეს და დამაწვინეს ავტომობილში.

— არავინ გინდა მშველელი? ჰკითხა ლალის დამ

— არა, თვითონ მოვახერხებ ყველაფერს.

მერე შოფერს უთხრა, ფრთხილად წასულიყო.

ლალი გვერდით მომიჯდა, ხელი მომხვია და ავტომობილი დაიძრა.

მივედი.

საშინლად დიდს, მშვენიერ სასახლის წინ დადგა ავტომობილი. იქიდან ლალის მშველელები გამოეგებნენ, საჩქაროდ გადმომიყვანეს და ფრთხილად ამიყვანეს კიბეზე. კიბე მარმარილოსი იყო. კედლებზე სხვადასხვა მშვენიერი სურათები იყო დახატული და მათ შორის მთებიც. გაკვირვებით უყურებდი სრა-სასახლის საკვირველ კედლებს და გული უცნაური გრძნობით მევესებოდა.

შემიყვანეს სახლში. გამატარეს რამდენიმე დიდი, ზღაპრულად მორთული

ოთახი და ერთ მშვენიერს, მყუდრო ოთახში დამაწვინეს. ისეთ ტახტზე დამაწვინეს, რომ ვერ გამომეცნო, ვიწექ რამეზე, თუ ჰაერში ვიყავ გაჩერებული.

მოვიდა ლალიცა და გვერდით მომიჯდა. დიდხანს მიყურა, დიდხანს მიყურა და შემდეგ მკითხა:

— როგორა ხარ, გოგი?

— როგორა ხარ? მკითხა მეორედ.

— როგორა ხარ, გოგი? მკითხა მესამედ.

— გოგი! გოგი! გოგი!

თვალეები გავახილე. ისევ ის ბებერი ექიმი ქალი მდგა თავსა და მეუბნებოდა: აბა ილღია აიწი, უნდა სიცხის საზომი გაგიკეთო, სიცხე გავისინჯო.

სიცხის საზომი ჩამიღო ილღიაში.

აქათ-იქით მივიხედე. აღარაფერ იყო. ყველანი სადღაც გაკრეფილიყვნენ.

ისევ ჩავინთქე ბურანში.

ლალი მეორე ოთახში გასულიყო, სანამ სიცხის საზომავი გაზომავდა სიცხესა და მერე ისევ შემოირბინა. გამომაცალა სიცხის საზომავი და მხიარულად წამოიძახა:

— მადლობაა ღმერთს! სიცხემ უკლო!

უცბათ ვიგრძენ გამოკეთება. გამოვერკვიე სიცხიდან. მივიხედ-მოვიხედე, ლალი იქ აღარ იყო. დაუძახე:

— ლალი! ლალი!

საჩქაროდ გამოვარდა მეორე ოთახიდან ლალი.

— გოგი, როგორა ხარ? რა გამეხარდა, რომ დამიძახე!

— კარგათა ვარ, კარგათ! მოდი, ჩემთან დაჯექ.

— როგორ მიხარინან, გოგი, რომ კარგათა ხარ! როგორ მიხარინან!

— აი, მე ეხლა მალე ავდგები, ლალი, და ერთი სათხოვარი მაქვს შენთან.

— მითხარი, ჩემო კარგო, რა სათხოვარი გაქვს? მითხარ, ყველაფერს ავი-

სრულებ. ეხლავე მითხარ.

— ლალი!..

— რა, გოგი? მითხარ, ნუ გეშინიან!

— რო უარი მითხრა?

— მე, და შენ უარი გითხრა? არა გცხვენიან, გოგი?

— მაშ გეტყვი:

„როცა ავდგები, ჩემთან წამოდი საქართველოში, ჩემს მშვენიერ საქართველოში. იცი, იქ რომ წამოხვიდე, სულ კარგათ გავხდები; მაშინ ყოველი ჩემი სუნთქვა სიცოცხლედ გადაგექცევა და სიცოცხლე ნეტარებად...“

საქართველოში წამოდი ლალი!

საქართველოში რო ჩამოხვალ, ქალარა მთები მოწიწებით თავს მოიხრიან შენ წინ და ათასნაირ ცრემლებს გაგიფენენ მარგალიტებად. ცელქი ნიავი მილიარდ ფოთოლთა ხელით ტაშს დაგიკრავს, ყვავილები გულს გაიხსნიან, წინ გაგეფინებინ და უთვალავ ფრინველთა უთვალავი, სხვადასხვა გუნდი სხვადასხვა ჰანგებს გიმღერს; საქართველოს მზე თავს გვირგვინად დაგედგმება, მთვარე ფერხთა ბალიშად და ვარსკვლავები შეგიმოსავენ სამოსელს ტანთა; მოვა შენთან ათი-ათასი ღარიბ-ღატაკი და წაიღებს სულიერ საზრდოს შენის ნახვით, თაყვანისცემით...

წამოდი, ლალი, საქართველოში!

ჩემი მწყემსები გარეულ ყვავილთა გვირგვინს მოგიტანენ და იმათ ისიც ეყოფათ ბედნიერებად, რომ შენ მათგან მიიღებ მას. ჩემს მწყემსობაში ერთი დეკულა ავზარდე, ხელით ვაქმევდი ბალახს, ჩემი ჯამიდან ვასმევდი წყალს, ჩემი ჩოხის კალთით უსუფთავებდი ტანს, ყვავილებით უმშვენებდი პაწია რქებსა და ვკოცნიდი ტუჩებში; ეხლა იმას ხბო ჰყავს და ის ჩემზე მეტად უყვარს; საღამოთი რძეს მოუტანს, მოაწოვებს, შემდეგ, შენ რომ დაგინახავს, მოვა, ყელს მხარზე გადაგაქდობს და დაიწყებს ტუჩების ცმატუნს; მისი ხბო გვერდით მოგიწვება, დაგაფიქრებს, აღვიძრავს ყოველი სულდგმულისადმი სიყვარულსა და ღმერთი იქნება შენთან...

წამოდი, ლალი, საქართველოში!

საქართველო ეს ის ქვეყანაა, სადაც ღმერთმა დასდო სამოთხე, რომელიც შემდეგ კაცთა ცოდვიანობამ ამოაქცნო და ეხლა შენ გელის იგი, რათა კვლავ აყვავდეს, კვლავ გაისმას ჩქრიალი უკვდავების წყაროთა და აღსდგეს ბედნიერება დამარხული. საქართველოში უკვდავი გაჰხდები და შენი უკვდავება ვერ ამოსწურავს მის მშვენებებს, სადაც ღმერთთა თვითონ ბუნება! ყოველ დღე ახალ-ახალი აღტაცება გაგეფინება წინა, ყოველ დღე ნეტარებაში იქნები და არ მოგწყინდება იგი...

წამოდი, ლალი, საქართველოში!

იგი სამშობლოა ჩემი, იქ არის საკურთხეველი, სადაც პირველად წარმოსთქვა ბუნებამ შენი სახელი ჩემის დაბადებით...

წამოდი საქართველოში!

შენ მზე ხარ და მზე უნდა საქართველოში იყოს!

— წამოვალ, ჩემო კარგო, წამოვალ! ოღონდ ეხლავე გავიქცევი ღარიბების თავშესაფარში, სიტყვას დაუტოვებ, კარგათ მოუარონ ღარიბ-ღატაკთა და საჩუქრებიც მალ-მალე აძლიონ.

— რა კარგი ხარ, ლალი! წადი, გააკეთე ღვთისნიერი საქმე და მოდი. მანამდე მე ავდგები, ჩავიცვამ და მოვემზადები წასასვლელად.

ლალი წავიდა.

ავდექი. ჩავიცივი. სარკის წინ გავისწორე ყველაფერი და შევჩერდი ლალის სურათის წინ, რომელიც თვითონ ლალისოდენა იყო. დიდხანს უყურე, ბოლოს თავმა წამძლია და ზედ მივეყუდე.

გავიდა საათი.

შემოვიდა ლალი და სურათზე მიყრდნობილი რო დამინახა, მომკიდა ხელი, მიმიყვანა საწოლთან, დაჯდა და მითხრა, მოდი იმ სურათის დედანს მიეყუდეო მივეყუდე.

დიდხანს ვიყავი ლალიზე მიყუდებული და დიდხანს უყურეთ ერთმანეთს თვალებში. ბევრი გაშტერებული მხერით თავბრუ დამეხვა და ამერია ყველაფერი. თავდავიწყებაში ჩავინთქე.

— აბა, წავიდეთ საქართველოში! წამოიძახა ლალიმა და წამოხტა ზეზე.

— წავიდეთ.

— იცი, გოგი: ერთი მეცნიერი ფრანგი ნაცნობი მყავდა, მან ჰაეროპლანი მოიგონა უცნაურ სახისა, ხოლო ის ფრანგი რო მოკვდა, ჩემმავე ნაცნობმა გერმანელმა გააუმჯობესა იმ ჰაეროპლანის ტექნიკა. ეხლა ის გერმანელი ჩემ სახლში ცხოვრობს, ხოლო ჰაეროპლანი ჩემს მუზეუმშია შენახული. ვეტყვი გერმანელსა და გაგვაფრენს საქართველოში. გინდა?

— როგორ არ მინდა! მინდა ლალი! რა ბედნიერი ვარ!

გერმანელმა ააწყო ჰაეროპლანი და გვითხრა: მზად არის.

ჩავსხედით ავტომობილში, გავედით ქალაქ გარედ, სადაც გვიცდიდა ჰაეროპლანი. ორივემ შემოუარეთ გარს, კარგა გავსინჯეთ, მოვიწონეთ და შემდეგ მაინც ვკითხეთ გერმანელს:

— საშიში ხომ არაფერია?

— არა, ბატონო! როგორც მთის არწივისთვის საშიში არ არის მისივე საკუთარი ფრთები, ისე თქვენთვის ეს ჰაეროპლანი; ისე უშიშრად იყავით, ვითომ არწივები იყოთ და მიფრინავდეთ საკუთარის ფრთებით.

ჩავსხედით.

შეტოკდა აპარატი და ჰაერში შევსრიალდით. ავიდა სულ მაღლა, მაღლა, რამდენიმე წრე დაარტყა ქალაქის თავსა და გაება სივრცეს სამხრეთისაკენ. ჩვენ გადმოვიხედეთ ძირსა და სუმთლად დავინახეთ ტახტი იმა ქვეყნისა, რომელსაც შემქვარტლილი ბუხრები ამოეშვირა ზევითა და იდგა ბურუსში. სახლები პატარა კოლოფებსა ჰგავნდა და ადამიანები ოდნავად მოძრავ წერტილებს... „მშვიდობით, ტახტო უცხოეთისავ, მშვიდობით! ველარასოდეს ველარა გნახავ — მშვიდობით! მშვიდობით, უმთავრესო ქუჩავ, სადაც მრავალჯერ ვფიქრობდი ჩემს ლალიზე, სადაც

ჩემს ოჯახს სინამდვილე ბლალავდა! მშვიდობით, ჩემო დიასახლისო მეღანია! შენ მე ველარასოდეს ველარ 'შემხვედები' მშვიდობით იია! შენ ველარ შეაცდენ გამოუცდელ ქართველს, რომელიც შენი მშვენიერებით იყო ერთდროს გატაცებული, რომელსაც ვგონე ლალი! მშვიდობით! მშვიდობით! მშვიდობით!

— მეტირება, ლალი!

— რათა, გოგი?.. მომეკარ გულზე .. რათა ტირი, გოგი?

— არ ვიცი, არა.

— მოიხვიე-თბილად, არ გაცივდე და ისევ ავად არ გამიხდე

— ლალი, აბა უყურე, დედამიწა როგორა ტრიალებს. დასავლეთში მზე ჩადის, უყურე! რა მშვენიერია მზის ჩასვლა! მეტირება, ლალი!

— რათა, გოგი?

— არ ვიცი .. ხომ არა გწყინს, ლალი?

— არა, ჩემო კარგო. მაგ ცრემლებს მე შეგიშრობ კოცნით...

— აგერ სულ ჩავიდა მზე. დაბნელდა. ეხლა უთხრათ გერმანელს, სადმე დავეშოთ. სადაც ჩვენ დავეშვებით, იქ სადგური იქნება ჩვენ შემდგომ.

დავეშვით.

ირგვლივ ტრიალი მინდვრები იყო. თვალი იკარგებოდა უსაზღვრო სივრცეში, მაგრამ ჩემი სევდა მაინც ვერ ეტეოდა იმ სივრცეზე.

ცეცხლი დავანთეთ; დავსხედით და ლალის ერთი ზღაპარი უამბე:

„იცი, ლალი, ეს ვრცელი მინდვრები თურმე ერთდროს წარმოადგენდა მთებით დანაოქებულ ქვეყანას. მაგრამ ერთხელ სიყვარულის ღმერთმა ტივროსსა და ეფრატოს შესართავიდან ისარი ესროლა საქართველოს მაღალ მთას, მყინვარს; ისარი თავზე გადასცდა მყინვარსა, წამოვიდა და ამ უსწორ-მასწორო მთებით დანაოქებულ ადგილას ჩაერქო; დედამიწა სიამოვნებისაგან გაიხმორა და გასწორდა, მაგრამ შემდეგ მიჰხვდა, რომ ის ისარი მისთვის არ იყო გამოსროლილი, ნაღვლიანად ამოიოხრა და ეს ნაღვლიანი ამოოხვრა დასადგურდა ამ ვრცელს მიდამოებში... მეც ნაღვლიანადა ვარ, ლალი. იქნება შენ ისარი სხვას ესროლე და მე მომხვდა?..“

გათენდა. აღმოსავლეთი ვარდის ფრად იღებება და სევდას რა უნდა ჩემთან, მით უმეტეს რომ შენა გხედავ ჩემს გვერდით?

— წავიდეთ საქართველოში!

ჩავსხედით ისევ ჰაეროპლანში.

შეიფთხრიალა პროპელერმა და ავფრინდით მაღლა. მიჰქროდა ჩვენი მანქანა და ნიაფი უკრავდა მშვენიერ მელოდიას, რომელიც კიდევ მაკვნესებდა, კიდევ მაამებდა, რომელიც კიდევ მაშინებდა, კიდევ მახარებდა.

მე და ლალი ერთმანეთს მივეკარით და დამავიწყდა ყველაფერი. მხოლოდ შორს, ძალიან შორს გამოჩნდა თეთრი ქარავანი მთებისა, რომელიც შავი ზოლით უერთდებოდა ცის გადაღმართს და წამოვიძახე სიხალულით:

— მთები, ლალი, მთები!

რამდენი საიდუმლოებაა დამარხული. მათ მუდმივს მღუმარე გულში! რამდენი სახე ბრწყინავს ლამაზ ყვავილად მათ მკერდზე! რამდენი მშვენიერი შველი, ირემი, ჯიხვი და ქურციკი დარბის მათ გულზე თავისუფლად!

— მთები, ლალი, მთები!

ვერ წარმოიდგენ, რამდენ სახეს იკეთებენ იგინი, რამდენაირად იხატებიან თავის სხვადასხვა გვარად აწეწილ-დაწეწილ ღრუბლებში!

— მთები, ლალი, მთები!

აგერ, გამოჩნდა კიდევ მთელი საქართველო ჰხედავ, მყინვარის გადასწვრივ სამოთხის მსგავს ქვეყანას? ეგ არის საქართველო! აგერ დინჯი მტკვარი, მკვირცხლი რიონი, ზანტი ალაზანი, ცელქი იორი. აგერ ალავერდის ტაძარიც. რა დიდებულად არის აზიდული ცაში! ჰხედავ ალავერდის უკან მალალ მთებს? ეგ თუშფშავ-ხევსურეთია; როცა ალავერდობა მოვა, მთელი ეს მხარე სულ მის დღეობაში მოიყრის ხოლმე თავს...

— ლალი! ლალი!

— აქა ვარ, გოგი!

— აი, ის მთებიც, სადაც მწყემსობაში გავატარე პატარაობა! აი, ის ადგილი, სადაც მრავალჯერ წაულივარ ოცნებას შენსკენ! აქედან დავიწყე ფიქრებით მოგზაურობა შენსკენ. . აგერ თბილისიც... აგერ ის გიმნაზიაც, სადაც ვსწავლობდი... ჩემსავით განმარტოვებულია ქალაქიდან და მარტო სდგას ფიქრებში წასული... აი, იმ ფანჯარაში გამოვიხედავდი ხოლმე, დამავალი მზე რო ბრწყინავს; იქიდან მყინვარს უყურებდი და მის მწვერვალზე შენა გხედავდი. ნეტავი იმ დროს! მაშინ მეფის ასულადა მყავდი წარმოდგენილი... ო, ლალი, ლალი!..

ჰაერობლანი დაემო მინდორზე; ხელად ავტომობილი მოარბენეს და წავედით ქალაქში.

— აი, ეხლა ჩემ სამშობლოში ხარ, ლალი! ჩემი ხარ!

— შენი ვარ, შენი, გოგი! ერთი წუთითაც ნუ შეგეპარება ეჭვი, რომ შენი არა ვარ. მაგრამ ასეთი აღტაცებით რათ გეგებება შენი ხალხი? განა აქ ყველა შენი ნაცნობია?

— არა, ეს მხოლოდ შემთხვევითა მხედებიან ნაცნობები.

— აქ ლარიბები არ არიან? თავშესაფარს დავაარსებ მათთვის.

— არა, ლალი. ლარიბთა თავშესაფარი კი არა, აქ ავაშენოთ დიდი სასტუმო

რო, სადაც ყველა ქვეყნიდან. მოსულთ მასპინძლობას გაუწევთ და ვასწავლით, თუ როგორ უნდა გამასპინძლება სტუმრისა

— ძალიან პატიოსანი! ავაშენოთ .. აგერ, გაუმარჯოს ჩვენს პოეტსაო, გითხრა ერთმა ქართველმა და ქუდი მდაბლად მოგიხადა. განა შენ პოეტი ხარ?

— არა, ლალი, არა! ღმერთმანი პოეტი არა ვარ!

— რათა თაკილობ, განა ცუდია პოეტობა! აგერ კიდევ, გაუმარჯოს პოეტსაო.

— არ არის პოეტობა ცუდი, მაგრამ თუ კი არა ვარ!

— მაშ რათ გითხრა იმ კაცმა პოეტო?

— ისე, გამოცვლის სახელს აქ პოეტს მეძახიან.

გადმოვედით ავტომობილიდან და მივდივართ ქუჩაში. ლალი ღიმილით იყურება აქათ-იქით.

— აა, გაუმარჯოს ჩვენს პოეტს! მომეგება კიდევ ერთი ნაცნობი: როგორა ხარ? როდის ჩამოხვედი?..

გავაცან ლალი.

ლალიმა ჰკითხა:

— ერთი შითხარით, თუ ღმერთი გწამთ, რათ ეძახით გოგის პოეტს?

— იმისთვის, რომ ეს ჩვენი ახალგაზრდა პოეტია, აუხსნა ნაცნობმა.

— მართალია?! წამოიძახა ლალიმ სიხარულით.

მაშინვე ეტლში ჩავსხედით.

გახარებულმა ლალიმ, სახლში რო მიმიყვანა, მისაყვედურა, რატო აქამდე არ გამომხილე შენი პოეტობაო. მერე თავისი ბაგე ჩემს ბაგეს შეუერთა და ორივენი მხურვალედ დავეწაფენით ერთმანეთს...

დიდხანს ვიყავით ასე.

ბოლოს ორივენი დავსუსტდით კოცნითა და ძირს უნდა დავშვებულეყავით, მაგრამ ვილაცამ მაჯაში ხელი მტაცა და გამოვერკვიე ბურუსიდან:

— მელანია! დაუძახა ბებერმა ქალის ექიმმა: ერთი სიცხის საზომი მოიტა .. კიდევ უმატა სიცხემ.

მწარედ ამოვიოხრე და ავქვითინდი...

მელანიამ საჩქაროდ მოურბენა სიცხის საზომი ექიმსა და ისევ საჩქაროდ გაიქცა, რადგანაც ვილაც პრაპორშჩიკი მოსვლოდა და მასთანა მასლაათობდა...

„ლალი! ლალი! ნუთუ შენ იგივე მელანია ხარ, რომელიც ყველას ეარშიყება და ყველას ფეხთა მტვერია?.. ლალი, მოდი აქ! მოდი, უნდა გითხრა რამ! ლალი! ლალი!“

მივწვდი ლალის ყელში, ხელი წაუჭირე დასახრჩობად, მაგრამ ვილაცები შემოკვიდნენ და დამიჭირეს.



გონზე მოვედი. მივხვდი, რომ ლალის კი არა, ჰაერს ეახრჩობდი და წყნარად წარმოვსთქვი: მადლობაა ღმერთს! ოცნება მაინც დაუხრჩობელი დამრჩა!“

— იქნება მუსიკა გესიამოვნოთ? მითხრა ექიმმა: აი, მოხუცი, ქუჩის დამკვრელია, კარგათ უკრავს; დღეს შობაა და უნდა დაჭრილი აფიცრებისათვის დაუკრას ლაზარეთში.

— მოიყვათ! მაგ მოხუც დამკვრელს თქვენზე ადრე ვიცნობ. მოიყვათ, დაუკრას!

მოხუცი შემოვიდა.

მოიმარჯვა სკრიპკა და დაუკრა.

სუყველაფერი დაფიქრდა. შემდეგ სუყველაფერმა სუნთქვას მოუხშირა და ბოლოს აქვითინდა გარემო. აქვითინდა, რასაც კი სული ედგა, რასაც გული ჰქონდა და მათ ქვითინს გარედან ბანს აძლევდა შრიალით თოვლი, რომელიც მოხუცის ქალარად ეფინებოდა ყველაფერს, როგორც სატირელი ჰანგი ჩემ გულს...

— დაუკარ მოხუცო! მე ეხლა ყველაფერი მესმის... მესმის...

1916 წელი. მოსკოვი.



## 6. ლორთქიფანიძე

# შ ა მ თ ა ს ი ა ვ ე

(რომანოს ესკიზი)

### ნაწილი პირველი

#### 1

რიონის პირათ დიდი მანძილი მაღალი ჯაოჯიანი მესრით იყო შემოზღუდული; ცაცხვებით, ჭანდრებით და ნიგვზებით დაფენილი ეზო, ოდნავ გამოკაფულ ტევოს ემსგავსებოდა.

ძლივს მოსჩანდა ხეებში მიმაღული დაბალი აივნის სვეტები, მოღუშული ყავრის დახურული სახურავი და ისლითა და ჩალის ღეროებით დაბურული ფაცხები. ნასადილევია .. ისვენებს ყოველი სულდგმული.

ხის ძირში სადგომების მოშორებით გაშლილ ნოხზე ზის საიდუმლოთ მუსაიფში ვართული ოთხი კაცი

— აი, მეფეს ნებავეს დიდი წყალობა გიბოძოს.

— ისედაც კისრამდის სავსე ვარ ბატონის სიუხვით...

— მაგრამ მეფეს სურს გაიგოს, თუ რამდენათ ერთგული ხარ მისი... ხომ იცი რა დროა ეხლა?.. ცარიელ სიტყვებზე აღარავინ არის სანდო.

— მართალი ბრძანებაა!—ჯერ არაფრით დამიმსახურებია ნდობა, თუმც სულით და გულით კი მზათა ვარ.

— ნდობა რომ დიდი აქვს, უტყუარია... მხოლოდ შენც უნდა გაამართლო ნდობა.

— რითაც კი შემიძლია...

— დიდი საქმეა.

— მეფისთვის თავს დავდებ... განსვენებული მამაც მუდამ ამას მეუბნებოდა.

— მომწონს ჭეშმარიტათ, რომ მამის კვალს მისდევ... ხომ იცი დიდ ნადირს დიდი ნაგაზები უყუფენ... დიდ მეფეს კი დიდი თავდასული ჭვეშევრდომები ეურჩებიან.

— მათი მოდრეკა ბრძანოს მეფემ და ქუდზე გამოვალთ კაცი

— მაგი არ კმარა... ყოველმა ჩვენგანმა ცალ-ცალკე უნდა ეცადოს მეფის ორგული ჭკუაზე მოიყვანოს... მოსპოს...

— ჭეშმარიტი ბრძანებაა—დაუდასტურა მეორემ

— ხომ იცი არჩილმა მეფის ურჩობა არ იკმარა და ახლა მთლად გადადგომას გვიპირებს...

— დიახ, ბატონო, ცოტა რამ მეც მსმენია... რაჭის ერისთავთან ერთათ ცდილობს კახელი ბატონიშვილი გაამეფოს იმერეთში...

— მერე შენ რას აპირებ, იულონ განსვენებული ესე მეფის მარჯვენა ხელი იყო, თავს არ იზოგავდა—შეაქო სახლთხუცესმა იულონისთვის სათაყვანებელი მამის სახელი.

— რასაც მეფე მიბრძანებს... აი ამას უცდი დიდი ხანია... პირველათ არაფერს ვამბობდი, რადგან ჯაშუშობა არ არის ჩემი ხელობა; მერე როცა შევამჩნიეთ, რომ თქვენც იცით ნამდვილი ამბავი, ვუცდიდი მეფის ბრძანებას... რას ინებებს.

— შენ კი ნამდვილათ იცი?

— რალა დასაფარავია,—ორჯერ-სამჯერ ისეთი სიტყვები ჩამილაპარაკა, რომ უეჭველია, კარგი რამე არ აქვს გულში.

— და ამდენ ხანს არაფერს ამბობდი?

— აკი მოგახსენეთ მიზეზი .. უსაბუთოთ ლაპარაკი რა საკადრისია?

— ვერ გამოგიჩენია საკმაო ერთგულება!.. ნეტარ—ხსენებული მამაშენი ასე არ მოიქცეოდა: მეფის განდგომილ ყმას თვით ის გასცემდა საკადრის პასუხს.

— მე რა უთხარი ეს მე ვიცი.. ყოველი სიტყვა არ მინდა დავამადლო მწყალობელ მეფეს—ფიცხლათ მიუგო იულონმა მობაასეს.

— კარგი, კარგი, იულონ, დამშვიდდი. კამათი არ ღირს, არც დრო გვაქს. ჩვენ მოვილაპარაკოთ თუ როგორ მოვაწყოთ საქმე—ჩაერთა მუსაიფის ჩუმი მსმენელი, მემარჯვენე ჯარის სარდალი, სეხნია, დიპლომატიური ნიჭის დიდი მოტრფილე და თავყანის მცემელი. მან გადასწყვიტა იულონის სულიერი განწყობილება გამოეყენებინა. სარტყელზე ჩამოკიდებულ კვესზე სახლთხუცესს ხელი დაადვა, თითქოს ეუბნებოდა, მაცალე, იულონი ცოტათი შემკრთალია, რომ მეფის ერთგულება მისებურათ მტკიცეთ ვერ დაიცვა, და მე, როგორც ნათქვამია გველსა ხვრელით გამოვიყვან ენა ტკბილათ მოუბარო.

ეტყობოდა დიდებულ კარის კაცებს წინაღვე მოელაპარაკნათ იულონის სანადირებლათ ვინ რას გააკეთებდა.

— ზრძანე, სარდალო, შეკრიბონ ჯარი, და რაც შემფერის ორი იმდენი კაცი თუ არ მოგიყვანო და ოდესმე უკან დავიხიო, მეფის სალამიც კი მომაკლდეს...

— ეხლა მაგ ზომა გამოუდევარია...

— რატომ?

— არჩილს ქვემო იმერეთი გამოესარჩლება; რაჭის ერთისთავი ხომ მუდამ მზათ არის შეილის სისხლი აილოს... ამით ისარგებლებს კახეთის ბატონიშვილი და ისე შემოვა ქუთაისში, რომ ხმაღსაც არ ამოიღებს ქარქაშიდან...

... და სწორეთ ის მოხდება, რაც ზოგიერთს გულში კი სურს, მაგრამ ვერ ამჟღავნებს, — თითქოს ვერ მოითმინაო, მზაკვრულათ გააგრძელა სარდლის სიტყვები მესამემ.

— ბატონო, გადაკრული სიტყვების არ მეშინია... სჯობს საქმე ვილაპარაკოთ—ამაყათ უპასუხა იულონმა.

— პიპილი თუ არ გიქამია, ენა რათ გეწვის?— ოდნავ გასაგონათ ჩაილაპარაკა სახლთხუცესმა, მაგრამ სეხნამ ძლიერ ჩამოსწია წელში გარტობილ მათარას ..

— მოითმინეთ, ბატონებო, მოითმინეთ, დარწმუნებული ვარ, ორივე მეფის ერთგული ხართ და კარგი საშვალეა რომ ვერ გიპოვნიათ განსაცდელის თავიდან ასაშორებლათ, ფიცხდებით; მარგამ სიფიცხით ქვეყანა არავის მოუქამია... ასჯერ გაზომე და ერთხელ გასჭერიო, ნათქვამია ..

ყველა დადუმდა...

თავთავიანთ ფიქრებს მიეცნენ.

ბოლოს იულონმა იკითხა:

— მაშ რას არჩევ, სარდალო?

— ზევ შენი ციხის ახლო ჩამოივლის არჩილ... სულ ორი კაცი ეხლება, რადგან ნამალევათ მიდის საწერეთლოში... შეიძლება გაჰყვეს კაცი და სადაც მოსახერხებელი იქნება იქ...

სარდალი გაჩუმდა.

სხვებიც სდუმდნენ.


— რას იტყვი ამაზე, იულონ?...

— მე ვერ ვიზამ ამას და სხვა თუ იქმს, არც მას მოუწონებ... დაბალის ხმით უპასუხა იულონმა.

— წარმოიდგინე, სწორეთ შენ უნდა ქმნა.

იულონი ფეხზე წამოდგა.

სხვებიც ადგნენ.



— შენს მეტი არავინ გვყავს, შენ უნდა გვიშველო — ფეხზე ადგომის დაუმატა სენხიამ

— ახლა რაღა დროს უარია — წყრომით მიმართა იულონს სახლთხუცესმა.

— ასე ადვილათ ვერ გვეტყვის უარს — დაიქადა მესამე მობაასემ.

— რავა, ძალით მიპირობთ სახუნდარიდან კაცი მომაკვლევიოთ?..

— ასეთ სამსახურს თუ არ გაუწევს მეფეს, მაშ რად გიწყალობა უბრალო აზნაურს ციხე და მამული?

— ჯალათობა მამა ჩემს არ მართებია და ბაბუა ჩემს, მე რაღა დაბალი ღობე მნახეთ?!

— საიდუმლო გამოგეტყუე და ეხლა უარს გვეუბნები, სიტყვას ბანზე აგდებ?.. მრისხანეთ უპასუხა სახლთხუცესმა.

სამივე მობაასე ირგვლივ შემოერტყენ ყმაწვილს. ეტყობოდა, რაც ცბიერებით ვერ გააწყვეს, ძალით უნდოდათ მოეგვარებიათ. ყმაწვილი ცდილობდა თავიდან აეშორებია სამარცხვინო დავალებას. თუ გასჭირდა, ძვირათ დაუჯდნენ თავს, მაგრამ თუ სისხლი დავლვარე, რომც გავიმარჯვო, მეფის რისხვასთან მთელი გვარეულობის და შეიძლება სამისაც მტრობა თავს დამატყდეს... სულელურათ მოვიქცი, თავიდანვე შემეჩერებია.. ბავშური ცნობის მოყვარეობა...

— ნებით იქნება თუ ძალით შენ უნდა გადაგვარჩინო არჩილს — მოულოდნელათ დაარღვია სიჩუმე მესამე მობაასემ.

თითქოს რაღაცა მოაგონდაო, ყმაწვილმა სიხარულით წამოიძახა:

— ჯანი გავარდნია! — ხმალში გამოვიწვევ!

ყმაწვილის სიტყვები ადამიანის გულის ნადების დახელოვნებულ მკითხველთაც წრფელათ მოეჩვენათ.

— მაგარი მკლავი გაქვს, მუხლი გერჩის და თვალი გიჭრის, — შეაქო სახლთხუცესმა — მაგრამ ჯერ ნამეტარი ყმაწვილი ხარ, გამოუცდელი, შენ კიდევ იზრდები, არჩილი კი ბევრ ომ-ჩხუბის ნაქედი მომწიფებული ვაჟკაცია; ტყუილად ნუ ფიქრობ გაუმარდე... მერე რა უთხრათ დედა შენს, ჩვენც ღმერთი გვწამს და ქრისტიანები ვართ! — შენზე ულამდება და უთენდება... ერთად ერთ ნუგეშს შენ გიყურებს... ჩვენთვის კი, როგორათაც უნდა გათავდეს შებრძოლება, შედეგი ცუდი ექნება. ყველა იტყვის, აქ მეფის ხელი ურევიაო.. არჩილი ისე უნდა გაქრეს, რომ დაბურულ ტყის და მოღუშულ ცის მეტი არავინ იყოს მოწამე... თუ...

რაკი ყმაწვილმა ერთხელვე დათანხმების ზოგიერთი ნიშანი აჩვენა, სახლთხუცესი ძლიერ დინჯათ და ჩუმათ ლაპარაკობდა... იულონი მიუახლოვდა... მობაასეთა სიფრთხილვე ამან უფრო დაასუსტა: ყველა შეჯგუფდა და სახლთხუცესს დაუწყეს სმენა...

იულონმა ისარგებლა წამით, ისეთი შეჰკივლა—აუ! რომ შეაკრთო იქ მყოფნი: სახლთხუცესს სიტყვა გააწყვეტინა, გაფრინდა: გზა და გზა ჩოხის კალთები აიკაპიწა, ხმალი მოიმარჯვა და მესერს გადაეწლო.

მოხუცებულნი ჯერ სახტათ დარჩენ, მერე გამოეკიდენ, ლობეზე გადახტომა სახლთხუცესმა არ იკადრა: სარდალი გადახტა, მაგრამ რაკი სახლთხუცესი ჩამორჩენილი ნახა, მალე უკანვე დაბრუნდა; მხოლოდ მესამემ ერთხანს სდია.

იულონი შემოუბრუნდა და მიაძახა:

— ტყულა თავს ნუ შემაკლავ... მოიანგარიშე თუ მოსაგები არაფერი იყოს, თავიდან მომშორდი...

და მანაც თავი დაანება.

## 2

ჩქარი სიარული ფიქრმა შეუწეწლა, მიიხედ-მოიხედა და ისევ ჩაფიქრდა:

— ჯერ მეფემ არაფერი იცის, თორემ ისე სულელია, რომ დღეს წამორტოტლავდა რამეს... ცისკრიდან ვახლავარ... ხეირიანი სიტყვა რომ ვერ იპოვა, მუჯღლუგუნს მირტყამდა, ასე ნებავდა, გავერთე. დედა, რა საწყალი რამეა ეს ცოდვის შვილი!.. მეფე მაინც არ იყოს!.. ერთხანს იჩხუბებენ ეს სულ წამწყდრები... ერთმანეთს დააბრალებენ, არა შენ იყავი დამნაშავე არა შენო: არა შენ გაუშვი, არა შენ უნდა მიმხვდარიყავი, რომ უარს იტყოდო; მერმე იფიქრებენ, დააწყობენ გეგმას, მეფესთან წავლენ, მომიწვევს და ან ქურდულათ მართლა მომაკვლევიანებენ იმ კაცს, ან მე თვითონ გამრისხავენ სასახლიდან... არა! სჯობია სახლისკენ გავეშურო. მაინც დიდი ხანია აქ დავრჩი.. ყველაფერი ხელს მიწყობს სახლში წასასვლელათ... გამოთხოვებაც არ არის საჭირო... ვიტყვი, დედოფალთან შესვლა ვერ გავბედე ნაღონევი ვიყავითქო, ბატონს კი ნასადილევს გამოვეთხოვე, მაგრამ ყურადღება არ მომაქციათქო.. მეფეც არ გაამხელს, რომ თვითონ იყო რუსივით მთვრალი და დაიჩემებს კარგად მახსოვს როგორ მაკოცა ხელზე...

გზის პირათ ხის ძირში მკვდარსავით ეძინა იულონის მხლებელს თედოს.

— ადი! ადე! და იულონმა ფეხი ჰკრა. გიჟივით ფეხზე წამოვარდა.

— გეილეშე? შე საწყალო, თუ ნახე ღვინო, უნდა ბუზივით ჩეიხო შიგ. გეიქეცი და უთხარი ბარგი შეკრან, ცხენები შეკაზმონ, შინ მივდივართ.

— ახლავე შენი ქირიმე.

ბიჭი ძუნძულით მირბოდა და ფიქრობდა: ამას რაღა ბუზარიკა შროუძვრა—

გადირია ქვეყანა... მეც აზნაურიშვილივარ.. რავა, უფრო ღარიბი რო ვარ ღარიბი  
 ტომ მიგდებს?

- ერთი ახლა ლამაზი გოგო მოგვცა და ტკბილათ ჩაგვაკოცნია?
- შენ საცოლეს ესმოდეს, გაყურებებს სერს ..
- ვინ იცის, ძამია, ის ვის კოცნის? . ახალწლიდან აქ ვყრივართ და.. მართლა, კი არ გეხუმრები! დღეს წყალ-წითელასკენ ვიყავი... რაცხა ხმაურობა მომესმა... რაცხა ამბავი უნდა მომხდარიყოს... შევეჯდეთ ცხენებზე, გავიდეთ გაღმა, ავეყვით სერს და გადაღმა ისეთს ორ გოგოს წავაწყდებით, ვარსკვლავს ეთამაშებიან და მიწაზე ფეხს არ დგამენ .. თუ უჭირსთ— მოვეხმარებით, თუ არა და მოვიკითხავთ, ვეტყვით, უბედურება რამ შეგემთხვათ გვეგონა და მოსახმარებლათ გვახელთ-თქო .. იამებათ... გამოვეცნაურებით. .
- ვინ გოგოებია, ბიჭო?
- აგიაშვილის მელორის შვილებია.
- ჰო, მელორე კი არა, შე სულელო, აზატია ნამდვილი და თან იმ გოგოებს რომ უყურებ, შენ არ ჩამოგივარდებიან... თუ გეცენ, ქვეშ მოგიქცევენ...
- მასედაც იყოს .. ქვევიდანაც მოუხერხებ, ერთი ძუძუში მოჰკიდე ქალს ხელი, და მერე ლაფაშივით მოგეკვრება.
- ცივი ღომი პირს არ დაგწვავს...
- რას ბლანდავ, აზატიაო?
- რავა და კარგად... ის ადგილი წინათ მესხის ყოფილა; მესხი ამოწყვეტილა და მეფეს მიუცია აგიაშვილისთვის. მასაც აქ გადმოუსახლებია ერთი ოჯახი... მერე სამათ გაყოფილან... ხო იცი, ბატონის წყალობა და აქაური მიწის სიუხვე მალე გოუმავრებდა ზურგს. მესხები მუდამ ედავებიან... ორი ძმა მოუკლავთ. ეს ერთი დარჩა. მას შემოეხიზნენ დანარჩენი ძმების შვილებიც. ორი ქალისშვილი და ერთი პატარა ბიჭი... მოხუცის ძმისწულები არიან...
- სულ ერთია აზატია თუ მახატ, არ მეგეწონებათ თუ?.. ფილიპემ უღვაში გადიგრიხა და უნაგირს ხელი სტაცა... წავიდეთ...
- რამ გადაგრია. . ჩემი ცხენი ავით არის.
- ჯორზე შეჯექი...
- კაია შენმა მზემ! თუ გლახათ წვეიდა საქმე, მე უნდა მომბეგვონ— შენ კი ითოხარიკებ, რა გიჭირს?!
- დღეს თუ არა ზეგ იყოს...
- ზეგ .. მართლა ზეგ მარიამობაა: მეფეს წვეულება ექნება მეორე დღიამდის გასტანს... ჩვენც ჩვენებურათ წვეიქეიფოთ...

ასე ლაზღანდარობდენ წამოწოლილი ბიჭები, რომ თავს წააწყდათ თედო.

— თქვე, ოხრებო რომ გიძახით საღა ხართ?

— ერთი ბატონი შენ გამოგვიჩინდი? რომ ღრიალებ, რას ღრიალებ?— შეუტიეს ბიჭებმა:

— ჩქარა ადექით, თორემ გეოგებთ ვინცა ვარ...

— რა მოხდა, რა ამბავია?

— მივდივართ! ახლავე ბატონი შოგა! იჩქარეთ, თვარა, მე არ ვიყო დაშნა-შავე.

— ჩემი ცხენი ავთ არის...

— რა დაემართა?

— ყურები აქვს ჩამოყრილი, არაფერს ქამს...

— ბატონს არ გაუმხილო, თორემ წაყვანილთა წაგიყვანს და რტყმევილთა ბევრს გირტყამს, რა გენადვლება, სიარული იქნებ კიდევ მოუხდეს თუ მოსარჩენია, თუ არა და ჯანდაბამდის გზა ქონია... ჩქარა!

მათ ლაპარაკზე ორი ყმაწვილი კიდევ მოადგა ფაცხას

— სად დეიკარგეთ? ბატონი მარტო მობრძანდა, და თქვენ სად დეეთრეოდით?! — შეუცაცხანა თედომ.

— კაცო, სასახლეში ვიყავით, ბატონს სულ თვალებში უყურებდით... ერთი წამით მოვშორდით—სახლთხუცესის მოურავმა თითო ყანწი ღვინო დაგვალევია და მერე ვერსად ვნახეთ... სულ მოვრბოდით... ტყლიბი ჩავგაწყდა...

იულონმა ეკლესიის გაღავანში შეუხვია.

ხის ძირში საფლავის ქვებზე აქა-იქ ისხდენ მამა ესტატეს შვირდები: ზოგი გალობით დავითნს კითხულობდა; ზოგი ამოსაღებს იხეპირებდა; ორი კი მიმალულად გიღოს მჯდომი კოჭების თამაშით ერთობოდა.

ახალუხის ამარა, წვერ-ულვავ აბურძღვულმა მამა ესტატემ დერეფნის ჩრდილში მოვარჯიშე სამ დავაჯაკებულს შვირდს თავი მიანება და სენაკიდან ძლივს-ძლივს გამოსულ ფოსტალში ტიტველ-ფეხ გაყრილ მოხუც მეუღლითურთ იულონს მიეგება.

— კურთხევა მამაო.—მხიარულათ მიესალმა იულონი.

— გაკურთხოს უფალმა და სამას სამოცდა ხუთმა წმინდა გიორგიმ—მოწიწებით უბასუხა მღვდელმა.

— მამაო ესტატე... დღეს მივდივარ, ცოტა რამ ხაბაკი მრჩება—ცოტა შემინახე, დანარჩენი მოიხმარე... ფქვილია, ღვინოა—ახლა იმას ხომ არ წვეილებ სახლში.

— ახლავე, ბატონო, ახლავე... ქმრის მაგიერ უბასუხა ანასტასიამ, რომელ-



მაც აღარ იცოდა როგორ გამოეკვება თავისი ცხრა თუ რვა (თვითონაც ეშლებოდა რიცხვი: მგონი, ოცჯერ იყო ორსულათ—მრავალჯერ მუცელი მოეშალა და ზოგიც დაეხოცა) საკუთარი შვილი და სახელოვანი მგალობელის ოსტატ ქმრის აუარებელი შეგირდები.

— აბა, შვილებო, ეახელით ბატონს—მიმართა ესტატემ იქ მდგომ ყმაწვილებს.

ბავშვებმა იცოდნენ რას ნიშნავდა ეს ხლება, იცოდნენ რომ გზაში არა ერთს „ყლუნწსა და წრუპს“ უზამდნენ ღვინით სავსე ღოქს და თავ-ქუდ მოგლეჯილი აპირებდნენ გაქცევას, მაგრამ ცოტათი შერცხვათ, მოერიდნენ სახელი გაეტეხათ კეთილი დიასახლისის პურ-მარილისათვის და მწყობრათ უკან გაყვეს უფროსებს.

.....

იულონის მხლებლებს დასალაგებელი და შესაკრავი ბევრი არაფერი ჰქონდათ.

პატარა საბანი, რომელსაც ბატონი იმ იშვიათ შემთხვევაში ხმარობდა ღებათ, როცა ნაბადს გადაიხურავდა ზევით, ხურჯინში ჩასდევს, წელში ტამბაჩები გაიყარეს, ზურგზე თოფები გადაიგდეს და მზად იყვნენ.

კეცები ერთმა პაწია შეგირდმა აიღო ხელში; ტახტი სიცილით თავზე დაიდგა მეორემ; ფქვილი ანასტასიამ არავის დაანება-დამიბნევნო და ღვინის ღოქის ირგვლივ კი სამი დაულვაშებული ყმაწვილი ტრიალებდა, რომ შემდეგ მღვდლის გულ-კეთილ მეუღლის ბუზღუნზე „დალახვროს ღმერთმა ამ ბაღნების ეშმაკები, აკი გამინახევრეს ამოდენა კოკა“ ვითომდა წყენით ებასუხნათ „სადაური კოკაა, ერთი ნამცეცა ღოქიაო“.

მოხუცმა ცოლ-ქმარმა ლოცვა-კურთხევა უკვე გაათავა, მაგრამ იდგენ დაცარიელებულ ისლით დახურულ ფაცხის წინ, სანამ ერთხელ მიმაღული მგზავრები ისევ არ გამოჩნდნენ გადახრილ მხით ასხივოსნებულ შარა გზაზე.

(შემდეგი იქნება)



## ალექსი უსტიაშვილი

# „ღამუვილდი... ღამუვილდი“!!

ძღვნად ნ. ბ—ლს

ფიქრები ისე ერეოდნენ სამსონს, როგორც გამოქცეული ჯარი.

მისმა საქმემ ბევრ ქალს დაახლოვა იგი, ბევრის პირდაპირ მდგარა იგი, როგორც ეხლა, ბევრის მკერდი უნახავს ასე მოქანავე, მაგრამ არ ახსოვს, რომ ამ სანახაობას მისთვის ხატვის უნარი დაეკარგოს როდისმე

თითქოს ყველაფერი ჩვეულებრივად სწარმოებდა.

რბილ სავარძელში იასავით ამართულიყო ქალი და თვალები მისთვის მიეშტერებინა ეს ხომ ჩვეულებრივია. თვით ის სავარძელი, რომელზედაც ქალი იჯდა, არა ერთხელ შესწრებია ასეთს სტუმარს, არა ერთხელ გასწვრილებია მას გული ტვირთის ქვეშ. ამას მთელი ოთახის მოწყობილებაც ამტკიცებს. სხვადასხვა პოზად გადაღებული ქალი და მისი რგვალ ნაკეთიანი ტანი.

ჩვეული იყო სამსონი ასეთს სურათებს და ამიტომ უფრო უკვირდა თავისი მღელვარება და მოუსვენრობა.

მკლავები ჩამოიღო და იქვე ჩამოჯდა.

— დაილაღეთ?.. თითქოს გულუბრყვილოდ და ფრთხილად ჰკითხა ქალმა

— რასა ბრძანებთ?.. ჯერ ხომ არც კი მიმუშავია დღეს... სულ უსაქმოდ გავატარე მთელი დრო...

— იქნებ დღეს არ შეგიძლიანთ მუშაობა... მაშინ წავალ მე .. მე მაინცა და მაინც არ მინდა, რომ ჩემი სურათის ხატვა თქვენს სამძიმო შრომად გადაიქცეს...

— რასა ბრძანებთ... თქვენი სურათის ხატვა განა შეიძლება ვისმესთვის სამძიმო იყოს?.. ცოტა ჩამოვჯექ, რომ ზოგი ფერადი უფრო გავარკვიო... მე მგონი დიდი რამ სურათი უნდა გამოვიდეს... ჯერ არ მქონია მე ასეთი შემთხვევა...

ქალმა შენიშნა სამსონის დღევა და წასვლა დააპირა.

— არა... გამოცოცხლდა სამსონი, — მოითმინეთ... ერთი ნახევარ საათი კიდევ... მე შევუდგები საქმეს...

ტილოსთან მივიდა და მუშაობა განაახლა.

ხუთი წუთი.

ღმერთო, რა გრძელია ეს დრო!.. კარგი იქნებოდა, რომ წუთები დაებატა-რაგებინათ.

სამსონი ხედავდა, რომ არა გამოდიოდა რა მისი კალმიდგან, ფერადები თითონვე ერეოდა და ტილოზედაც სულ სხვა, რაღაც მომბებზრებელი ფერები გამოდიოდა. მას არასოდეს არ მოსვლია ტილოზე ბრაზი, მაგრამ ეხლა დიდს სურვილს გრძნობდა, რომ აეზიდა იგი მაღლა ჩარჩოებიანად და გამეტებით დაენარცხებინა ძირს, ფეხით გაეთელა.

ან განა შეიძლება კაცი ისე გასულელდეს, რომ ამ ათხუნული ფერადებით მშვენიერების დახატვა, სულის მღელვარების გამოთქმა განიზრახოს!.. რა სისულელეა... ან რატომ აქამდე არ უფიქრია ეს?.. ნუ თუ ასეთი დაბრმავება, ასეთი გარადავება ვერ შეამჩნია თავის თავს?!

ათი წუთი.

ოჰ, ეს წუთები!.. ასე გრძელს განა საქმის კაცი მოიგონებდა?.. უსაქმოთა ნამოქმედარია საათის სამოც წუთად დაყოფა...

და რაც უფრო ემატებოდა წუთებს წუთი, ერთი ათად ირეოდა სამსონის სისხლი, ერთი ათად ეზრდებოდა ფერადების უკმაყოფილება.. მას კი, სწორედ იმ ხელზე, რომელიც ასე უშნოდ და უსაქმოდ ატოკებს კალამს, მისჩერებოდა ორი პროექტორი ვნებისა, ორი რენტგენის სხივი, რომელიც ასე აშკარად ხდიდა ქალისათვის მისი გულის ტრფიალს...

რა უბედურებაა!.. ოთახში მხოლოდ ორნი იყვნენ, მხოლოდ ორნი და ასე ჩუმად, ასე უხმოდ შესცქერიდნენ ერთმანეთს! რა სისულელეა მხატვრობა, რა სასაცილო!..

სავარძელზე ოდნავ გადახრილიყო. აბრეშუმის დარაბებს ვნების ზვაგები მოსწოლოდნენ მკერდზედ. დეკოლტეში ვნებით გაჟიებული გული რძის ფერად აწეულიყო და რგვლად, უნასკვოდ უერთდებოდა მოღერილს კისერს. მშვიდად სუნთქავდა. და ამ სუნთქვასთან სამსონი საოცნებოდ ქანაობდა ზღაპრულ ჰაშაკში.

ვით ცთომილი ვარსკვლავი—გაშტერებით მისჩერებოდა სამსონს თვალების ზღვა...

ბაგენი?.. რა ფერადი, რა კალამი გადაიღებს მათ ამ მშრალ ტილოზე... განა ეს პირუტყვი ფერადები შესძლებენ ამას?!

და იჯდა იგი დაჟინებით, ჩუმად, თითქოს განზრახული აქვს რადიკალურად გამოსცადოს სამსონის ნერვები. ხან ღიმი დაჰკრავდა ნიავეით სახეზე—აღბათ თა-



ვის თავს თუ წარმოიდგენდა ტილოზე გადატანილს და სიამოვნებისგან ილიმებოდა... რატომ მას კი არ უნდა ჰქონდეს უფლება დასტკებეს თავისი სიმშვენიერით!..

ეს კი სამსონზეა დამოკიდებული... ჰმ! სამსონი ეცდება მთლად შემოიკრიბოს თავისი სასიცოცხლო ძალები და შესძლოს სურათის შესაფერად შესრულება. მხოლოდ ეს არის, რომ ეხლა არ შეუძლიან მუშაობა. ეზარება. არა, არც ეზარება. პირიქით, ასეთი ენერგია არც კი ჰქონია სხვა დროს... თუ გაცივდა სადმე და ავადა—მაგრამ სად გაცივდებოდა, რომ ეს რამდენიმე დღეა არსად გასულა, სულ რაღაც შფოთაში გაატარა, მოძრაობაში... და უკვირდა, რომ დარბაისელი სამსონი გიმნაზიელის მდგომარეობას განიცდიდა.

ოჰ, ვინც ეტყვის თუ რას ფიქრობს ეხლა ეს ქალი... ვინც იმის გრძნობას გააცნობს—იგი ბედნიერად აღამიანად აქცევს სამსონს... ან... რა საჭიროა სხვა ვინმე... ვანა თითონ სამსონმა არ იცის?.. რამდენ ქალს გასცნობია თავის სიცოცხლის გზაზე და რაღა სხვისა სწავლა სჭირია... რას იფიქრებს? ქალია... თუმცა ქმრიანია, მაგრამ, როდესაც ამ მუნჯ სურათების ყრილობაზე იგი tête-à-tête არის ვაჟთან...

თავი მაღლა აიღო და წუთით თვალები გაუსწორა.

— უეცრავად... თუ შეიძლებოდა ეს თავი ცოტა მაღლა... უთხრა, მაგრამ ისეთი გაბზარული, ყრუ ხმით, რომ ქალმა თვალები დააშტერა გაკვირვებით.

— აი... ასე... მივიდა სამსონი ახლოს, ხელი აიღო მისი, ვითომ მართლა გასწორება სურს პოზისა, მაგრამ მოულოდნელად გადააწვინა თავის მკლავზე და მიიკრა მკერდზე ..

და რომ დისონანსი არ შეეტანა ქალს სამსონის გრძნობათა აკორდებში—ტუჩებით დაუბეჭდა მთრთოლავი ბაგე...

თამამად, ვით მოთამაშენი სკეტინგ-რინგის ხეივანებში, თანხმობით შესცურდნენ კოცნის ჩრდილებში ..

.....

— მე შეგონა რომ ეს სიურპრიზი შენთვის დიდად გასახარი იქნებოდა...

— დიდად გასახარიც არის, მაგრამ...

— რა?..

— არა... მშვენიერი სურათია... დიდებული... ვერც კი წარმოვიდგენდი, რომ ბ-ნი სამსონი ასეთი ნიქის პატრონი იყო... თუმცა მინახავს მისი სურათები, მომწონებია კიდევ, როგორც ხელოვნების შედეგები... მაგრამ ეს სურათი ყოველგვარ მოლოდინს აჭარბებს...

-- ხო და მაშ რიდას უკმაყოფილო უნდა იყო...

— მე არა ვარ უკმაყოფილო...

წუთით ჩრდილი მიადგა სახეზე. გაიარა მივიდა სურათთან და დააკვირდა.

— წუხელის ყველანი აღტაცებაში მოვიდნენ... თანაც შენმა გაკვირვებამ უფრო მეტი ცნობის მოყვარება აღუძრა სტუმრებს. . სანდრო აღტაცებაში იყო, ყველას უამბობდა მხიარულად როგორ მოვაწყეთ შენს უჩუმრად, რომ შენი დღეობისთვის ასეთი საჩუქარი მომეძღვნა შენთვის. . მხატვარმა არაჩვეულებრივად შეასრულა თავისი საქმე...

— ჰმ... მართლაც რომ მშვენიერებაა...

ქალის სხეულივით რბილს, ძვირფას ტყავებში იკარგებოდა ტანი. მხოლოდ მკერდი და თავი მოსჩანდა როგორც მობანავე გედისა...

თავმოყვარეობა და სიამაყე გოროზად უვლიდა მთელს სხეულში, რომ ასეთი დიადი რამ, თვით დედანი ამ სურათისა მისია, მისი საკუთრება.

ის შესცქეროდა მათრობელა თვალეებში, ღიმილი რომ დაჰკრთოდა, აწამებულს საითკენღაც მიიწევდა, თითქოს აღარ სურს ჩარჩოებში ყოფნა და ვისიმე მკერდზე მიწებება სწყურიან... გულიც აშკარად ერხეოდა, ისე შემოსჭიმოდა ხალათი მკერდზე... ანთებული საფერთქვები მოძრაობდნენ, სუნთქავდნენ და შუბლზე რაღაც ნისლი, სიტკბოების ფერები დასთამაშებდნენ...

რევაზი შესცქეროდა სურათს და თვალს ვერ აშორებდა მას. იგი გრძნობდა მშვენიერებას ხელოვნებისას და მის განცდაში ეხვევოდა, იმოსებოდა.

მის წინ სადა ჩარჩოებში და სუბუქ ბეწვებში ტივტივებდა ქალის ბიუსტი როგორც კუნძული. რამდენი გიჟური წუთები გაუტარებია მასთან ასე თავგამოდებით, რომ ეღიმება ეხლა. რამდენჯერ დახუჭილა ეს თვალეები უარეს ბედნიერების განცდაში, ჟრჟოლაში... რამდენჯერ გაუფერმკრთალებია ეს მკერდი ქარვამდე განუწყვეტელი ამბორით... ეხლა ის ისევ ისეთი მიმზიდველი, ისევ ისეთი ქალწული მოძრაობით ეძახის მას, იხმობს...

და მთელი სურათი რაღაც საკმეველისებური ნისლით ორთქლავდა, მოძრაობა ემჩნეოდა ყოველ ნაკვთს...

რევაზი გრძნობდა, რომ ეს არ იყო ჩვეულებრივი სურათი, ჩვეულებრივი პორტრეტი, რადგან მასში რაღაც იდუმალი, ფარული სულიერი ნახაზობა იყო ჩართული. რა ნახაზობა იყო იგი—ვერ გამოერკვია, თუმცა კი აშკარად გრძნობდა, რომ იგი უეჭველად საერთოდ ადამიანის ერთ ერთ განცდას, ერთ ერთ მდგომარეობას გამოხატავდა, რომელიც ასე განუმეორებლად, ასე თავისებურად აღბეჭდილა ნინოს სახეზე, მის ბაგეთა მიდამოებში...



აზროვნება შეუფერხდა და რაღაც ნიაჲმა შეარხია ქველი მის ძარღვეში. ეს ნიაჲ სურათიდგან წამოვიდა, მისი სუნთქვის მზგავსად და თბილად, მორფის შხამად დაუარა ტანში.

— მშვენიერი ხარ, ჩემო ნინო... მშვენიერი... წაილულულა რევახმა და ჩაიხუტა გულში ნინო, თითქოს ვინმე ართმევდეს მას, თითქოს ეთხოვებოდეს სა-  
მუდამოდ...

.....  
ორი კვირაა, რაც რევახის გრძნობამ გაარღვია გონების ზღუდეები და სიმ-  
შვიდის ველებს დააშორა იგი. ორი კვირაა, რაც ნინოს სურათი მის წინ არის და-  
კიდული პირზე ღიმილთ და თვალეზე ვნებიანი ხახებით. მისი სული აშრიალდა ზა-  
ფხულის ტყესავით. შორს, მისი გრძნობების ჰორიზონტზე, ქაობებში ფუთფუთი  
დაიწყო მიძინებულმა ელამმა იქვიანობამ და ფერმკრთალი ლანდები გამოეხმაურ-  
ნენ გარშემო.

— რა გემართება, რევახ?.. ორი კვირაა მე შენს სახეზე ღიმილი არ მინა-  
ნახავს... ვნება აგეშალა, ხან გიყს ემზავსები...

ჰმ!.. ორი კვირაა ასეთი ცვლილება ნახა რევახში და აქამდე არ შეკითხე-  
ბია, თითქოს არც კი ამჩნევდა. მაშ ნინო კი წინანდელი ნინოა? არა, ეს ის ნი-  
ნო არ არის, რომელსაც მისი სახის უბრალო ნაღველიც კი ასე აშფოთებდა, ასე  
აღელვებდა. ყველამ შენაშნა რევახის ცვლილება. ცხადია, ნინოც შენიშნავდა,  
მაგრამ რად იყო აქამდე ჩუმად?..

ნუ თუ ამის პასუხს არ ეუბნება მას სურათი ნინოსი, რომლის თმებში მი-  
ბნედილი ვნება ასე ჩაქსოვილა ვით მატარებლის ბოლი ხშირ ტყეში?!

— რად დაჩუმდი?..

— არა, ჩემო ნინო... მე რაღაც ცუდათ ვარ ამ ბოლო დროს... საღამოზე  
სიცხეს გავიზომავ... მე არ მინდოდა შენ გაგეგო, რომ არ შესწუხებულებიყავი...  
მაგრამ არაფერია... ოოხხ... ამოიოხრა და გაიარა.

— დღეს სხვათა შორის მხატვარი სამსონი შემხვდა ქუჩაში... ძალიან გაეხარ-  
და ჩემი დანახვა... მითხრა, სულ იმის ფიქრში ვიყავი ან შენ შეგხვედროდი ან  
რევახსო... ჩემი ნახატის ნახვა მომწყურდა... ნება მომეცით თქვენსა მოვი-  
დეო ..

— ხომ სთხოვე...

— როგორ არა... შემოვივლიო...

— ჰმ... „სხვათა შორის“... „სხვათა შორის“... ეს სიტყვები რომ წარმო-  
სთქვა, თითქოს სცდილობდა დაენახებინა რევახისთვის, რომ მართლაც სხვათა შო-  
რის მოიგონა ეს ამბავი...



— მკითხა, სად გიკიდიათო...

— შერე?

— რევაზი ჯერ არსადა ჰკიდებს მეთქი... ალბად არ მოსწონს... მონხარული ვიქნები მასთან ვიბაასო და მისი აზრი მოვისმინოვო...

რევაზი მისჩერებოდა გულუბრყვილოდ მოლაპარაკე ნინოს.

— შერე... მე რომ არც ვაჩვენო და არც ველაპარაკო სურათზე?..

— რატომ...

— რა ვიცი... სულელი ხალხია... ქება უყვართ...

— უცნაურად ლაპარაკობ...

— მე, ჩემო კარგო, სულ ასე ვლაპარაკობ... ვერავითარ ცვლილებას ვერ ვამჩნევ ჩემს თავს... შენ კი ჩამციებიხარ ეხლა, რომ ეს ორი კვირაა გამოიცვალეო..

— შენ იქნებ ვერ ხედავ...

— არც ერთს ამხანაგს... არავის არ უთქვამს ჩემთვის...

მამ იქნებ შეცვლილმა, გონ-ამღვრეულმა ნინომ სხვაც შეცვლილად დაინახა?.. თუ ასეა, ხომ გასცა თავი... ხომ საშინელება დატრიალდა მის თავს!...

სისხლი სახეში აუვარდა.

რევაზმა შენიშნა ნინოს სიწითლე და მიტრიალდა... ნეტავ იცოდეს მაინც რევაზმა თუ როდის უფრო წითლდება ადამიანი, როდესაც ის მართალია თუ როდესაც სტყუის იგი... ეს რომ იცოდეს, რა სწრაფად გადასჭრის საკითხს!.. მაშინ აშკარა იქნება თავხედი ხაზები სურათისა, ასე რომ სჭრიან მის თვალებს და ისიც ასევე აშკარად იმოქმედებდა ..

— რევაზ... შენ... ნუ თუ შენ იქვიანობ?..

— მეც არ ვიცი რა შემართება... მეც არ ვიცი რა მომდის...

— მითხარი რევაზ... გამოსცადე შენი ნინო... მკითხე... რა გაწუხებს...

სთქვი...

წუთით შეჩერდა.

— არა... ჯერ ვერას გეტყვი... მაპატიე... მაპატიე... და ამღვრეული სასტუმროსკენ გაეშურა...

.....

საღამო. დაჩადრულ ოთახში შავი ჩრდილები. ფანჯრებზე ლეჩაქნაირი ფარდები უძრავად ჰკიდია, როგორც თავჩამოხრჩობილი. სურათები ჯვარზე გაკრულმსავით გადმოხრილან კედლიდან. უდაბნოს სიჩუმე.

ძილის ფერ ოცნებაში გართული ნინო უძრავად იჯდა საფარძელში— ისევე

უძრავად, როგორც თვით სავარძელი. ფიქრები ისევე დაბნელებოდა როგორც ეს ოთახი და ვერ არჩევდა ვერაფერს. მისი გული გრძნობათა ჩრდილებში ჩამალულიყო, არა სჩანდა, ვერ პოულობდა მას. და ასე, ამ ბნელაში, ამ ჯურღმულში იგი ხელებს აფათურებდა, რომ ეპოვა გამოსავალი, დასაწყისი აწეწილი ხაზებისა, მაგრამ უძრავ კვანძებში და რგოლებში, მათს განუწყვეტელ მოძრაობაში იგი იკარგებოდა, ირეოდა.

აი ეხლა, ამ წუთს ზარი დაჰრეკს. უნდა მოვიდეს სამსონი - მისი ასანთი, მისი რაინდი.

რად?... რისთვის?..

განა რევაზი, მასავით რომ არის ჩაფიქრებული სურათის წინ თავის კაბინეტში, დასთმობს რასმეს?... მერე რა შხამიანი ენა აქვს, რა მკბენავი!.. ვის არ დასუნთქავს მისი სიტყვა და ღიმილი, რისხვით გამოწვეული!..

დასთმოს რევაზი? დასთმოს ადამიანი, რომელთანაც იგემა სიყვარულის პირველი სიტკბოება, რომელთანაც გაიარა ცხოვრების გზა. ასე ხანმოკლე, მაგრამ ასეთი ფეროვანი.. ვერა, ვერ დასთმობს... დე, სამსონმა იაროს მასთან და მოითხოვდეს მისგან შესაფერ პასუხს... იგი ჩაიკლავს გულში ამ დიდს გრძნობას და სამსონს აიძულებს მოშორდეს მას...

მაგრამ ერთი რამ აინტერესებდა ნინოს. მას ვერ გაეგო საიდან დაიბადა იქვი რევაზისა, რა გახდა მიზეზად მისი შფოთვისა. აქ იგი ვერაფერს ვერ ასკვნიდა, ვერაფერს ვერ არკვევდა, ვერ ხედავდა იგი თავის სურათში რამეს საამისოს და ან სურათმა განა რა უნდა უთხრას ისეთი? იგი კმაყოფილი იყო სურათისა, რადგან ხელოვნურად არის შესრულებული, უდარი, მაგრამ განა ხელოვნების საუკეთესო ნიმუშმა ადამიანს გონჯი, კუხიანი აზრები და გრძნობები უნდა აღუძრას!? მაშ რამ გალესა რევაზის გონება, რა იცის?

თითონ, თვით ნინომ კი იცის?..

ისე გმირულად, სრულიად მოულოდნელად დაეკონა მკერდზე... არა ახსოვს რა მას — გრძნობდა მხოლოდ, რომ რაღაც უდიდეს სიმხურვალისგან იგი გალხვა, როგორც მავთული და რეზინისავით მოიქნა, დარბილდა მისი სხეული სახსრებში... იგი გრძნობდა მხოლოდ ხავერდის კოცნას ტუჩებზე, მკერდზე, ხელებზე, ასე რომ ეწებებოდა, ებმოდა. ახსოვს მხოლოდ, რომ რაღაც იდუმალმა, უძლევე ძალებმა იგი აიტაცეს საოცნებო ლიფტით მაღლა, მაღლა მდუმარე ღრუბლებში და იქ ვნებით დაორთქლილი ტუჩები და სხეული ვიღამაც დაჰკოცნა, ვიღაცამ დასრისა ძალუმად...

და მთვრალი, დათენთილი, როგორც აბრეშუმის ნაქსოვი, იგი დაბრუნდა



შინ... მას აქეთ სულ ბრუნაშია იგი, თითქოს ოპიუმის ზანტი ომხივარი უკლიდეს ტანში...

რა ჰქნას, როგორ შეაჩეროს კარზე მომდგარი უბედურება!...

რევაზი იქვიანი გამოდგა. სრულიად უმიზეზოდ დაიწყო მისი ეს ავადმყოფობა. უმიზეზოდ, რადგან ნინომ რამდენჯერმე გადააქოთა მთლად განვლილი დრო და ვერა ნახა რა ისეთი, რასაც იქვის აღძვრა შეეძლოს. ნინოს არც უნახავს მას აქეთ სამსონი. სურათი კი უფრო მუნჯია, ვიდრე ის კედლები, რომლებიც მოწმენი იყვნენ მისი ღალატისა. ცხადია, უმიზეზო იყო რევაზის ცვლილება, ავადმყოფური. ვერ მიმხვდარიყო რევაზის იქვიანობის მიზეზებს და მით უფრო სურდა მოსულიყო სამსონი, რომ ლაპარაკში მაინც გაეგო რამე.

ყრუდ გაისმა ზარი, როგორც გაპარტახებულ სასახლეში კარის ხმაური. ნინო ზმორვით წამოდგა და ელექტრონის ღილისკენ წაიღო ხელი. წუთიც და სიბნელემ ფანჯრებისკენ დაიხია.

— მობრძანდით!.. მიიწვია.

ცეცხლის მფრქვეველი თვალები და ღიმილის წამები ტუჩებზე... გოროზი სვლა...

— დაჯექი.. თ... მიიწვია სავარძელზე

რევაზსაც დაუძახეს.

— მე გაიხელით, რომ ჩემი სურათის ბედი გავიგო და თქვენი საერთო აზრიც მოვისმინო.

ნინომ მიატოვა ისინი.

— უნდა გითხრათ, რომ სურათი ხელოვნურად არის შესრულებული...

— არის ხოლმე ხელოვანის ცხოვრებაში წუთები, როდესაც მთელი თავისი სიძლიერით გამოჩნდება შემოქმედება და აღტაცება.. გაქანებას აღარ აქვს საზღვარი... ფერადები, სხვა დროს, რომ მათ შერჩევაში ვწვალობთ, თავისთავად იქმნებიან... მაჯა მხოლოდ ემორჩილება რაღაც სტიქიურ ძალას... და ამნაირ არაჩვეულებრივ წვის შემდეგ შენ თითონ გიკვირს თუ როგორ მიხვდი და ესა თუ ის ფერი ასე ლამაზად როგორ შეუფარდე სინამდვილეს... ეს იშვიათად ხდება ჩვენს ცხოვრებაში ასე ღრმად, ასე სრულად... იშვიათია ქარიშხალი ისეთი, რომელიც ტაიფუნით დაივლის არე-მარეში... იშვიათია მიწის ძვრა ისეთი, რომელიც სულ ძირიანად აბრუნებს ცხოვრების სახეს... ასევე იშვიათია ხელოვანის ცხოვრებაში წუთები სრული, ჭეშმარიტი შემოქმედებისა... ჩემი სურათი, თქვენს განკარგულებაში რომ არის, სწორედ ასეთს არა ჩვეულებრივ შემოქმედების პროცესში შეიქმნა. ის სურათი ჩემი ნაწილია, ჩემი იშვიათი აღტყინების, იშვიათი დნობის ნაყოფია და... დარწმუნებული ვარ არ გავიკვირდებათ, რომ მისი შეხედვა მომენა-

ტრა... თანაც ადგილი, სადაც ის სურათია დაბინავებული, ხალხი, რომელიც მას შესცქერის მუდამ—ისევე მაინტერესებს, როგორც აინტერესებს მშობლებს ის ოჯახი, რომელიც იმათ ერთად ერთს შვილს მიიბარებს...

— მე დარწმუნებული ვარ, რომ ეგ სურათი იშვიათი ნიმუშია მსოფლიო მხატვრობაში... და ვგრძნობ როგორი სამძიმო იქნება თქვენთვის, რომ ეგ სურათი თქვენს ოთახში არ არის...

— დიახ... ეს უდიდესი უბედურებაა მხატვრის ცხოვრებაში, რომ იგი იძულებულია ასე მოიქცეს... არის ხოლმე შემთხვევა, როცა საკუთარ თავს აღარ ენდობი და იქვე გეპარება შენს ნიჭიერებაში... ამ დროს საშინელებაა პირდაპირ ჩვენი ცხოვრება, მოწამლული... ხან მზად ხარ მთელი სახელოსნო ცეცხლს მისცე, გაანადგურო... მაგრამ, როდესაც შენი იშვიათი შესრულება შენთან არის — ასეთი წუთები უნაყოფოა და უშედეგო... მეტადრე თქვენი მეუღლის სურათი...

„თქვენი მეუღლის“... ძლივს გაბედა ამ სიტყვების წარმოთქმა. რა გამოცხადება მუდამ ფრთხილს და დაკვირვებულს რევაზს!..

— ერთი მითხარით, ბ-ნო სამსონ... შეგიძლიანთ თქვენ დახატოთ მაგალითად მუხა ქარიშხლის დროს და ნამდვილად კი არ გენახოთ იგი იმ წუთს... საერთოდ ვიტყვი, შეგიძლიანთ გამოხატოთ ისეთი მდგომარეობა სულიერი, რომლის გამომეტყველება, ასე ვსთქვათ, გარეგანი გამოხატვა არ გენახოთ არას დროს?..

— რასაკვირველია არა... მაგრამ ხშირად რომელიმე ასეთს შთაბეჭდილებას ჩვენ შეუმჩნევლად ვიხსომებთ, ხოლო იგი შემოქმედების დროს გამოჩნდება ხოლმე.

— მაგრამ ხომ მაინც ნანახი უნდა გქონდეთ...

— რასაკვირველია... მაგალითად შიშის გამოსახვა, გამოთქმა ძნელია და არც შეიძლება, თუ არ შეისწავლე... არამც თუ საერთოდ—ინდივიდუალურადაც კი, რადგან ყოველი პიროვნება თავისებურად გამოსთქვამს ყოველ განცდას...

ააა! ტყუილად კი არა სთქვა რევაზმა, რომ მხატვრები სულელი ხალხია... რომ იცოდეს სამსონმა რაშია საქმე, ხომ არც ერთ წუთს არ დაეთანხმებოდა!.. მაგრამ—არ იცის... იღბალიც ეს არის სწორედ, რომ სამსონის წინდაუხედაობამ რევაზის იქვები გაამართლა.

იღბალი? ნუ თუ გასახარია ის, რაც რევაზმა დაინახა ეხლა? რევაზმა ტკივილი იგრძნო გულში, ღრმა ტკივილი.

— წამობრძანდით... მოულოდნელად წამოდგა რევაზი და გაიწვია მხატვარი.

— მე სწორედ მაგას ვიძახდი ყოველთვის, რომ არ შეიძლება ტილოზე გადმოტანა იმისი, რაც არ მინახავს... მაგალითად ჩემი სურათის დახატვის დროს რა-

მე განცდის გამოსახვა თუ გსურთ—ჩემს სახეზე უნდა ნახოთ, რომ ტიღობა დავიღობე ჩემი სურათი იყო...

კაბინეტში შევიდნენ. სამსონს ეუცხოვა რევაზის უცნაურება. დაკითხვა, თითქოს გამოძიებელი ჩვენებას ართმევდეს, მოულოდნელი მოძრაობა...

რევაზმა გამსჭვირვალე კაბას გადასწია და უკან დაიხია. ორივენი სდუმდნენ კარგა ხანს.

ორივენი შესცქეროდნენ სურათს უხმოდ, ცალ-ცალკე თავის ფიქრებში, საკუთარ განცდაში წასული. რევაზი ხშირად გადახედავდა სამსონს, თითქოს სურს დაიჭიროს მისი სახის კუნთების კრთომა, გამოხედვა. სამსონი კი შესცქეროდა უძრავად, გათანგვით, როგორც ბუდას მლოცველი, რამ სასწაულს რომ მოეღის.

ჰმ!.. ნაცნობი ღიმილი, ის ნათესაური იერი... ახ, რა ლამაზი, რა ვნებიანი იყო ნინოს გამოხედვა!.. ღიმილი, ასე რომ ჩაჰქარგოდა მთელ მის სახეს... ეს ის ღიმილია, ცოფისავით რომ დაბნინდა იგი, მის მკლავზედ რომ ესვენა და შესცქეროდა მას... ეს ის ტუჩებია, მისკენ რომ იწევენ საამბოროდ... მკერდი - ფერფლივით რბილი, სუბუქი, ასე რომ დაათრო სამსონი, ასე რომ გააღწო... ღმერთო, რა წუთები იყო, რა წუთები!.. ეხლა, ეხლა ისევე ჰფეთქავს, ირხევა, რომ მიკიდეს სამსონი და ჩაეკონოს, დაეუფლოს... ეხლაც ეძახის ..

ღარეტიანებულისავით შეინძრა სამსონი და მარცხნივ მიიხედა, საიდგანაც ორი გაღვიებული რკალი შესცქეროდა მას, თავზე ხელი გადასვა და ამოიოხრა.

— გამოერკვიეთ?.. მძიმედ შეეკითხა რევაზი.

სამსონი მიხვდა ყოველივეს. ეხლა, ამ წუთიერი თავდავიწყებიდან რომ გამოერკვია, მან იგრძნო რომ სურათში ბევრი ისეთი რამ გამოჰრევა, რაც მას სამუდამოდ გადამალული უნდა ჰქონოდა მიუვალ ადგილს. ეხლა გაიგო სამსონმა აზრი რევაზის შეკითხვებისა და იგრძნო, რომ გასცა თავი და გასცა ისე, რომ უკან დასახევი გზა აღარ სჩანდა. ეს იმ ნინოს სურათია, რომელიც მის მკლავზე ესვენა ცეცხლმოდებული, გიჟი, და არა ის, რომელიც გულუბრყვილოდ შესცქეროდა სავარძლიდან მხატვარს... ეს ვერ შენიშნა გატაცებულმა სამსონმა და ვერ აიცილინა თავიდან...

— ჰა?... უაზროდ შეეკითხა სამსონი.

— დიი-აახ... მოკლედ, და მტკიცედ უპასუხა რევაზმა.

და წუთით გაჩერდნენ ერთმანეთის წინ, როგორც სარკესთან. ერთმანეთს შეხედეს გამეტებით, როგორც ორმა მეტოქემ, პირველად რომ შეხედებიან ერთმანეთს რევაზის შემდეგ. რას ფიქრობდნენ?... უძრავად იდგნენ და შესცქეროდნენ თვალებში. ერთმანეთი იცნეს, მაგრამ როგორ უნდა მოჰქცეოდნენ ერთმანეთს ამიერიდან, ან როგორ გადასწყდებოდა ნინოს ბედი—აი რის გამოსარკვევად

დააკვირდნენ ერთმანეთს. იგრძნეს კი რომ ორივენი ამაყნი იყვნენ, მტკიცენი და თამამნი ..

შუა დღე. მზე ისეთი თავისუფალია და ნათელი, როგორც ბავშვის თვალები. ცა გათანგული ტბის კანისავით გალურჯებულია და სახიდგან ყოველგვარი ლაქა განუშორებია. იგი საზეიმოთ მოკრიალებულია და მისი გვირგვინიც დიადად ბრწყინავს, როგორც ძვირფასი თვალი მშვენიერი ასულის მკერდზე. ცეცხლი და ვნები თავალებით დასწაყებია დედამიწის გულმკერდს და ენერგია გახელებულია სისხლის ჩანჩქერით. გამთბარი ნერვი იზმორება და განცდისაკენ იჭიმება ასათრთოლებლად. ოფლიანი გონება სრულიად დამონებია გულს, ოცნებას — ისევე მრავალსახიანს, როგორც თვით მზე — და იზღაზნება იგი გაბედულად ამოდრავებულ მკლავის-ქვეშ.

სამსონის სამუშაო ოთახში მზეს ბალეტი აქვს. ხალებით მორთულს ესტრადაზე, ხავერდის რბილ ბალიშებში გველივით გაწოლილა ქალი, თმა გაშვებული, შიშველი. გამსჭვირვალე საბანით განუზრახავს დამალვა რგვალი სხეულის, მაგრამ საბანს ვერ მიუღწევია ამ მიზნისთვის, რადგან ტანი უფრო რგვალი, უფრო მიმზიდველი ხდებოდა. ვილაცას იწვევდა სიტკბობით მისი იშვიათი მკერდი, ასე რომ ჰფეთქავდა, თითქოს ეს არის ეხლა მოსწყდა ამბორი ..

თავი მალლა აიღო და ჟინიანი ღიმილით წარბი შეარხია. წაბლის თმების ჩარჩოში მის სახეზე ამღვრეულიყო ეს ღიმილი და თვალებს გამსჭვირვალე წამებად დასხურებოდა.

მზის გაგიჟებული სხივები ფარდის უზორებად დასხმოდნენ ზედ და მთელი სხეული ვარდის ფერად იზმორებოდა. მზე აწუხებდა მას, მაგრამ ასე უნდა დარჩეს იგი, რადგან ასე უფრო ძლიერდება მისი სისხლი, უფრო მკაფიოდ ირჩევა მისი მკერდი... იდუმალი, ქალური ძალები უფრო ნათლად გადმოსკდებიან მზით გაღიზიანებულნი. ხალებიც ისე ეალერსებოდნენ მას, რომ მათი ანარეკლი სხივები უფრო აღიადებდნენ იფანივით მოქნილ ტანს...

მას არ ეცვა ისტორიული რამ სამოსელი, თანამედროვე ქალი იყო, თანამედროვე სამოსელში შეხვეული.

თეთრ წინსაფენში გამოწყობილი სამსონი თავდავიწყებით ჰფერავდა ტილოს. ის აღტაცებული იყო. წინდაწინვე დარწმუნებულია იგი, რომ ეს ახალი სურათი სამულდამოდ მოჰფენს მის სახელს ამ ქვეყნად და მხატვართა შორის მას შესაფერადგილს მიანიჭებს...

„ვნების ხაზები გაზაფხულზე“ — ასეთი წარწერა ექნება სურათს. ოო, ის დაანახევებს ქვეყანას, მთელს სამყაროს რომ სამსონისთანა ნიჭი იშვიათია, არა

ბუნებრივი.. ის ისე მოხზავს გაზაფხულის ვნებიანობას აი ამ ტანზე, მაცდურად რომ გაწოლილა ესტრადაზე, ისე გამოსთქვამს ამ გზების წერტილებს, რომ უწარწეროდაც იგრძნობს ყოველი გაზაფხულის ავისისხლიანობას და უთქმელად დავითვრება, დაიკარგება. მზე, მზე შუადღისა საკმაო ცეცხლს აწვდის ამისთვის და დამდნარი მისი ძარღვებიც ფეერიულად გადიშლება სახატავზე. იგი თვით ამ ქალს დაანახევებს, რომ სურათი მისი მაზედ უფრო წარმტაცი, უფრო გიჟური იქნება, უფრო ვნებიანი და ძლიერი. მას თან არ ექნება მზე, ასე რომ აელვებს მას. სურათს კი სამუდამოდ დაჰყვება თან სხივების შადრევანი, რომელშიც ბანაობს იგი ასე ზღაპრულად.

სიჩუმე იყო და ამ სიჩუმეში იწვოდა სამსონი ფერადების ალში და დამდნარ სხივებში. და ისე იყვნენ გართულნი, რომ მეზობელ ოთახში ხმაურობაც ვერ გაიგეს ან რას გაიგებდა სასმონი, რომელსაც ყურში ასე შხამიანად ჩასძახიან ფერადები, ასე გპირულად ყოვის მის ძარღვებში მზე ნაზიარი სისხლი. რა ხმაურობა შესძლებს ამ შინაგან ხმების დაჩრდილვას, გადატყვას!...

დაღონებული ნინო მძიმედ ადგავდა ფეხს სასტუმრო ოთახში. ყველაფერი ნაცნობი იყო მისთვის, ისევე გაწყობილი, როგორც მაშინ, მის სურათს როცა ხატავდა სამსონი. მაშინ იგი ბედნიერი იყო, კმაყოფილი. მაშინ სულ სხვა მიზანი ჰქონდა მის აქ სიარულს. მაშინ მას რევანში ჰყავდა საყვარელი ადამიანი.

ეხლა... იგი დაშორდა მას. ეხლა, ამ ერთი საათის წინ, ნინოსა და რევანის შორის გათავდა ყველაფერი. ნინომ უამბო დაწვრილებით... არც ერთი სიტყვა, არც ერთი წუთი არ კაუშვია აუწერელი. იგი არ ითხოვდა პატიებას—ამის ნებას რევანის სიყვარული მას არ აძლევდა. იგი არც ფეხქვეშ უვარდებოდა რევანს—იგი ამაყი იყო ისევე როგორც სურათში. მას სურდა მხოლოდ გულიდგან ამოეღო ეს დარდი, ეს ამბავი ნალვერდალივით რომ იყო შიგ. მას სურდა ეთქვა ყოველივე რაც აქამდე აწუხებდა იმ იმედით რომ ტანჯვა შეუსუმბუქდებოდა, დაავიწყდებოდა სამსონი

მაგრამ ნალვერდალს უფრო მეტი ჰაერი მიეცა, უფრო მეტი საზრდო და უფრო დიდად გაღვივდა, გაძლიერდა. ოო, როგორა ტიროდა რევანში, როგორ ქვითინებდა!.. რა ძნელი მოსასმენია, ღმერთო, ვაჟკაცის ქვითინი!..

სავარძელში ჩამოჯდა რომ სული მოეთქვა და მოეფიქრა რამ.

აი იქ, იმ ოთახში... ორი სამი ნაბიჯი კიდევ და ნახავს იგი თავის საკუთარ სამსონს, თავის სიმდიდრეს... ახ, როგორ შეუყვარდა ეგ წყეული, ეგ გიჟი, ეგ ბავშვი ეგა... ეგ ხომ ნამდვილი ბავშვია, ნიჭით მდიდარი, სახელოვანი... მორჩა. მან უნდა დაივიწყოს რევანში. რევანში სტიროდა, როცა ნინო ადგა და წამოვიდა... არც ერთი სიტყვა, არც ერთი შეხედვა! და ისიც წამოვიდა ისე, როგორც არა-

სასურველი სტუმარი, რომლის წასვლასაც ძლივს ეღიროსება ხოლმე მასპინძელი. ნუ თუ შეიძლება ასე მალე დავიწყება თავიანთი წარსული ბედნიერებისა?

და მოვიდა სამსონთან, რათა თავისი მკერდით კიდევ ასაზრდოვოს მისი ნიჭი, მისი ოცნება, თვით იგიც... რომ ყოველთვის განუყრელად ითვრებოდნენ, ერთად იწვებოდნენ სიყვარულის ცეცხლში...

მძიმედ მივიდა შუა კარებთან და ხვერდის ფარდას გასწია ოდნავ.

და რომ დაინახა შიშველი ქალი მზის კრიალოსნებში მობანავე... რომ შეხედა სამსონის არეულს სახეს, ბედნიერი თავდავიწყებით რომ მუშობდა... ერთი კი ამოიგმინა გულამოტანით და ქვითინით ჩაიკეცა კარებში.

ქალი წამოიჭრა ვით მობანავე ასული, ზღვის პირას ქვიშაზე მწოლი, უცნობ ვაჟკაცს რომ მოჰკრავს თვალს.


შემკრთალი სამსონი მივარდა ნინოს.

— დამშვიდდი, ნინო, დამშვიდდი... ღვთის გულისათვის, დამშვიდდი...

შიშველი ქალი ამაყად იზმორებოდა სარკესთან...

ნინო კი სტიროდა მწარედ, ქვითინებდა...

დედა ქალიჯი. აპრილი. 1919 წელი.



სარქდაქციო კოლექცია:

ივ. გამბართელი  
 ს. აბაშელი  
 პ. ირეთელი  
 არ. რუხაძე  
 ობოლი მუშა

1919 წ. დეკემბრიდან გამოდის ყოველ-თვიური საგზაბრო-სალიტერა-  
ტურო შურონალი

## „ცისარტყელა“

გამოცემა რკინის გზის მუშა-შოსამსახურეთა პროფესიონალურ კავშირის  
ცენტრალურ გამგ. პასთან არსებულ კულტურა-განათლების კომისიისა.

ყოველგვარ პ. კობების გასაგებად მსურველებმა უნდა მიმართონ ამავე კო-  
მისიას,—თბილისი, ელისაბედის ქუჩა, № 200.